

萬

曆

疏

鈔

萬曆疏鈔序

疏鈔自昔有傳而傳自近今則俱近
事或難之其說有三曰招君過而不
隱也曰彰國失而不諱也曰逢被言
大小諸臣之痺怒恐毒痛怨恨及其
子孫而莫可以贖也昔者龜山先生
語鄒忠公子第亦謂忠公舊有彈射

諸疏草當慎其傳恐權奸儉佞有存
而見者夫忠臣事君見無禮者如鷹
鷂之逐鳥雀旣不遑爲身圖又寧遑
爲後人圖且諸疏旣上之朝邸抄達
之天下雖欲勿傳又烏得而勿傳惟
是慎傳之意應不徒欲避咎遠禍或
在隱惡掩過以忠厚惻怛待天下而

子貢則謂君子之過如日月之食過也人皆見之更也人皆仰之人不幸有過惡與天下共見之共知之共改之是之謂君子之道以謬迷在一時而警省在終身愆尤在一人而懲戒在天下如終身有警省則一時之謬迷何必曲爲之揜護而揜護一時之

謬迷反無以開終身警省之端如天
下有懲戒則一人之愆尤何必多爲
之忌諱而忌諱一人之愆尤反或以
阻天下懲戒之路由前棄人于權奸
儉佞之歸由後不絕人于賢人君子
之路由前以忠厚惻怛待人淺由後
以忠厚惻怛待人深然則疏鈔之不

傳是或一道疏鈔之傳亦或一道也
昔者孟子之言曰王者之迹熄而詩
亡詩亡然後春秋作春秋之作存王
迹于旣熄爲天下萬世慮至深遠余
常不得詩亡之意近得友人發明其
言曰春秋直道也春秋之是非詩人
之美刺也盛王之世善善惡惡無一

不公諸天下而與天下共善之共惡之而尤恐耳目日壅過惡不聞于是而有採詩觀風之教使商旅工瞽得獻其忠法家弼士得申其議見于雅頌者若歎瞻烏之爰止屢宗周之覆滅言之曾無所忌甚則曰家父作誦以究王誟尹士皇父輩皆明列其名

不怨盖直切如此故上下能相保以
不敗迨其後也有射諫臣監謗者而
國人至道相目莫敢言矣卽忝離之
大夫不過曰知我者謂我心憂不知
我者謂我何求盖敢私憂而不敢頌
言也謂之何哉嗚呼此春秋之作所
以續詩亡者乎盖直道行而人各有

詩直道不行而聖獨有經其善善惡惡使聞者知戒懼者知悛直不欲棄人于權奸儉佞之歸而待天下以至誠惻怛之意故曰春秋成而亂賊懼蓋萬古之紀言紀動者宗焉然則疏鈔之不傳將爲亡詩之續疏鈔之傳亦春秋之遺意也夫茲刻自萬曆初

迄今三十六年七月止嗣後昌言盈
庭姑少需之以俟論次刻而傳之老
吳君采于名亮辛丑進士直言讜論
彈射不避權貴稱名執法能世復菴
先生之傳云

萬曆己酉冬十月穀旦

前福建道監察御史昆以錢一本書

萬曆疏鈔序

國家之患莫大於壅壅者上下各
判之象也是故大臣持祿不肯言
小臣畏罪不敢言則壅在下幸而
不肯言者肯言矣不敢言者敢言
矣究乃格而不報則壅在上亦在
下則上孤壅在上則下孤之二者

皆大亂之道也伏見

皇上聰明睿知方軌三五然而極
以來三患遞見何也說者以爲下
不自堯舜有爲之上者然上不自
堯舜有爲之下者然邇丁丑綱常
諸疏政府不欲宣付史館遂遷怒
於執簡諸君嗣是愈出愈巧率假

留中以泯其跡令言者以他事獲
罪不以言獲罪至於邇年且欲并
邸報禁之其故可知已乃壬午一
變公道屈焉而忽伸戊申再變公
論鬱焉而忽暢又足以發明我
皇上之果未嘗有負於天下天下之
果未嘗敢有負於

皇上卒之伸者仍屈暢者仍鬱又足以發明致壅之由根深蒂固非一時所得而猝拔宜乎論世君子俯仰江陵四明之間益不能不三太息也予友采于吳子自少承尊甫復菴先生庭訓磊落有志操旣徵爲御史朝拜官而夕抗疏直聲大

著巡方之暇蒐輯三十年奏議若干牘分若干卷凡先後留中與當路所不欲行於世者悉付剗削予論而有感焉以此有舉主爾容容者雖肉食也一夫慷慨言之訪之未曰奸名則曰蹶進矣均建言爾

犯

乘輿趨者十七犯要津升者十九以
君子攻小人曰何刻也不爾影響
風聞者也以小人摘君子曰何快
也烏有者左券矣愚誠不知其所
以然而然徐而察之顛倒于當局
而旁觀否譎訛于衣冠而道路與
廝否諄于大庭而平日隱衷否謹

于眉睫而事定否愚又不知其所
以然而然於此可以稽世變可以
觀人心可以卜士氣可以叅善敗
得失之幾昭往而惕來采于之功
遠矣抑予更願有獻焉李忠定曰
天下之理誠與疑明與闇而必由
誠明推之可以至於堯舜由疑闇

推之其患將不可勝言願以是爲
皇上獻求所以至於堯舜者蘇文定
曰天下有重臣有權臣權臣天下
不可一日有而重臣天下不可一
日無也願以是爲執政獻求所以
爲重臣者至於言官操天下之是非
天下又操言官之是非蓋言之

不可不慎如此也願以是爲臺省
獻求所以信於天下者太初鄭子
聞之喜曰顧叔子之言其究弊也
專而確得拔本塞源之義矣其責
善也普而公得交修共濟之義矣
率斯以往天下直運之掌耳夫何
壅之與有遂以語米子米子曰是

固予輯是編之意也

萬曆己酉冬十一月穀旦

南京光祿寺少卿前吏部文選司
郎中梁溪顧憲成撰

萬曆疏鈔叙

今皇帝臨天下久耆宿名德厯有修
者守經據古危言覈論之臣投鼠
器探驪珠不安其位久遜于荒後
進無所稟承紛然殺亂莫由取衷
而練

朝章通國體者殆少是鈔葺自

上纘服訪落迄乎今茲凡諸臣封事
若干篇幾百萬言而離其目爲五
十蓋亦四十年朝野得失之林也
然以余觀于四十年來大都有三
變焉嘉靖末執政墨而善阿邑固
寵羣蟻附羶濁亂天下自壬戌至
今皇帝凡十年而歷三朝矣代者或

尚清靜獎恬退而不無空談廢實
之弊或輕喜怒急紛更而遂致太
剛則折之患於是執政綜核名實
繩下如束濕薪家耦國權震主其
知深而勇沉偵矚者不得要領吠
聲射影蔓衍株連其訑訑言貌距
人千里之外其極慘礪少恩此一

變也言路之塞塞在驕倨而專恣
上益明習國事不欲倒授人太阿柄
而執政無一介不取三公不易之
節以厭衆望而又懲驂乘前車多
都俞鮮吁咈

上既無所逆於心見以爲馴謹而時
詘言者以狗之內不沾洽外示包

容強笑語相下而陰實牢籠之中
外章滿公車謹孫謝觸聞罷而已
此一變也言路之塞塞在泄沓而
靡靡

上久廢郊廟朝講厭薄大小臣不卽
除諸署鞠爲茂草奏入不答常十
九而舞智御人者因以爲利曰默

足容也諫愈磯也遇主于巷可耳
麤翹不急爲而靜正伏言何在人
不適政不問而格非心何曰橫政
橫民悖出悖入怨歸于上而下逃
其責此一變也言路之塞塞在眡
姦而巧匿人心世道譬諸質正獲
之問於監市履狶也每下愈況不

逆其源則頽波不可挽不緣其督
則藥物不可投四十年中情僞微
暖事勢鼎革按是鈔而約畧得之
于以轉移人心祛詖淫邪遁之害
綱維世道歸平康正直之路良有
藉賴矣我思古人忠愛無已反覆
必聽則趙晉之懷牘范鎮呂誨王

拱辰之累奏舍已從人同心僇力
則歸登之附名崔植劉覃之更疏
梁燾劉安世之交攻多蓄前言斟
酌時宜殷鑒柯則事在不遠則侯
霸收遺文條善政呂祖誨趙汝愚
集名臣奏議是鈔也意儻在是乎
意儻在是乎刻成謹綴數語以識

歲月

萬曆己酉冬十二月既望

巡按宣大監察御史吳亮采于甫
書

選刻姓氏

金沙

景素千孔兼

毘陵

啓新錢一本

錫山

涇陽顧憲成

毘陵

玄臺薛敷教

荆谿

玉池史孟麟

錫山

景逸高攀龍論次

荆谿

中湛陳于廷

毘陵

嚴所吳

亮叅校

萬全都司儒學

教授李廷光對同訓導劉好謙

長厚疏鈔總目

第一卷 聖治

第二卷 聖德

第三卷 國本

第四卷 政本

第五卷 綱常

第六卷 國是

第七卷 臣道

第八卷 民瘼

第九卷

史職

第十卷

言路

第十一卷

省規

第十二卷

臺憲

第十三卷

時務

第十四卷

褒忠

第十五卷

援直

第十六卷

起廢

第十七卷

懲貪

第十八卷

發姪

第十九卷

糾邪

第二十卷

闢宦

第二十一卷

銓政

第二十二卷

察典

第二十三卷

用人

第二十四卷

飭吏

第二十五卷

財計

第二十六卷

糧儲

第二十七卷

錢鹽

第二十八卷

屯馬

第二十九卷

礦稅

第三十卷

朝講

第三十一卷

陵廟

第三十二卷

宗藩

第三十三卷

修省

第三十四卷

制科

第三十五卷

崇儒

第三十六卷

謚典

第三十七卷

戎務

第三十八卷

邊防

第三十九卷

邊餉

第四十卷

邊功

第四十一卷

遼建

第四十二卷

滇黔

第四十三卷

東倭

第四十四卷

噶播

第四十五卷

明刑

第四十六卷

弭盜

第四十七卷

河漕

第四十八卷

水利

第四十九卷

工商

第五十卷

上書

總目畢

萬曆疏鈔卷一 聖治類

陸樹聲 敬獻愚忠以隆聖治疏

李 杲 一政令以隆聖治疏

余懋學 陳五議以襄化理疏

傅應禎 陳膚議以光聖治疏

管志道 乞稽祖制以挾聖治疏

孟一脈 覃皇恩以光聖治疏

魏允貞 條陳救弊四事以弘治道疏

王士性 敷陳天下大計以光盛治疏

孟一脉 急救時弊以圖萬世治安疏

范雎 恭陳膚議以新治化疏

姜士昌 直陳治體以裨聖明疏

張岳 恭進交儆之謨以隆聖治疏

海瑞 一日治安天下疏

吳達可 乞勤政學以隆治安疏

馮從吾 乞勵精以圖萬世治安疏

于玉立 乞勵精改圖以救禍亂疏

丁元薦 乞更化以光中興疏

陳于陞 披陳時政以光治理疏

呂 坤 直陳安危禍福以保萬年永祚疏

許弘綱 亟通庶政以保治安疏

李三才 歷陳國勢病由以保天下疏

王元翰 直陳受病之由以光贊聖政疏

李三才 聖政通而忽滯請破機關終盛治疏

曹于汴 乞發章奏決用舍以成盛治疏

蕭近高 乘時發政以臻治平疏

李三才 極陳國家治亂大關疏

王元翰 乞採公道以固社稷疏

陳宗契 乞御朝用人省言撤稅以隆盛治疏

馮奕垣 亟反弊政以圖治安疏

李三才 直陳三事大義以裨聖治疏

康元積 敬陳保泰之謨以新聖治疏

史學遷 朝政日非乞亟悟改行疏

蕭近高 擴聖度通國脉以維世道疏

李光輝 國家危亂已兆朝政壅蔽猶仍疏

張濤

邊腹多艱見聞有謹陳利弊仰禪采察以圖安攘疏

萬曆疏鈔卷二

聖治類

敬獻愚忠以隆聖治疏

陸樹聲

禮部尚書
萬曆元年十二月

竊惟方今之務莫要於聖學

臣

嘗入侍經筵仰見

皇上睿哲聰明孳孳嚮學古所未見而密勿大臣繪

圖立說因事效忠誠有以端聖功之本矣但

臣愚以

爲學之爲道本無限也見聞日廣則義理愈見其難

窮知慮日開則趨向愈見其難定況法筵之上宸嚴

所臨或一時敷對未詳則記憶豈能周悉宜再推廣德意令史臣採摭經史凡聖賢之懿訓可爲法戒及本朝列聖創守之宏規繼述之大烈著爲謨訓者櫟括其辭節畧其要如宋儒孫奭之上徽言范祖禹之進帝學輯成進御以便省觀亦聖學緝熙之一助也然學以修德德在慎身臣愚尤望皇上思此身爲天地民物之主而一食息起居必遵常度念大位爲祖宗付託之重而一發號施令務當人心孝養愈茂於兩宮心思常徹於九有任賢而始終不貳從諫

而徑直皆容道已至而常虛望道之懷世雖泰而恒
切保泰之念則聖學光明德日新而治化益隆宗
社萬年之基端在是矣然臣愚芹曝之誠尤不止此
臣聞益之告舜曰罔失法度夫以儆戒無虞之道而
首於法度言之豈無謂哉蓋世際承平人情易弛雖
聖如大舜治如有虞而法紀之守亦自有不容不嚴
者臣竊見祖宗立法纖悉委曲皆有深意二百年來
治平無事大綱非不振矣而節目漸渝或視爲細故
而以通融爲無傷或便於徇情而以因循爲得體間

有拘執者則衆以爲苛刻而共議之不知法之廢也
始於細微而成於沿積小不守則至於大漸不可長
矣宜令諸司查照祖宗舊典一一上請申飭卽在
纖悉務令舉行毋安故常以滋玩愒此法紀之所當
嚴者也諸司政令所以明職掌以一法守也今事例
多端條格不一或乍經建白而旋復改更或見在施
行而隨卽寢革夫輕於定令則下難遵承煩於立例
則弊多出入徇時情者得借以援引肆臆見者或任
其推移甚非所以示畫一也宜勅下部院司府凡

見行事例通行酌議去煩就簡申明裁定以便遵承
此政令之所當一者也士風者世道之元氣士風正
則禮義興而治道因之數年以來士習漸乖騫聲利
者巧於趨時悅紛華者安於徇俗學專口耳而畧身
心事尚周圓而鮮卓犖號通財資詭隨以濟用稱任
事務誇大以炫名或貌順而心懷異同或外合而中
藏僞伎如斯類者萬幾有之雖當聖作之期戒諭諄
切一時漸改觀聽而革心之化未遽夫朝廷有教化
而後四方有風俗本原倡率之地不當加之意乎臣

愚以爲宜抑奔競以厲廉隅黜虛浮以敦長厚通行
敕勅明示嚮方此由風之所當正者也民惟邦本本
固邦寧未有民生不遂而可以稱善治者今生齒庶
繁民力凋耗譬之堂宇飭而杼軸空膚革完而脂膏
竭臣昔年赴召道途所經自江淮以北歷齊魯畿輔
咽喉之地見差役繁重民多流徙不勝困窮兼聞吳
越閩廣山陝諸處或敝於征徭或困於兵賦民窮財
窘所在皆然吏非不知民隱然欲施賑貸則倉廩不
繼欲事實卹則逋歛難蠲德澤不宣民困何由而甦

宜勅下廷臣各陳裕民長策務求實惠毋事虛文
該司酌議條列上裁通行撫巡責成守令必使民生
咸遂不徒粉飾治平此國本之所當念者也財用經
國大計其損益自然之數不在民則宜在官今賦歛
之歲入有常政令之蠲除不下財用調度亦甚密矣
然太倉之粟未腐內帑之貫未朽而下無藏富之民
土有竭澤之慮此不可不求其故夫江河不能實漏
卮欲足國用必先均節故止不急之營建則濫用舒
裁未時之賞賚則浮靡抑約內外之供億則奢泰斥

禁姦墨之漁蝕則培克止斯非足國之要歟至於錦
衣官校監局匠作軍伍之鬻占厨役之替補冒濫冗
食積弊相沿又不可不嚴爲覈汰也先臣韓文在戶
部奏會計疏格目謂宜究浮約之故以酌豐儉計出
入之數以定經費使財用虛實一覽曉然其在於今
尤不可缺此財用之所當議者也建宗封以爲藩屏
祖宗訓制明矣今支庶日蕃賦入不給人多祿少艱
窘孤貧所在踰城越關者屢經送發不能禁止議者
以爲宜限爵祿及子子之數然過於裁抑則恐至傷

恩爲之變通則委於無術將來勢窮弊極有不可勝
言者矣宜查據該部近年奏行條例中間或約束太
嚴而所當通融或區畫未盡而所宜酌處者通行奏
乞裁定以永遵依至於欲慎輔導則長史教授等官
宜稍加銓擇賢能者一體陞敘毋委之閒廢以責其
輔導之實仍於臬司憲臣中擇其職事稍簡者請
勅兼理宗室事宜凡事由長史司申呈撫按委行覆
查方與奏請庶下無抑勒而越例奏瀆者或少也非
權宜之一端乎此宗藩之所當議者也自貢議成而

外夷納款求市疆場安而歲省調發有明效矣然邊
圉無警則偷惰易生虜情難厭則向背莫測休兵日
久則戰陳不習市易往來則禁防或疎如宋臣富弼
所謂目前恃以無恐將來將不知兵兵不習戰者不
可不爲之慮也宜內乘閒暇以修戰守之宜外察虜
情以施撫馭之術戒主帥之數易嚴士卒之訓練偵
東西夷分合之故以携其糾聚聯各邊鎮臂指之勢
以厚其聲援而又申嚴七鎮增修捌事以時稽其實
此邊防之所當議者也國家財賦全仰河漕邇歲

功修而運道通漕政舉矣然黃水之潰決無時河渠之通塞難料天時之饑穰不一每當春夏運艘大集嚴於催督則商旅不行萬一歲事不登徵發稍後或河流阻澀致稽期會加以治河夫役十二總漕卒罷悴歲無息肩而隄防之修培運船之補造歲費不迭不無軫當事者之慮聞之先臣丘濬建議欲水陸並運及兼行轉般之法夫陸運費鉅不可行矣乃河漕可常恃也不可權其變也海運不可恃也亦不可全廢也轉般支兌可兼行也不可執一也視時豐歉

因勢變通在司國計者宜權其便矣此漕運之所當
議者也又臣備員禮官竊詳國朝郊廟之制國初因
儒臣草創之議二丘分祭後定合祭之禮矣至世宗
皇帝采言官之議復主分祭當時與議諸臣有謂祀
地北郊禮不經見或謂禮行於郊而百神景從不當
日月配天者其言似若有據國初廟祀始建四親廟
已建太廟準九廟之制矣至世宗皇帝創定大禮尊
二祖以表功德列羣廟以序昭穆特建世廟以奉睿
宗已復祔享於大廟說者謂因情起義全專享之尊

而不失昭穆之序則世廟爲安二者皆典禮之大非
臣下所敢輕議方當稽古右文之世正禮樂明備之
時觀會通以定一王之典垂萬世之法其在今日不
識可徐爲之議乎凡是數者今大臣之所謨謀侍從
之所獻納臺諫之所論列 聖心常加意而延納之
矣又何假於 臣言但 臣衰殘餘齒恐溘先朝露圖報
無由故不揣疎陋冒昧上陳固知塵露無裨於高深
庶幾芻蕘可備於採擇伏惟 聖明留意

一政令以定治體以隆聖治疏

李栻

河南道御史
萬曆元年三月

竊惟帝王所以致天下之盛治者莫不有一定之治體而其所以定天下之治體者莫不有畫一之政令何者政令者固治道之所由以出也苟政令不一則事理之施行無所遵守人心之趨向無所適從而欲定天下之治體以致天下之盛治難矣古之帝王有見乎此故凡有大疑必謀及卿士謀及庶人罔有不協然後從之凡有出令必質之人情叅之輿議罔有

不臧然後行之以爲不如是不足以息羣言而定國
是夫是以令出期於必行堅如金石信如四時而敷
天之下亦莫不聳動厭服以承休德而罔或有異議
者以其無有乎不一也今內而部院等衙門所以議
政令而修之朝廷之上者也外而撫按等衙門所以
宣政令而行之邦國之間者也比年以來政令之出
於朝廷者變易無常遠者不過數年近者不出期月
甚或方議舉行而忽改方從停罷而復行其行之也
初不深究其弊以一人之言而遽行其罷之也亦不

深思其便以一人之言而遽罷建議者固隨其所見而不必盡協乎事理之宜主議者亦漫爲題覆而不必悉見諸施行之實上下相玩無所取裁政令之行於四方者固非條約無以達乃今歲更一官人各一見務求新異耻相襲沿每官一番變改每歲一番刊布甚或官以事故遷去一歲而兩番變改刊布者有焉各差地方條陳之疏亦復有類於是用致吏不知所守民不知所從非但紀法無章亦且紛擾滋弊蓋由祖宗立法之初意未經申明政治施爲之定體未

經講究是以輕任意見不憚紛更先年重修大明會
典儒臣病於紛更不一迄未及成亦正爲此茲者恭
遇皇上龍飛御極日勤講讀銳情治理薄海內外
莫不欣欣然延頸舉踵相望太平之治矣若不及今
講求畫一以定治體而興治功則所以振積弛而起
太平者將何時而議也然所謂講求者非不遠求古
昔廣事詢謀爲也祖宗之法度布在方冊者昭然
具存諸臣之建議副在有司者無一不備倘令內而
部院等衙門將所存歷年奏疏備加繙閱叅以各該

職掌條例通行詳議事理之當者雖報罷不嫌於舉
行事理之非者雖議行不嫌於停收務求講究畫一
經久可行其有應合變通者亦惟革弊補偏而不失
乎祖宗立法之初意畧倣各部職掌定爲條例逐
一開具題議行止畧節緣由以備查考使後之建議
者有所取正主議者有所折衷遵行者有所信守不
致紛更變亂以壞祖宗之法外而撫按等衙門將所
存歷年條約及歷年地方條陳事件通行查發所屬
司道與之備加詳議務求足以宣上之德達下之情

而不失祖宗立法之意畧倣憲綱定爲條約各因地
方民情土俗之所宜各就督撫巡按學校屯馬軍鹽
倉漕之所事叅酌畫一經久可行具揭都察院覆議
裁定分發各差永爲遵守不許仍前數行變更刊布
其歷年條陳事件應行應革講究既定徑自條議上
請裁奪以後不得妄議紛更雖或應有變通亦止補
偏革弊而政令有不一治體有不定者未之有也如
此而聖天子以厲精臨之於上賢公卿以精白承
之於下臣等同德共濟臣等勤心不徒虛文而必責實效

德以一而風俗以同帝王隆古之治臣心了然見其
易易耳伏乞 勅下吏部都察院再加查議如果臣
言或有可采轉行各部院等衙門及督撫巡按等衙
門一體查酌講究停當題覆上請施行毋或偏頗而
致有異議毋或疎畧而致有後言其於聖治未必無
小補臣愚無任惓惓

陳五議以襄化理疏

余懋學

南京戶科給事中
萬曆三年二月

臣聞聖王兼聽之仁不遺葑菲臣子自靖之義願效涓埃伏惟皇上纂歷昌明秉資英哲講學親賢孜孜不倦海內喁喁庶幾復登三五之烈臣愚遭逢盛際待罪南垣邇於將順之餘竊有補拾之念輒敢不避斧鉞敷陳五事惟陛下試垂聽焉竊聞論治功者貴精明論治體者尚渾厚陛下臨御以來立省成之典復久任之規申考憲之條嚴遲限之罰大

小臣工靡不勲勲奉職治功既精明矣臣愚所過慮者政嚴則苛法密則擾今綜覈既詳弊幾盡剔而督責復急人懼不堪 詔旨多切責之辭臣工右刻核之治竊謂非所以培元氣而存渾厚之體也夫湍水鮮縱鱗風林無寧翼操切之與因循施舍不同敝治則一今固未至於操切也臣懼精明之過則操切乘之昔臯陶以寬簡贊帝舜姬旦以惇大告成王淪浹當時矩矱後世臣願 陛下遠憲二君留心柔克持大體而畧繁文矜微瑕而宥小眚 綸綍之出本之

和平而不數下切責之旨政令之行依於忠厚而不
專尚刻核之實更乞 明詔羣吏洗滌煩苛寧爲山
藪之藏無爲淵魚之察待法者希蹤鸞鳳司牧者續
績保障 廟堂議事無竭澤以焚林臺諫論人勿索
瘢於洗垢庶幾寬嚴相濟政是以和而從欲迂衡之
治不難致矣故一曰存惇大言路通塞治忽攸關思
昔流涕太息之言十思十漸之疏自未信者視之鮮
不以爲訕已也而爲二王者或止輦受之或霽威容
之君有受諫之名臣無敢言之譽漢唐之治獨二主

稱隆焉此聽納之明效大驗也 陛下首政召用讜
臣天下日引領以望從繩之治然而慙直之臣間遭
降斥敢言之士動致外遷此雖諸臣不能積誠納約
以致自速伊戾顧立仗之機漸啓則鳴陽之瑞不聞
臣頃見諸臣屬疏再四遲回懼觸時忌竊以爲危言
危行之時不宜有也夫諫官未必皆賢所言未必皆
是爲君人者須寬假之優待之庶謬譌之氣由之而
振古稱從諫則聖豈待遜志後從惟言雖逆心而聽
且弗拂此聖之所以益聖也 臣願 陛下虛以受人

言求諸道自後臣下進言必召閣臣詳議言苟可錄俯賜施行設於聖心有違亦必嘉其狂愚稍示寬宥無謂逆耳而加遣謫無因小疵而加詰問并乞申諭吏部於二三忠讜之臣特加優錄無憚汲黯而出淮陽無疾陽城而奪言秩庶幾言路日開聖德日宏而奸邪不敢竊肆國是賴以維持矣故二曰親審諤惟名與器不可假人國制誥勅之典以風有位非考滿稱職不與非大慶覃恩不與至慎重也曩歲皇上加恩宮臣太監鄭真得蔭姪珰爲

錦衣千戶 恩旣渥矣玆未有以圖報乃未幾輒求
管事又未幾輒求 誥命 陛下未下部議俱允其
請此於 陛下優念近臣之私誠不爲過但揆之法
制以 祖宗風勵之典而徇蔭臣請乞之私其防不
可潰也求管事而與之管事求 誥命而與之 誥
命舊制難踰邪心無厭其漸不可長也竊觀外廷者
臣有陳必付所司查例今於內臣獨不用例昔人宮
府一體之義或不如是夫踰制則濫徇情則褻濫則
啓覬覦之心褻則乖激勸之義是以孔子惜繁纓昭

侯愛敝袴豈真惜此細物哉誠以禮審幾微分防僭
逼聖哲之爲慮至深遠也今內臣侍衛不止一真中
廕管事不止一珰往者固不復追而來者尤宜預杜
臣願陛下法行自近自後內臣請乞必下該部查
例如所請違例該部得以執奏該部依違該科得以
叅駁臣又惟大臣恤典寔寓旌別近見禮科都給事
中朱南雍等查叅原任尚書傅炯公論不容不宜與
之祭葬特蒙明旨竟從初議臣竊以爲科臣論炯
之言是則祭葬之命宜中止也論炯之言未確則勘

明後予未爲遲也今既不咎科臣叅駁之非而又輒予傳燭祭葬之典此之不明則是始之予也爲過後之予也爲遂始也天下猶謂恤典以厚大臣其後也天下將謂恤典以賞有罪矣夫此一燭爾然是非不可不明恤典不可不慎願將禮科原疏下部集議惻誠共棄就停祭葬以示懲炯猶可原俾因僉論而獲白至其題覆宜嚴近奉 明旨申飭臣竊謂覆請雖在該部而初請則在撫按苟撫按查覈加嚴則該部題覆自當再乞 明著爲例今後大臣在家病故撫

按官查果生平無過輿論稱賢始爲具奏事下禮部
則該部加覈焉該科又加覈焉詢謀僉同始爲覆奏
若初覈不嚴咎在撫按覆勘不當咎在該部叅駁不
公咎在該科庶幾公論旣明主恩不濫而激勸人
心之大機不外是矣故三曰慎名器詩詠率章書言
由舊祖法之不可變也則自古記之矣祖宗典則
上同謨烈傳之萬世所宜遵守借日時異勢殊則亦
補偏裒敝擇其窒礙者而稍變通之可矣固不宜輒
以一己之聰明而輕紊祖宗之成憲也邇年以來

建白者炫奇題覆者徇私今日以某言立某法矣明日輒以某言而罷之今日以某言更某法矣明日又以某言而復之法令滋更從違靡定卽如南京兵部更置江濟二衛水夫兩淮鹽法兼轄浦子口營將官之議覆允者未幾而請罷者隨至此則不審時宜輕變祖制之故也臣願陛下申飭羣工恪守成憲諸臣建白酌之事體無得剿說以邀名該部覆題要於妥帖無得依違以取媚至如條例事宜勢難遙度則須南咨南京部院外行各省撫按就彼講求議定

後覆該部尤不得遷就含糊以起紛紛異議庶幾政
有常經而國是定民志一矣故四曰戒紛更敬事
後食臣子之節上下相諛非國家之利切見近時該
部題覆邊功往往首列閣臣勲猷盛夸督撫功伐此
猶曰運籌宣力例當叙也至如涿州橋工告完天下
明知爲聖母濟人利物之仁而該部議功乃至夸
述閣臣司禮之績例雖沿舊詞涉獻諛臣竊以爲非
美事也夫周公之功固大矣皆臣子之分所當爲卽
使諸臣功在社稷亦敬事後食之常耳一不宜叙

輔臣之職翊贊 皇猷啓沃 君心其大也區區甲
士考功之勞以叙輔臣小之乎爲功矣二不宜叙近
臣懋賞簡自 帝心矧貪天功而謂已力則智者不
居焉三不宜叙先該大學士張居正等疏辭功賞
陛下嘉其勞謙足立臣極臣於此竊度輔臣之心必
不以叙功爲當然仰窺 陛下之心亦必不以賞功
爲美事惟該部向沿舊套懼長諛習誠宜釐正臣願
陛下申飭該部今後題覆功次只宜直述事情始末
與將士俘獲之數邊臣指麾之畧上請 優賚不得

循舊夸張炫耀觀聽至於閣臣翊贊之勲宮臣侍衛
之勞則 聖衷夙鑒 國典具存該部尤不得輒加
贊揚以長諛佞庶幾朝多不伐之風人懷敬事之念
而世道士習因之丕變矣故五曰防諛佞夫此五事
者言若未切於時宜而實則有關於治體 陛下倘
幸蒞菲 臣言俯垂 採納則惇大之治宏謦謬之氣
振名器慎而人知勸紛更息而法不紊諛習旣除士
風斯正所以嚴日中之防而慎履霜之戒者未必不
自此得之矣 臣質本草茅言罔諱忌伏惟 聖明財

詞

聖治

六

察

臣

愚幸甚世道幸甚

披血誠陳膚議以光聖治疏

傅應禎

河南道監察御史
萬曆三十二年十二月

臣惟我國家重熙累洽垂二百餘年君明臣良

中外乂安未有如今日之盛誠超軼漢宋匪直比周

之成康時也但臣思王道如精金美玉一渣滓之未

融不足以語百鍊之金一寸瑕之點汙尚可以玷連

城之玉矧治理未臻於純全將王道終限於小康臣

冒昧不愛其死敬採三事以獻首重君德次蘓

民困而以開言路終之自知芻蕘之見狂夫之言願

聖明鑒察

臣

不勝戰兢隕越之至爲此具本闕坐謹

題請

旨一曰常存敬畏以純

君德

臣

聞敬者德

之聚合顯微動靜而無間者也堯舜文武修己以安
百姓篤恭而天下平不過卽此敬之充拓三代末世
不得爲賢君者凡以怠惰放肆失之耳洪惟我皇
上聰明天縱聖德日新宜無間然矣而於純敬之
學切恐猶在所當講求皇上試自思之祀郊廟
奉兩宮敬矣而退處暗室屋漏果是心乎否耶
臨殿廷御經筵敬矣而狎見左右近侍果是念乎

不耶一有未純卽爲作輟卽爲間斷而非至誠無息

之道矣

臣

冒死請歷指其事而陳之

臣

聞今歲雷震

端門獸吻地震於

京師直省者不下數四如近日

岷州之報尤可駭也雖由大小臣工失職曾未見

皇上未修省一詔以回

天意晏然如處無事豈真

以天變不足畏乎要亦

敬天之心未純也遣大監

往真定府抽印原非舉國初令典事創於正統間也

先帝用李芳之言停止前差地方稍就蘓息

陛下

不能納科道之諫必欲差往奈何甘心效

中朝失

德之故事豈真以祖制不足法乎要亦法祖之

心未純也

臣

又近聞戶科給事中朱東光陳言保治

不過一二語直切時事猶未若古人言之解衣危論

折檻抗疏也幾於觸犯

雷霆本又留中豈真以人

言不足恤乎要亦側席求言之心未純也夫三不足

之說王安石所以誤神宗

陛下有自誤耶

臣

知其

必不然也伏望

皇上恭默思道彌夫變於未然修

德省愆消災禍於既至如雷霆必思陽德方生乃爾

奮擊觸物不於他處而於端門如地震必思陰德主

靜乃爾騫騰震撼一見於京師屢見於直省得非
朝廷容有未盡善之政歟所以因變而思過者不容
已也抽印三節縱在必行合請照荊州蕪湖抽分事
例勅下工部擇營繕司廉慎者一員往代其事急
收異賊命取回太監以慰人心而安地方不亦可乎
凡大臣進者如朱東光批鱗躡尾豈無畏死之心無
非感荷廷國恩思效犬馬不必計其論列之是與非
也均當容受使知朝廷樂於從諫不必計其章疏
之當與否也俱下該衙門知道使知朝廷無所忌諱

苟有切於隱憂勿罪無因而啓將來之釁苟有補於
闕失勿遽留中而滋欺蔽之姦夫然則憂勤惕慮之
心隨事致謹戒慎恐懼之念觸處不忘斯之謂純德
而天眷永保無窮矣伏乞 聖裁 三曰請蠲逋稅以
蘇民困 臣聞 皇上初登 寶位首下恩詔自嘉靖
三十四年起至隆慶元年止計切未完錢糧盡行蠲
免自隆慶二年起至四年止計切未完者免三
徵七誠天地曠蕩之洪恩而海內歡忻鼓舞者至矣
夫何 臣聞 求之輟恤者愈夥 而下之希望者愈無厭

如戶部之秋糧夏麥禮部之藥味藥材兵部之馬船
馬價草場民壯工部之四司料銀以及江防海防軍
餉之類除免三外其七余應該徵納者宜其朝令暮
完可也顧乃官司費力於刑併百姓任意以延捱帶
徵之令雖嚴積逋之數如故是豈民之真無人心哉
臣有以推其故矣夫使五穀豐登四方無虞一歲之
入僅足以供一歲之出況水濫旱乾無處無之復欲
兼責連年之逋負此力量必有所不能支且免三徵
七 詔雖頒示於中外而深山絕陬之民尚有未經

耳目者皆云前項錢糧 朝廷盡數蠲免官司乃爾
窮追不過爲囊橐計耳近奉稽查章奏完不及分數
者撫按聽叅郡縣聽降諸司望風而股慄百姓稍悟
其旨意夫使見任之錢糧未完從而罰俸降等乃其
甘心焉者顧以遠年之拖欠責以一旦而追求臣恐
中材之士身家之念重而爲民之念疎錢糧一日未
完則俸一日不開俸一日不開則罪譴一日未釋彼
之處心積慮設法杖併者將無不至而民之椎膏折
髓彼暇顧哉蓋 朝廷以此責威撫按撫按以此責

成都縣矣其取盈於民者亦勢也嘗見披枷帶鎖相
藉於道路提携保抱逃竄於他境形似失巢之鳥苦
如遊釜之魚身請爲傭妻鬻爲妾以償者有之家產
盡絕待斃瘞瘡而無完者亦有之咨嗟愁嘆聲徹于
天水旱旱火災見於人是豈太平之盛事而 皇上
所忍聞哉 臣嘗卽今日之財用遡觀 世廟之時勢
其不能解者三彼其時候虜交侵兵馬糧餉日費不
貲其積逋之撥括未甚也今天下蠻夷納款曾惡授
首乃不免於積逋之追此 臣之未解一也鼎修 宮

闕大役繁興採木鑿石萬里輸轉其積逋之撝括猶未甚也今 皇上專心節省絕意營繕乃不免於積

逋之追此

臣

之未解二也嚴嵩當

國鬻爵賣官盡

天下之金寶奇貨填入私門其時民力猶未告匱也

今則昭明公道屏絕私交而閭閻反覺空虛何哉此

臣

之未解三也伏乞

皇上體天地之心而憫生民

之窮 勅下該部查勘徵七年分凡京庫太倉金花

等項繫于戶部爲 國用之不可缺者仍照前 旨

徵解其餘如農桑布絹藥味藥材馬船馬價匠班料

銀以及南直隸應安等府江防海防之類明白下詔
各省府州縣查非侵欺果繫民欠者悉與蠲除其中
如蒼朮一味無甚緊用實心花班竹委非湖廣所產
應改折者改之以免採買轉運之累既止營繕不繁
土木如四司料銀請查嘉靖十八年以前額派可減
者頒示天下使民受一分之惠則仁恩敷於九有
始若江河之浸膏澤之潤矣若是而民困猶未蘓天
變猶未回卽以臣梟之藁銜永爲欺妄者之戒伏乞
聖裁三曰叙用言官以開忠讜臣聞君象元首臣象

股肱而臺諫者則又 朝廷之耳目咽喉攸繫也耳目稍有所壅蔽則聰明弗廣咽喉稍有所扼塞則氣脉不宜臺諫一不得其職其爲元首之害匪渺鮮矣是故聖王賞諫臣非利之也蓋 人君威如雷霆而中材之士率多畏死惕威使不有以作其敢言之氣孰肯批逆鱗犯忌諱以蹈不測之慘哉況不惟無以賞之又從而搏擊之視其爵而降其等彼執守未定者藉口於上之不樂聞過遂相率以隱默爲高脫有姦惡起而播弄其間 人主何由得聞不惟自聾聵

其耳目而斷塞其喉舌也哉洪惟我 皇上 登極
未幾石星李已 先朝以言事擯斥者首起廢而叙
用之海內臣工輒彈冠相慶曰 聖天子之重諫臣
如此真直道可行之會乎凡抱忠耿挾訐謨者孰不
望 黜座而快於一陳之爲願也胡近年南京火者
張進醉辱科臣王頤卽所以辱 朝廷之耳目矣兩
京科道交章論劾給事中趙參魯論之獨詳其間不
無訥辭激烈之罪 皇上將科道官罰治而獨以趙
參魯黜爲典史無非寓曲成於懲創之內使知悔過

自新而遠近臣民不解德意遂謂 皇上之庇內臣
如此其抑諫官又如此縉紳徒切扼腕凡事之有涉
於近倖者遂卷口而不敢一言卽言之亦無補如近
日胡執禮裴應章之諫討馬趙煥侯子趙等之諫抽
印俱束閣不行不有明驗乎又南京給事中余懋學
條陳五事直切時政其間不無指摘太過之弊 皇
上將余懋學禁錮終身不使再用無非寓仁恕於懲
創之內使言者慎重而不敢輕也遠近臣民不悟
聖意遂謂 皇上之諱直言如此其逐諫官又如此

相與私相感嘆凡事之有關於朝政者皆畏縮而不敢矢陳卽陳之且得罪如近日李盛春之請朝賀朱東光之請防微幾於不免不有明徵乎夫懋學二臣雖未敢卽定其人品爲何如緣其事而諒其心實欲效忠乃俱不免譴責焉藉使他日載諸史冊彼二臣者以諫規逐猶不失美名皇上因諫而逐二臣後世將謂爲何如主哉此臣寢食不寧不暇爲二臣惜急欲爲皇上惜也況趙參魯貶謫遠而悔悟益深余懋學罷斥久而愧死無地伏望皇上鑒

愚朴之忠而畧既往之愆開繩糾之路以收交修之益勅下吏部將趙參魯取陞京職余懋學仍舊叙錄則正直之氣弘而謬諤之風興豈非太平盛事也哉再睹余懋學明旨有言復用余懋學者一體治罪臣今冒死言之誠不忍以拒諫之名累皇上之盛德也儻臣之言行皇上之盛德全令譽永矣卽放田里潤鼎鑊亦甘心焉伏乞聖裁

乞稽祖制酌時宜以恢聖治

管志道

刑部主事
萬曆六年二月

臣伏見舊歲十月中彗星示異言官因事納忠多所裨益皇上亦畧採而行之矣如臣所慮尚有出於此者其時起復未除不敢輕率言事又念皇上方議大婚及垂情於輔臣去留之際恐言煩起厭遲回者久之而此心耿耿終難自禁茲者大婚禮成輔臣議定而聖齡且鼎盛矣昔孔子年十五而志於學帝堯年十六而諸侯推戴皇上今日踰志學之期符

推戴之會此正總攬萬幾勵精圖治之日也而未有
揭要領破拘攣如古之流涕太息以陳國是者雖

聖明天縱豈能一一坐而照之哉

臣

竊觀今之時勢

多以末流事例爲綱紀而不究法之所從來以牽合
世情爲中庸而不虞弊之所底止駸駸乎極重而不
可反矣及今不拯後必難圖迺進言者輒曰中國又
安四夷賓服眞所謂抱火厝之積薪之下火未及然
而謂之安也

臣

甚憂之故撮其緊切重大者爲九條

以獻非誠有卓越過人之畫亦非敢爲迂闊難行之

論不過舉祖宗成憲及當今事宜求挽極重之勢而
已稍有識者類能言之然而不言何也非顧戀而不
肯言則畏避而不敢言也將終無一人言矣臣是以
不惜衆諱直陳於陛下諸凡不關大體與雖關大
體而已經多官建明者悉不掇拾以塵聖聽願陛下
下勿視爲浪言留神省覽默思其故而後下諸廷議
博求善後之策面諭輔臣偕部院諸大臣虛心而折
衷之獨出聖斷定奪實宗社無疆之休臣不勝待罪
頒越之至一日復議政之規太祖旣革丞相而

以事權分屬九卿每日羣臣奏事卽於御前面決可否取旨奉行其時殿閣大學士尙未預機務也永樂洪熙中始以閣臣解縉等預機務矣然而奏取旨仍洪武之舊未嘗有票旨批發之事也宣德中始令閣臣楊士奇等尙書蹇義等票旨以進矣然每遇大政猶命諸大臣議處分不盡從中批發也唯正統初英宗以冲年而踐祚三楊以顧命老臣而當國因創權制每日早朝止許言事八件閣臣預先處分以白於上臨奏傳而行之蓋輔冲聖之道宜爾也然自此

法一行天子鮮御午朝九卿不奉面議與國初之制漸遠矣臣嘗總而論之面奏處分開國之令典也必聖慮精明之甚而後能親決萬幾調旨批發近代之便宜也必輔臣公明之極而後能常持國是於斯二者而酌其中其惟密謀於內閣而公議於外廷乎故臣以爲早午二朝之制不可不復也祖宗時多御午朝於左右順門大班旣退羣臣更進言事輒至夜分以故幽隱畢達今縱不能如祖宗之一日兩朝亦宜倣其意而行之如三六九日早朝則一四七日午

朝夫早朝自有常儀矣而午朝則不必文武百僚齊集惟內閣輔臣與六部都察院通政司大理寺詹事府翰林院五軍都督府各堂上掌印官俱造御前其部院卿貳督府僉書以及太常等寺諸卿則分日輪流以叅謀議其翰林院講讀各部郎中六科十三道中書舍人等官每日或輪二員或輪四員六員分班侍直以備紀錄傳行叅駁等事而起居注常不離左右以記言動其餘大小臣工雖不在輪班侍直之列而徑至御前建白者亦聽其隨班挨奏不致壅遏

廷凡有大政事該會議者令該衙門先具事由送御
次日午朝公同面議取自 上裁又次日補本存照
至於中外章奏必須一一經自 聖覽默察是非或
預令輔臣分票旨以進而出與九卿面決或間付九
卿各擬旨以進而授與輔臣裁定務求至當不嫌異
同其有事機戒於洩漏者不妨密劄之往來又或羣
言難以剖決者自行平臺之特訊蓋不以公議廢密
謀亦不以密謀遺公議庶天下洞然知上意之所嚮
而大臣之恩怨亦潛消矣 臣又查先朝入閣之臣不

皆尚書侍郎等官亦不專用翰林一途洪武中閣臣無所表見不暇述矣姑就永樂以後嘉靖以前諸閣臣論之如黃淮則起自中書舍人楊士奇則起自王府審理金幼孜起於給事中胡儼起於知縣薛瑄以御史見推李賢以郎中簡拔楊一清以邊方總制而召入張璁以南京主事而超遷俱爲一時名輔豈以今日而遂無若人乎臣謂自今宜著爲令倘內閣員缺精選各衙門之德望隆重才識超羣者與翰林參用如內閣二員一用翰林一用別衙門如內閣三員

則翰林居二別衙門居一蓋翰林明習國家典故而
民務未嘗身親別衙門敷歷中外事情而經筵未嘗
習熟參而用之正鹽梅相資水火交濟之誼所慮者
詞臣緣此少滯或鍾怨於汲引之人而別衙門一膺
曠典人將責望太重疑伺太深而浮議遂乘其後是
在陛下以公聽竝觀之心主之以包容激勸之法
行之而已伏乞斷聖裁事二曰務講筵之實臣惟天
子必深明義理而後能裁決機務故經筵日講所係
甚重而行之則有文有實三祖及洪熙宣德之世

日與羣臣論政稍暇卽延儒臣討論經史商確古今
從容辯問至漏下數刻不知倦此誠用其實兼其文
者若但織講章循行故事則雖咫尺天顏何異萬里
正統初考功郎中李茂弘所以有經筵文具之嘆也
陛下試思今日之經筵文歟實歟臣備員刑曹固未
獲覩經筵之盛然竊聞講官講畢而出未嘗獻一箴
規聖駕聽畢而入未嘗發一疑問恐文之浮於實也
臣查得弘治初少詹事楊守陳進講學聽政疏其言
謂大小經筵必擇端介博雅之儒臣侍班進講 陛

下聽講之餘凡有未明輒賜清問凡聖賢之指帝王之道人臣之孰爲忠邪政事之孰爲得失天下何因而治亂歷代何因而興亡皆一一講明之必使聖心洞然而後已凡四書五經祖宗典訓及歷代諸史百官題奏皆當聚之文華殿後日輪內閣大臣一員講官二員使居前殿之右廂陛下一日之間居文華殿之時多處乾清宮之時少則愆寡而心清惑少而理明斯言也正今日之所當亟行者也又查得嘉靖初詹事霍韜奏劄勸世宗首召戶部問祖宗朝

歲計賦稅所入幾何三邊供億幾何藩封祿米幾何
內臣月糧幾何較之今日歲計所增幾何所減幾何
然後從而思之曰賦稅所入猶夫昔也所費所出不
有倍蓰於昔者乎年代愈深流弊愈極蓋有以處之
乎次召吏部問中外文職幾何次召兵部問天下軍
職幾何次召禮部問宗藩內臣幾何次召工部問各
監局歲費物料幾何各以祖宗額數較之今日加
增幾何命六部皆具大數揭帖朝夕觀覽則所以恐
懼樽節之心自不能已斯言也亦今日之所當細究

者也蓋人主之心必有所繫不係於經史世故則必
繫於聲色玩好二者意尚稍殊而理亂安危之機實
判於此陛下試尋先朝三臣之言以追祖宗勤
學之實始或稍有不便久而聖慮日精機務日熟將
有快心樂意而不自知者矣臣又謂今日之經筵官
他日之輔臣也今日之編檢等官及庶吉士又他日
之經筵官也三祖始選庶吉士皆令肄業文淵閣
讀中秘書常親自校試驗其進修務在通達國體薰
陶德性以儲異日之用自正統以後掄選多非出自

聖意而從閣臣議請舉行亦不得讀中秘書而以唐詩正聲文章正宗爲日課不知將來所以備顧問贊機密者果用此糟粕否乎事固有以少祖宗宏深之美意而翻成末流偏重之敝習者此舉是也臣謂自今以後如復選庶吉士則當求二祖作養之初意若止如今日之所教所習則莫若停止此途一二十年翰林員缺亦如先朝將各衙門之有器識者對品改入假以歲月明習典章何患侍經筵典制誥及纂修校士之乏人哉嘉靖中曾曠十餘年弗選聖慮良

遠且今以偏重而暫止後以特旨而後開尤善法
祖宗鼓舞豪傑之便計也伏乞 聖裁三曰闢進言
之路國初言路甚廣而復專其責於科道使之封駁
諸司風聞言事凡以防壅蔽而遏禍源也其始以三
途類選給事中等於中書舍人而御史多陞各部主
事待之若不甚重而當時顧多直節敢言之士厥後
漸重其選至弘治中令於博士行人推官知縣教官
中選其歷練老成者除補而躋之部屬之右其重比
國初加倍而直節敢言之風寢不如前何也先朝不

重官而重言故人爭奮於言近代不重言而重官故
人爭保其官其所由來者漸矣據臣釋褐以來所有
彈章奏牘非出於科卽出於道曷常無言第見其刻
一官則一人必竊疑曰是有所觀望而借以立名者
也建一議則人又竊疑曰是無所觸冒而藉以塞責
者也其中固多賢者往往以是非之心而奪於利害
以挺奪之見而繫於雷同卒歸於與時浮沉違其初
志倘茫穎稍稍表著則同列便不相容而飾邊幅立
崖岸則賢否圓圓於其中而牢不可解卽如拾遺一

節京堂方面俱秩之尊於科道者拾之是矣部屬與科道相埒也科不拾道道不拾科而獨拾部屬之易動者豈言官宜互相掩蔽乎此猶謂同居言責不欲相殘以撓氣也至於科道之已陞京堂方面者自當從公論之乃復彼此相約多寡相持凡六科拾御史之已陞者一人則十三道亦拾給事中之已陞者一人迹似調停實爭門戶豈言官宜久庇其黨乎此曾謂言路相攻不令偏勝以遺奸也至如平時論劾凡官自科中陞出者自方面至於侍郎縱有過惡科中

以先僚之故永不糾彈是寧負朝廷不負先僚也御史巡歷地方自府佐以至州縣正官一經保薦則終其身尊之曰老師而自稱曰門生有以厚幣相酬者是寧負朝廷不負舉主也抑又有甚者如高拱之在先皇帝朝自擅吏部之權而廣布腹心於科道於是有爲之排擊同列輔臣者不幾於律之所謂上言大臣德政乎雖賴聖明亟逐潛杜此風而言路是非之難憑可槩見已此無他大臣惟憚言官之能劾已而輕視諸司言官惟恃大臣之能庇已而蔑視公議

也。讀臥碑有許諸人直言無隱之條。祖宗朝內
外大小臣工種種嘉謀讜論不可悉紀。臣姑舉外僚
之最卑者馮堅一典史也。洪武中條陳開國政體而
太祖嘉納之。潘叔正一州同知也。永樂中建言會通
河事宜而太祖採用之。豈獨科道之言爲重哉。自
隆慶以來各衙門之言事者始寡。而科道之言又未
必盡出於公道。臣恐耳目之漸壅也。陛下之明
達誠宜追祖宗朝盛舉。開張聖聽。博求讜言。仍命
大臣公其心以參訂之言。苟不當也不以出於科道

而遂議覆言苟當也不以出於各衙門而遂寢不覆
如上所陳一切積弊嚴勅言官洗心易轍有弗俊
者聽各官檢舉坐罪至於疏下該科不問其覆與不
覆行與不行刻期俱送史館編輯敢有匿一疏者亦
聽檢舉坐罪俾公論大明朋比永杜豈不蕩蕩平平
稱皇極之世哉臣又以爲不除言官之廷杖言路終
不得而開也人臣進言孰非爲國言雖過當心亦可
原歷觀祖宗盛朝未嘗有杖言官者夫忠臣誠不
愛其身以報國而其身則依然父母兄弟妻子所仰

賴之身也曷忍其萬死一生於箠楚之下哉此非所以全天地之和而慰祖宗在天之靈也願陛下永勿以廷杖加諸言官而鎮撫司亦非拷掠言官之地卽有以言得罪者下諸法司鞫問清實如其罪不可宥律例自有明條死且瞑目況生者乎如此不惟言路大開而和氣自薰蒸宇宙間矣伏乞聖裁四目公銓擢之法國初用人不拘資格每於內外虛實之間寓防微杜漸之意有當事任而實授之權者六卿分行丞相事跡面官專制一方是也又防其專也

而使不當事者參之故太學士以五品科道官以七品而得以可否是非於其間有不當事任而虛假之權者編檢之入閣辦事科道之參劾大臣是也又防其肆也而使當事者壓之故近臣間出爲外僚而言官序遷常不得先於部屬蓋一二祖長慮却顧惟恐威福漸移人懷趨避以成偏重之勢故予中有奪抑中有伸或朝炎而暮涼或久淹而驟遷顛倒豪傑莫知端倪臣不敢謂悉便於今日卽如正統中劉永清翰林侍講也以才堪繁劇擢爲廣東左布政景泰中

徐有貞春坊左諭德也以智能治河擢爲僉都御史而嘉靖中歐陽德則以知州而累遷禮部尙書魏校則以副使而召爲國子監祭酒蓋猶內外通融也近乃專以內閣及禮部詹事府國子監堂上清秩爲遷轉翰林官之地別衙門不得與焉卽有自翰林出爲方面者亦以備考察之遺與左遷無異矣又如宣德中初設巡撫官則郎中趙倫員外郎吳政長史周忱等與御史于謙同擢爲各部侍郎弘治中大理寺丞缺鄒魯以御史謀陞而吏部竟從何喬新之薦以郎

中魏紳補之蓋猶擇人不擇官也近乃專以都給事中與文選司郎中占提督四夷館及膳黃通政之缺以監察御史占大理寺丞之缺其餘雖德若顏閔才如張葛弗與矣當事者爲之辭必曰詞臣原以才選言官原以賢推故定其資格不使他途得覬覦也不思偏重之弊使天下以官階之炎涼爲向背而不以人品之高下爲重輕賢者直道難容恒附於明哲保身之義不肖者依阿取寵盡喪其是非羞惡之心國家何樂於有此風哉幸賴主上明聖採輔臣之謀

嘗以禮部國子監引用別衙門官然積習已成其心
終不自固又嘗嚴勅撫按從公保薦所屬於是舉
貢出身之推官知縣例得選御史而補部曹然以政
事稱最者終不得與翰林文學之臣並顯以官守推
賢終不得與臺省言責之臣同遷而獨存餽羊於行
取陪節殆所謂不揣其本而齊其末者也豪傑之士
爲抱不平久矣豈以秉衡大臣而慮不及此特重於
違翰林科道之心而不敢頓破拘攣也又以責備之
心待別衙閑恐其不足以膺殊遇而徒來讒嫉之口

也苟非獨奮聖斷其孰肯以棄苑集枯之見賢衆怨哉願陛下勅下吏部勿泥近例而盡廢舊額勿阿華要而輕畧才賢翰林官與各衙門通融轉調不令以詞華壓實政科道官與諸部司一體序遷不令以虛勢長傲風百凡銓擢常使內外均停恬無欣厭虛實互用永杜詭隨而久任超遷之法似竝行而不悖豪傑其思奮乎臣又謂不間行薦舉之條則實行必不振不永停納粟之例則仕路必不清進士豈必定足三百舉貢須令及時効用文職自正統後添設者

可量行裁減而毋折庶僚之實俸武職從靖難後承襲者當嚴行比試而別收額外之異材顧行之有漸處之有權非可輕議耳伏乞聖裁五曰釐巡察之弊守令賢否責在監司今之巡撫巡按監司之領袖也而按臣實代天子巡狩人尤重之其流弊大畧有六曰民情太隔也案牘太煩也古者天子親自巡狩尚令太師陳詩以觀民風司市納價以觀民之好惡今以七品使臣巡行方域體貌嚴重叩若帝闕所恃以通民情者不過投文放告而已風俗之盛衰閭閻

之疾苦邈不相關卽有中牟三異其能知乎故曰民情太隔洪武中勅令縣自清理里甲州清縣府清州布政司清府所屬按察司清布政司所屬至按察司耳目有所不及精神有所不至遺下貪官污吏及無籍頑民巡按御史方乃是清故百司各得其職而文移亦省後來巡按不知大體而好攬諸司之權百凡大小刑名俱令申詳定奪於是簿書山積而精神疲於檢閱矣且充軍定衛自有巡撫官遣徒定驛自有分巡官如其不公曷不論劾而奈之何以展轉文移

困有司也惟真雜犯死罪當由按院詳允然亦稍簡
矣以閱案批駁之餘功詳激揚舉劾之實政不尤愈
乎故曰案牘大繁朝廷設撫按本以糾察百司之職
業今致以職業爲第二義而惟事趨承凡按臣巡歷
所至則分巡分守兩道官必隨之兩直隸既有撫按
又有巡鹽巡江清軍屯馬等諸察院則兵備等官東
叅西謁朝送夕迎碌碌奔走迄無寧日而各府推官
不復理本府之刑專於答應巡按矣府州縣出郭送
迎遠者至數十里外當其按臨之日則百事俱廢多

方逢迎臣爲諸生時親見一縣官諂事按臣至以貂皮飾溺器以茵褥鋪厠中按臣受而安之晏如也旣以諂導有司而復望其舉劾之公哉故曰趨承太過撫按會同舉劾其耳目必有所寄非不委司府州縣互相覺察而其實皆起於所親信之一官也一官旣開賢否餘官展轉雷同而流言且達於京師矣至於訪拏兇惡則憲臣委耳目於推官推官委耳目於胥隸各處水陸要衝多有賣放窩家又胥隸之耳目也朝通賂以買入暮通風以賣出大奸漏網良善被誣

釀禍匪細

臣

舊歲過淮揚則聞理刑廳積年黠隸威

焰薰灼縣佐官至以待教生之刺謁投者其椽人可知矣此輩如城狐社鼠不可攻發又如吳中之打行齊燕之嚮馬賊江淮楚越之豪俠巨盜有司以激變爲虞多遺於耳目之外其何貴於憲訪也故曰耳目太偏古所稱循吏類以息盜安民務本抑末爲首務今賢守令之騰薦剡者不絕而民窮盜起風俗日敝豈政事與民俗不相關耶

臣

切惑之蓋今憲臣督責

有司自送迎叅謁之外不過征錢糧理詞訟而已有

司方抹過彌縫之不服奚暇及生民遠圖固有務實
政者或以剛直見忤或以惛幅啓侮多寘之下等而
善事上官起赫赫譽者不久據要路得以是非而榮
辱之矣此風不息天下事臣不知所終也故曰名實
太淆國初畀巡按以糾察之權又慮其秩卑而爲方
面官所壓故令與都布按三司分庭抗禮知府則相
向長揖而讓左體亦隆矣今致兩司素服而謁知府
屈膝而叅豈憲綱之舊哉夫方面官大計京師必以
素服叅部院堂上官蓋倣成周冕服朝子囚服歸司

寇之意至於王官出使雖序於諸侯之上未聞諸侯以素服見也太守等古諸侯國初最不輕授自屈膝按臣之後京朝官始薄郡守矣且兩司之素服非以聽舉劾之故乎故御史曷常不舉致仕官與劾京朝官豈亦以素服見也知府之屈膝非以聽考察之故乎然五品堂卿翰林六科等官曷常不受察於吏部何以無跪叅之例也雖禮數末節不必深較然緣此長諂曲之風墮正直之氣且令人不樂久居其官而吏治寢不如古害豈小哉又撫按出巡不分府州縣

正佐官跪迎道旁倘值風雨卽知府亦陷膝污泥中
尤爲非體臣謂憲節過驛則驛官迎之抵郊則府州
縣首領官迎之足矣掌印官民事庫獄爲重俟其入
公署而後叅有何不可而令其僕僕於車塵馬足間
豈所以示衆庶見也故曰憲綱太峻去此六弊而徐
反國初之法庶可以責百司之實政矣伏乞 聖裁
六曰處宗室之繁臣惟天下有三大憂而宗藩居一
焉其二則邊防河患是也三者不處於數年之後必
潰敗決裂不可收拾然邊防河患人臣猶能言之亦

能理之至於宗藩苟非獨出聖斷誰敢冒離間之嫌者嘉靖中采言官林潤等疏降勅諸藩各自條陳因下禮部會議定爲宗藩條例一書中間議襲革定本折禁花生限妾媵等項非不詳悉可行然皆一時小補之規非百年無弊之法也今之時又與嘉靖時異矣各王府將軍中尉動以萬計假令復數十年雖損內府之積儲竭天下之全稅而奚足以贍乎此勢之必不可通者也天潢之派旣不能自營生業又不爲時給祿米饑寒切身艱苦萬狀此情之必不可

忍者也謀國之士瞻前顧後計無所出則有爲限封爵之說者謂自嫡長子襲封而外不令衆子得盡封也然兄弟同體兄爲郡王將軍而弟不得入中尉之數可乎又有爲攤祿米之說者謂以祿米總付親郡王而令均攤於將軍中尉等也然祿不加增而宗無定數將使親郡王不得實享中尉之祿矣可乎有欲聽其自爲生理者而城禁旣不可開則孰爲之營運有欲容其出城自便者而官法旣不可施則孰爲之制伏有欲分徙郡王於別城者不過嫁禍之術有欲

遷將軍中尉等以就濱海開田者不思滋蔓之憂凡
此皆執一之論耳然豈無所以善其後哉臣請以周
制論夫今之親王卽周之魯衛曹滕諸國所謂百世
不遷之大宗也今之郡王將軍卽魯衛曹滕之公子
公孫所謂五世則遷之小宗也聞諸侯得世爲諸侯
矣未聞公子公孫而得世爲卿大夫者臣由目前難
處之勢以推之太祖必至之情竊謂親王視周之大
宗世世襲封無疑矣自郡王而下其當從遞降之議
乎自奉國中尉而下其當開四民之例乎尙謂郡王

不可以遞降則起自鎮國將軍可也中尉不可以遞
絕則量給其長子孫之月米以奉祀可也在宗人秩
內者王府統之與之入宗學而不與之開城禁在庶
人數內者有司治之與之開城禁而不與之入宗學
蓋虛膺世襲之名而無實俸何若遞降而得全支之
爲樂也虛列宗人之數而不聊生何若編氓而容入
仕之爲快也此條例之所未及而在今之所亟圖者
祖宗在天之靈不無望於陛下矣然事屬秘密謀
貴僉同乞下手勅遍諭各王府以時勢旣極不得不

通之意仍令虛心熟思各陳已見而後下諸大臣會議務爲可久之法所謂磐石之宗其在是歟伏乞聖裁七日定河漕之策瀕年淮徐水患皇上采言官之議特勅重臣一員經理如河運梗塞着照先年海運事宜慮甚遠也臣謂治河最宜精專而海運似難輕議昔禹之治河上惟一流下分九流奔海若建瓴而下故無泛濫之虞今以西域中原所會合之水而拘之一道以入海海口復塞能無溢乎溢而不已必決決而之北壞金隄犯張秋則運道誠可虞矣若

仍南移於趙皮寨新集等處則因而導之避其衝就其便卽運道也運道雖通而水勢不分海口不利兩淮之民終爲魚鱉耳若以河工難成而遷就海運可虞尤甚蓋元人虐使中國之民輕視江南之粟而又無所虞於敵國外患故行海運國初乘百戰之威奸宄惴伏而又止漕數十萬石故仍海運今京師專倚江南四百萬石而驅之冒不測於洪濤巨浪之中其軍若民之稍愛身家者必復轉倩海濱亡命之徒以應其役此輩固神出鬼沒與賊表裡者也何異借寇

兵以齎盜糧且示人以從海窺燕之路矣故海運苟
通目前未必無濟而禍必伏於數年之外不待智者
而後知也臣謂河縱決溢梗運道不過一二年幸今
西北尙寧京儲可支數歲而東南之民力竭矣曷若
乘此機會廣行便宜暫停一年糧運約以若干資河
工以若輩賑餓萃存留若干以興益吳水利蠲免若
禾淤蘓浙直窮民此言在同邦計者聞之必謂迂濶
然弭亂保民之第一策也倘次年尙未通漕則量徵
什伍暫行轉搬有何不可第臣之私憂過計則不慮

河漕之無路而慮有不軌之徒出於江淮河海之間也自古未有民窮思亂而天下可以久安者邇來盜賊滋起禁例甚嚴有司懼罰百計彌縫有舉發者反責失主監司亦慮朝廷之督責而樂有司之彌縫也萬一釀成太禍南北路梗可不爲之寒心哉臣惟國家都燕不宜專倚南糧爲命即使漕運愆期而北方亦足自贍乃無後虞諸至於此則西北屯田水利之說恐未可以爲迂而莫之講也伏乞聖裁八日杜邊陲之虞夫馬市之議修邊廣屯之法廟堂先有戒

畫邊臣次第舉行而款貢之不可恃戰守之不可忘
主客兵之當先事調停屯馬政之當乘時覈實以及
一切九邊事宜言官多有及之者臣未嘗習之於邊務
何敢妄置喙焉第當始議馬市之時則聞諸謀士云
安宣大則九邊安制東虜則西虜畏切以其言爲可
采旣而廟算果出於此奄旬款塞則從請封土蠻邀
求則議力拒誠制虜之大機也然宣大之撫馭寡權
遼東之兵糧未足似謀猶有未盡善者迨聞三鎮馬
市年例之外諸酋踰限請乞督撫虞於挑釁輒剋軍

之糧以易垂斃之馬我軍旣困於追賄又疲於工役
心日離氣日索雖偷數年之安而癰疽已結於喉肺
間矣萬一馬市之時乘虛而動何以制之議者謂及
今釁尚未萌一面儲材蓄銳以備不虞外亦復以計
約束奄酋不令違時而請挾衆而求以擾我疲卒可
乎土蠻數犯遼東往往得志而歸先時亦屢奏捷虜
卒未嘗大創風聞且謂拾零賊掠建州田作諸夷以
報讎也近據塘報斬獲四百餘級可謂差強人意然
勝負兵家常事賊狃於累勝憤於新敗必復有求逞

之心不於其來寇而重兵挫之遼人終未得息肩也
乘此軍威稍振之日聚糧訓卒預爲搗巢計可乎夫
東虜氣折西虜亦寒心矣今總督寧無此意而猶重
有虞者恐功未成而先啓釁也臣又聞之輿論謂一
應撫賞修邊銀兩邊臣互相剋剝半入囊橐半資餽
遺世豈有以貪利釣名之心而能行修攘實事者且
啓釁有戒而彌縫無罰邊事不知所終矣非聖明
搜剔隱憂痛刷積弊日進當事之臣講求邊方利害
何以善其後哉伏乞聖裁九曰核取士之制按今

取士之流弊大畧有三試錄假士子之文一也監試奪內簾之事二也按臣侵提學之權三也夫鄉會試錄士子中式之文以呈御覽今則錄中所刻與硃墨卷絕不相合皆考試官爲之者惟會試以翰林科部充同考試官尙能以閱卷餘功分任文字之役不致誤事至於兩畿試錄則非同考試官所能爲而俱出於主考二人之手其精神大半爲前後叙及程文所奪矣豈能復專功於掄文哉若十三省之試錄則既不

出於士子又不出於考試官皆監場御史委官代作

而其文字仍假名某庠生其批語及前後序仍假名某教官舛益甚矣臣謂今天下之所不足者非文也凡試錄中之前後序俱不必作宜止書百執事及中式人數姓名其文字亦只刊硃墨卷中真稿不許易一字一句以朦朧聖聽不惟令試官專於閱卷亦以風將來之士子務爲有用文章增光試錄此其所當核者一也夫內簾校文外簾糊名易書以進我朝取士之制誰敢易之今惟行於兩畿耳若各省闡之去取全不由內簾亦全不憑硃卷所謂監臨者則行主

考之事者也所謂受卷彌封對讀等官者則行分考之事者也如是則何用內簾試官何以糊名易書爲哉且御史以監臨之名行主試之實則旁通關節任意去留何所不至所以然者只緣教官秩卑而望輕故也查得弘治嘉靖中曾以科部官出主各省試事臣謂翰林與科部既可爲會試分考官則可爲鄉試主考官無疑矣翰林除經筵日講官科部除掌印官及吏部四司官俱有干係弗差外其餘擇學識優長者照南畿主考官事例太省差二員中下省差一員

使主試事其分考仍用年青教職偶缺權以府佐縣正官代之惟雲貴川廣五省去京師甚遠差官未便則宜就近隣省藩臬中擇一稍閒者勅令過往速歸並不使外簾與校文之役庶兩畿各省事體歸一矣此其所當核者二也國初未有提學官故巡按御史勅書內兼及學校之事宣德中旣設督學憲臣則其權也有所歸矣今惟兩直隸以御史提督學校故按臣不敢侵其權而山東省之提學非副使則僉事也按臣得而舉劾之遂牽制而難於展布提學官旣

取定應試人數按臣復合而考之顛倒其高下仍另收遺才一二百名生員與儒童竝進公道與夤緣相錯其最所稱獎而留情者外簾必多方檢出真之高選其不中式之儒童亦俱移文學憲送入各庠肄業自是提學之權分而岐路闢矣不但此也提學官方考所屬而撫按官忽臨近境則必束卷而謁之是以奔走小節妨校事也撫按官一切慶吊應酬詩文多屬學憲送稿不恤其校文之勞按臣監試入簾必外索其策論一道入試錄中是以雕蟲末技求憲臣也

將焉用之此其所當核者三也三者皆循名責實之
要務至於先行後言獎恬抑競以端士習尙有潛移
默挽之術焉而臣猶未之敢及伏乞 聖裁

聖皇恩廣達孝以崇國體以光聖治疏

孟一脈

南京陝西道御史
萬曆六年五月

臣聞之書曰立愛惟親立敬惟長始於家邦終於四海而孟軻氏亦曰人人親其親長其長而天下平誠以孝者百行之本萬善之源天子之德教所以加於百姓刑於四海者率是道也是故虞舜以大孝成時雍之化武王以達孝致永清之休此虞周之治卓冠千古迄今稱盛美者必稽焉我皇上聰明仁孝勤政講學每於視事之暇卽朝兩宮問安視膳日夕無

逸大小臣工皆欣欣然而有喜色而相頌曰此虞舜
之大孝也邇因嘉禮告成特薦徽稱仍於奉冊之後
頒詔海隅大霈明恩內外臣工又欣欣然有喜色而
相慶曰此武王之達孝也臣嘗伏讀詔書有曰各王
府親郡王嫡母與生母並存者詔書到日其嫡母許
奏請准加稱爲太妃生母准授封爲次妃給與誥命
是皇上之孝首霑於藩服矣有曰勲臣公侯伯襲
封見職者俱給與應得誥命是皇上之孝大賚於
世臣矣有曰兩京文官未及三年考滿者俱與應得

誥勅是 皇上之孝湛濡於文臣矣有曰軍職自萬曆六年二月以前有犯該充終身軍已經開五年六十以上者比照爲民事例子孫准其承襲是 皇上之孝流行於罪人矣有曰天下儒官生員有親老無人侍養願告侍親者聽是 皇上之孝覃布於士類矣有曰軍民有年七十以上者許一丁侍養免其雜泛差役 皇上之孝洋溢於萬姓矣夫鴻鈞之世何物不熙聖孝之廣何幽不被雖大造不求仁於芻狗而行潦思委潤於江河此天下臣民無論貴者賤者

遠者近者存者沒者年老而無依者作惡而負罪者
咸荷其仁也夫以皇恩之錫若此其大聖孝之推若
此其廣然就至大至廣之中容有一二未沾其恩者
臣請爲 皇上陳之 臣於萬曆三年十二月內見御
史傅應禎率其愚戇之見冒爲狂悖之之言仰忤

聖心允爲有罪乃蒙 皇上恢弘天地之量待以不
死謫戍窮邊矣 臣聞其往戍之時伊父傅國相年逾

七十卽今 皇恩浩蕩凡軍民有年七十以上者許
一丁待養而彼之父子分離各天生而永訣死難再

見此誠陛下之至仁所當矜憫者一也臣又於萬曆五年十月內見進士鄒元標執拘攣之迂談昧社稷之大計仰觸聖怒罪復何贖乃蒙皇上弘開覆轍之仁寬以不殺謫戍絕域矣臣聞其臨譴之時伊母羅氏年已六十卽今聖世覃恩軍職犯該充終身軍年六十以上者比照爲民事例子孫准其承襲而彼之子母遠別天涯生還無期沒齒難逢此陛下之仁所當矜憫者二也臣竊思之御史劉臺與傅應禎之事相若也編修吳中行檢討趙用賢與鄒元

標之事相若也之三臣者得以待罪於獻前之間獲
伸其天性之愛皆陛下之賜也而何靳於此二臣
耶夫人君之尊天也天無外聖人之仁亦無外臣觀
天之於物雷霆以震之霜雪以威之而又煦之以日
月澤之於雨露是殺之乃所以生之毀之乃所以成
之此天之所以爲至仁也伏願陛下丕顯無外之
仁大廣無前之孝如天之覆如地之載如造物者之
無物不容將傳應禎比照劉臺事例俾其父子得以
再見將鄒元標比照吳中行等事例俾其子母不至

永訣其他如員外郎艾穆主事沈思孝雖其父母之
存亡臣未敢必而推彼親親之至情使亦得以照例
生還則是當霜雪之後而暴以日月之光霽雷霆之
威而潤以雨露之澤聖恩已廣聖孝益隆配天之業
足以比隆於造化錫類之仁且將遠軼乎虞周矣於
國體顧不甚美而聖治豈不彌光也哉臣愚不識忌
諱目覩皇上覃恩之孝覆被天下不勝懽忻鼓舞
冒昧上瀆伏乞 陛下俯鑒愚誠少垂省察則臣愚
幸甚天下幸甚

傳陳叔獎四事乞賜采繒以弘治道疏

魏允貞

山西道監察御史
萬曆十一年三月

臣惟受言爲明進言爲忠遇明主而不言非忠也言而觀望顧避不敢自盡非忠也陛下明竝日月而益之轉圜之從止輦之虛諫臺諸臣感激披瀝各效其愚揆城剔社一時殆盡臣復何言然有積弊之所未更敢諫之所不及明主之所加擇而流俗之所不樂陳者臣不敢畏避忌諱掇拾瑣細以自負於聖明之世謹列四事昧死上言伏惟陛下垂聽焉

曰公文武之用夫文吏隸於吏部武吏隸於兵部其
常缺吏兵皆得推用其官尊而職要文如九卿武如
總兵之屬皆多官會推此定制也故大學士張居正
輔政以來文職一命而上吏部皆不得自推用必預
關白以是清要之地多與門士鄉人冗散之員半是
孤寒疎遠如言官所論曾省吾王篆皆其姻連死黨
也至於武職又有甚焉勢燭利進不能枚舉以故三
部之長欲陟一賢黜一不肖不敢陟之黜之也遇有
員缺卽行請敎未上題疏先具揭帖朝以爲賢而暮

陟之爲緩暮以爲不賢而朝黜之爲後 陛下初未
嘗怒趙世卿也而文選郎輒希居正意因之王府亦
未欲終棄鄒元標等也而考功郎因居正矯命輒壞
成法以徇之直枉混淆舉錯倒置物議朋興則又諉
曰權不在我也臣愚以爲一陛下宜與輔臣精察二
部之長而以其職事歸之於二部遇有文武員缺應
具題者務得真才應會推者務符輿論其所推稍不
當者閣臣擬旨得以駁易其涉私而不公者科道官
風聞得以指叅夫輔臣不專吏兵之權以行其私吏

兵亦不敢乘輔臣之間以自行其私如是何憂乎吏
治之不得人也伏乞 聖裁二曰嚴科舉之防 太
祖高皇帝時開榜多南士考官劉三吾伏法 世祖
肅皇帝時輔臣翟鸞二子登第革職爲民罷諸考官
此非過防也進一權門妨一寒士得一匪人失一真
才勢不得不然也頃歲居正欺 陛下冲齡專權擅
政厭薄廕典垂涎制科考試等官窺覘意向全場題
目或自擬呈覽或領教擬成居正諸子得倩人代作
臨場監試官又加意磨硃分別式樣以授主司圈點

批評列置首卷後先及第海內士人無不憤嘆以爲
二百年科舉之制奈何壞自今始天誘聖衷正罪
途保追遠居正復該南京科臣阮子孝疏論奉旨
張懋脩等併從黜籍科舉天下之公大臣庶僚之表
科舉而私何事爲公大臣而私何人能公其流之弊
至今未已若謂事機偶值原出無心肅莊兩朝五
十餘年世科寥寥陛下臨御甫及十有一年蜩集
蠅附不可勝數豈彼時大臣士皆不才父皆失教今
日庭訓淵源家驥人璧若斯乎臣未敢以爲信也貴

者既以勢脇富者必以利嬰師保公卿之手尙有限而錢虜賈豎之家買題買名不知其所終矣今臨軒有期請陛下申飭前旨讀卷官務各秉公竭明爲國掄才敢有謬襲成套結知權門受請富室如丁庚故事者許科道官指實具奏又請輔臣子弟中式者如張甲徵申用懋其廷試讀卷比照內外官引嫌迴避事例俱以早者避尊者不得以大臣避子弟蓋大學士之充讀卷官與禮部之充貢舉官皆登進人才關係職掌非如監試同考出自臨時可甲可乙自居

正外託迴避之名而內擅擬題之柄丁丑榜眼庚辰
狀元皆出其家惟此之故所當亟爲更正者也其有
懷才抱志堪及第中秘者退任以後聽從自便杜倖
門造真才光盛典將復見於今矣伏乞 聖裁三曰
慎臺諫之選夫令之給事中御史皆有言責之寄者
也然言責可易勝哉其人正人則其言忠言所敷陳
者必天下之永利所叅駁者必天下之秕政所登薦
者必天下之大賢所彈劾者必天下之巨奸夫然後
國是藉以重而世道蒙其福也人心不古稍稍反常

而居正輔政以來其風愈下竊聞之科道欽多知必
行選則預在內中書博士行人等官在外推官知縣
等官訪其才性便給主媚而善逢他日必爲我用如
何也才性和緩不言人過失他日不爲我患如何也
其有慷慨負氣蓄忠憤而抱慙直者不與茲選其偶
有照顧不及問察所遺誤以忠直之士入其中者又
多方鉗制百計消磨或并之外或加之罪如傅應禎
劉臺等皆是也故所選授給事中御史多切近鄉人
親交施黨者所欲爲則託之昌言有所欲禁則諷之

論罷卽今言官所論于鯨李選是也始之不慎遺玷

清班

臣

愚謂

臣

陛下

宜痛懲

前弊

當選

之年

吏部

科

道官查據履歷賢否而又於才幹操守之外博行延訪以不通京書不受知權門剛果而有氣節者爲一等以練達世務明解朝章忠實而有識見者爲一等匪是則雖有浮才弗得與焉當選之日吏部都察院公同會考或策以時務或試以章疏議論正大見識宏遠者爲一等議論激切不避權貴者爲一等匪是則雖有浮名弗得與焉歷代以來以諱言而釀亂者

常什九以直言而憤事者未之什一也奈何直而不
直取乎且國家而設臺諫欲其披肝瀝膽耶欲其緘
口結舌耶欲其緘結則已如欲披肝瀝膽也則豈奴
顏婢膝之士所能爲哉故始選之法必毋設防於太
直而姑借口於近厚則庶乎得其人矣伏乞 聖裁
四曰務戰守之實今爲中國患者惟東西二虜西虜
最強而我以馬市羈絆之烽燧不驚已十年東虜次
之而捷書歲至此何足爲患也顧其患不在虜而在
中國往者馬市未開虜歲擾我遣我用戒嚴而總兵

各官悉其有以養健兒扛鼎命中之夫結爲父子甘苦與同彼時爲健兒者亦悉力以養其戰鬪之氣無事則嬉飽有急則死綬故虜數至而不能爲患也今納欵旣久上下懈弛三軍之士月領一石折色六錢旣扣其半以充市虜之費又扣其半以奉貴人將官不養健兒而推其餘於勢僕歌兒星卜之徒軍士衣縷食糲日苦修築運石轉木困憊欲死間習爲匠作活餘生拋弓束矢有如虜負約誰爲禦之卽虜不負約能保無積久生怨如陝西殺將官事卽此一患也

又中國之所爲常勝者恃賞罰明耳賞當功則用勸
功細而賞鉅則滋疑賞及於所可罰則飾詐矣東虜
歲犯告捷以爲常然書之奏牘則可喜詢之道路往
來則可愕有謂軍聲日振於前人烟日稀於舊有謂
斬獲多嬰兒乳婦而受封已世爵通侯有謂未見其
交鋒而惟聞其授首有謂虜殺軍民則隱有爲無軍
民殺虜則增寡爲多往者臨陣有紀功報功有覆核
此非過察也將以信賞而昭勸也遼東之功誰紀之
而誰核之耶此二患者計之無如自治節焉誠不可

罷則寧於太倉盈餘歲支若干以資虜市無剋削於
軍士欲憑地利必結人心無過勞其軍士毋用債帥
毋養游食使常以戰爲守而緩急庶有恃矣戰功誠
不可不厚賞則必須核實不實者紀功驗功同其罰
小捷則從巡按御史查明大捷遣給事中同御史查
明毋以被殺軍民充虜首級毋以罪行賞至於賞則
必先部下官兵次領兵次總督次運籌蓋自本兵之
臣好以邊功炫耀誇大而報多失實賞多踰格賞罰
不明何以能軍 陛下痛懲前事則人不致僞飾虛

要各保境土而邊民得免於橫罹矣豈非安攘之勝
筭哉伏乞 聖裁

敷陳天下大計以光盛治疏

王士性

禮科給事中
萬曆十一年九月

臣惟天下之事智者睹於未萌闇者昧於當局守拘
攀之見則不敢越尺寸圖朝夕之安則不肯計歲月
一有緩急將何賴焉是故直臣不避斧鉞之誅明主
不諱迺耳之諫交相成也臣待罪諫垣以言爲職默
而不言非臣職也毛舉瑣拾以瀆上聽非臣心也臣
謹彈思慮廣咨詢條陳天下大計朝廷之事二曰親
章奏曰節財用官常之事三曰王官考覈曰督學科

條曰有司文罔戎兵之事四曰中州武備曰全晉要
害曰北虜機宜曰遼左戰功伏惟 皇上試垂覽焉
何謂親章奏自古君臣面相都俞吁咈於唐虞堯舜
綦隆由此選也卽漢唐宋諸君亦每與羣臣決萬幾
祖宗朝自朝官於里老皆面陳利害正嘉以後廉陞
始森絕而一於奏章批答之夫臣下旣不得面覲
天顏議可否而一歸於紙上之言則已有得於口而
不能得於筆或得之而不敢盡於詞者矣 皇上若
不親賜檢閱則得失是非從何而悉之 臣近於科中

日接章奏見所批答或不能盡經於 皇上之目者
乎 皇上一旦奮乾斷旌直臣謫戍編氓還之縉紳
天下莫不懽忭仰 皇上如日月之復謂於直言當
無不受者也而比接 聖旨多有謂該衙門知道者
則 皇上於諸臣之言猶盡受也意者奏牘繁多厭
心易起或無暇於詳閱之不知臣下凡有建白無不
齎戒於先時戰兢於臨楮以冀天聽之萬一者卽有
繁瑣皆肝膽吐露不能已也惟 皇上親賜睿覽而
勿視爲紙上之贅言則官府不致異同臣工樂於鼓

舞矣何謂節財用宋臣司馬光謂天地生財止有此數不在官則在民今命窮財盡則不在民矣國用屢屢告匱則不在官矣果於何而洩之則所謂涓涓不勝其出之之孔者是也而盈縮之權則惟在於皇上何者皇上初卽位輕徭薄賦約已裕民以故歲計有餘積近年大禮數舉雖萬非得已而公私之藏則取之無餘矣試舉一工言之如山陵二祭本出奉思而鑿輿再幸則資予供億之需捨大縣之租而不償也皇嗣誕生大慶也而賞賜乃越三十萬不足

至割太倉之貯以益之織造袍服賞段尚方必需而費一百二十九餘萬改折漕糧似可緩也掃除之役數盈宮掖矣近復增選二千五百名夫非不耕而食不織而衣者往事姑置之將來歲月不尚多乎語曰京師之一金田野之百金也內府之千金部屋之十金也以一金十金用於皇上之施予何渺而不知民間膏血百倍之方今真保河間民多魚鱉荆襄鄖漢又復甚焉隴西河湟顆粒無收而三吳兩浙數千里之水旱尤嗷嗷告急也觸目激衷言之流涕欲

取諸民則已無孑遺矣夫國無三年之蓄則國非其
國今太倉歲用之數浮於所入萬一有四方緩急不
測之用何以應之 皇上不於此時加意樽節更何
待也夫朝廷正則百官正 臣 是以及於官常之事首
王官考覆重親親也夫王府官員例不陞遷以故一
入其中則廉耻俱盡卽舉其一如祖制定立宗室祿
糧不爲不厚矣而諸宗每每告乏何也盖諸宗子女
例有名糧婚姻之請先自郡國教授上至藩封長史
審理等官各有常例彼皆白日攘臂攫人非必暮夜

入之金也不是則生有十年不報者矣名有不請而
三四十歲猶稱金哥銀哥等類乳名者矣婚有終身
不配者矣故報一生去其年祿十之二比請名糧去
其十之五也其及婚也益又倍之是宗室生一子女
而二年不得食糧也一或得請過期省曹駁勘又不
知爲此輩之過也本宗推勘無匹而此輩又從旁而
浚削之何怪乎貧宗日甚而一議減祿則哢哢如沸
至勤科臣之遺帛不特此也內而諸軍校銀糧之給
散外而祿米民校通關之免納諸主官視爲奇貨攢

食如蠅彼其志旣灰於劣處而諸藩長史有三十年
不徙官者旣得縱其日月撫按雖有考察之例亦多
點名塞責一置之而不校焉是其始本以貪肆不檢
而劣處之及其處之王官則復借給壑而益之資也
臣謂宜行撫按嚴加考察出巡如有司例貪墨不經
者訪拏重處次劣者則驅逐之不便數十年蟠據於
中貧宗有名糧婚封過期三年不與報者聽其赴撫
按陳告而置之法有能檢身修行不入敗羣者與有
司同薦銓部爲加官陞俸破格處之則必有興起自

好者庶貧宗得所而下至軍校及里甲錢糧之相及者亦稍稍獲甦亦親親之一道也次督學科條夫學校賢才所關督學之臣乃其師帥必得性行方嚴學識淵邃兼斯二者而後可乃故相忿嫉清議逐徒毀校授意督學憲臣一槩操切附已者卽遽蔭戚施處之名邦而此輩又甘爲其爪牙假沙汰之說以凌虐生徒顛倒豪傑繼又創興新例進學以十五爲率歲貢以六人而選彼其言法之初謂貢以六人則真才可選進止十五則衣冠不濫非不善也但歲貢原止

正陪進學原無限數舊制行之已久今徒今正貢有
十年不與者卽貧儒屢次陪貢道途之費亦稱貸不
貲國家自有科甲以處真才而輩原以待中人謂其
白首窮經姑償以師儒之職不必定於歲貢之內刻
意刪削令老儒衣冠藍縷走死道途也至於州縣大
小文物差殊有一縣而歷國初無科第者亦有每歲
中十餘人者若以十五人槩之則僻縣無才者反以
衣冠濫及而大縣進學之數乃不能與其鄉薦等是
以近日才雋之士不羈籠於學校則高者每逃於山

人而其不肖者無所肆其欲逞之心往往爲放僻邪侈如東南民變而仕卿卽以塾師爲之手可鏡已近雖刻革舊政令重正貢而以進學十五人之數槩之三年可得四十五人善矣但議法雖寬而遺弊猶在蓋選旣六人則正貢必不及就選旣限以十五則多才之處必仍有遺臣謂不若仍依舊制歲貢一正一陪補進學者亦去其限制令憲臣自以大小縣分等差則老儒免奔走之苦新進無沮滯之虞而又於遷用督學之時令銓部重其選訪其平日聞望必性行

學識二者兼有之則師道立而善人多矣次有司文罔近倣漢法已久任州縣之官而治乃與漢異者何也蓋漢法能使人樂於爲吏而今多厭苦之漢有超擢之典便宜之令如黃霸爲潁川善則賜車蓋高一丈且徵入爲三公而今三載考績卓異不舉矣龔遂治渤海盜則罷捕盜吏恣意所便而行今盜賊一不以報則降謫之令下矣且也文罔之煩動加掣肘積穀則有罰鑄錢則有罰郵傳濫用一夫一飯則有罰公以禁科歛而私以取無碍明以借館舍而暗以索

輿馬有司動扞之如束濕然今詔毋強序民以金聽
其行止矣而新錢散於民間以不售爲爭者亦宜有
以處之積穀減原額矣而前以歉數降罰者亦宜量
之而薄其譴強盜照出不真悉有之矣而隱匿之令
猶嚴有司報一盜往復追勘往往累死其失主而失
物者至相率以盜爲諱亦宜稍酌之苟非哨聚殺人
大賊聽有司自捕之而勿以遽勤之章奏也驛遞弗
得私開矣而夫馬廩餼孔道相續勢不得不復取諸
里甲暗賠之亦宜稍爲之處置使上下之情俱通也

詔旨雖有寬餘之令而民未睹惠澤之實者正以其遺法猶未盡祛而有司猶拘於文罔故耳臣謂乞勅該部通行各撫按議處其不便者改之行令有司一意勤恤民隱任其才智所近勿以一切文法拘之勿以一眚棄大德勿以虛文掩實政勿以私自喜怒爲賢否以爲守令勸至於超擢便宜之法旣不行於今日則爲吏者不樂於久任不過玩愒以俟時志意益灰精神益倦獨不若蠲其限制循資而叙用之爲愈也夫吏治修則武備宜飭臣是以及於戎兵之事一

中州武備河南四通八達居六合道里之中自昔戎
馬之場未有不自汝潁梁宛始者國家天佑大業二
百年來雖萬萬無是而師尚詔曹崙已自萌孽則居
安慮危亦宜及之且也白蓮教諸奸人潛伏兩河南
北隨滅隨生無忌憚蓋覩省會無備不爲慮也今省
城所轄都司操備不過兵快千餘人名曰隨操卽步
伐俱不諳其餘嵩唐歸汝守備所統俱不上五百人
半以役之府縣昔海寇之變浙閩漫不知兵焚掠殆
盡然後增稅田賦募兵設將守令各置民事于佐二

而身自酬兵食然僅僅救於將來而無益於往貺河
河之事何以異此臣查得河南各州縣城守馬步民
兵扣革解部歲不下數萬餘近自曹倫之變憲守臣
以下欲議留免解而令州縣各復舊額以添城守至
今未決亦僅僅慮危之意但額復於州縣不過仍充
差遣拘攝而已卽益之無用也臣謂不若留部解之
銀或扣其半以募勇壯亦可得勝兵二千人而又益
以都司所轄如浙閩兵士及邊塞家丁之例專意操
練一以軍法從事而立叅遊一員隨軍門標下立之

然不可仍轄以都司彼守土之臣止理衛所且多汎
紿不識兵徒糜廩祿無爲也如此則無事而壯省會
之勢卽白蓮諸奸當懾伏不敢舉有事則移兵襲擊
無賊不破兩河北庶爲萬全臣今言此若迂然使中
州常無事則已不則他日必有以言臣謂然者二全
晉要害山西初守東勝失而後設總兵退守偏關是
置關增塞偏頭最先與宣大等其後嘉靖二十年虜
寇朔州守將戰死當事者虞於內突始退總兵於寧
武稱者遂竝舉三關爲言乃至今撫臣之設亦准止

大同鴈門而不及偏老豈譚晉事者不察於其輕重
內外之異乎不知此三關者偏老邊而寧鴈爲腹也
大同居東北爲左臂偏頭老營居西北爲右臂此山
西之極邊也外戶者大同以內爲鴈門偏老以內爲
寧武二關竝峙而寧鴈以內爲省會故寧鴈重門也
外戶以屯重兵進與之戰重門以嚴阨塞退爲之守
是國初之畫也故虜未有越大同至鴈門者夫旣守
在大同矣則鴈門之守爲贅乃今巡撫春居省會秋
出代州以防鴈門則是東路之備可謂詳矣何謂於

西路則大將舍偏關而退守寧武若此之疎乎又徒以巡撫遙制於偏老共百里長邊之外夫視升降人潛通內地撫臣既遠人心易搖兼以虜隔一牆朝發午至而此地又當互市之區爲夷使覘伺之所問者石州之敗虜卽從此入蓋欺偏無備不足以斷其後耳使當時駐以大將虜安得深入重地而不一回顧耶此可爲寒心竊恐犬羊因沿踵習不至於首禍不止也臣謂可移寧武總兵駐偏關而以叅將駐寧武山西撫臣則兼巡寧鴈大同有警則出鴈門偏頭不

警則出寧武以策應之庶邊關無門可乘誠保障全
晉之上策也然非臣之臆說也屢年按臣及閱視諸
臣有議及者矣三北虜機宜把漢悔禍順義請封邊
塞官軍遂一切習爲偷惰而不知今昔不可以同視
也何也俺荅蹂躪半世壯志已盡老而厭兵且又顧
其孽孫之愛必不以盟約悖此當時諸臣所以能逆
料於先也黃台吉素懷傑驚向以壓於老酋之故今
老酋故矣把漢那吉死矣部落屬之不下二三十餘
萬語云虺蛇終日而不噬則嚙草木以殺其毒

天性固有然耶或者曰一順義死一順義襲其公守
盟也者安肯以封爵請夫鷩鳥將擊必斂其翼其事
猶然也曾雖虜也亦以桀名何以明其不然耶或又
謂黃台吉亦且老念不及此夫扯力肯方讎其父而
蓄鳴鏑反射之心且又驍雄甚邊人謂其不減俺荅
脫一旦黃台吉溘逝此曾新握其衆狠心欲逞風雨
飄忽宣大二邊多事方始矣臨事而爲之俯則緩且
無及聞之邊關之上十餘年來長技棄捐士馬苦窳
卽同時超距之士止以備修築工役而精銳無餘矣

夫器物久而不操則與手不相習筋骨久而不用則與勞不相習事變不常戎心叵測安得晏然如俺谷把漢尙在之日耶乞勅該部行各督撫著賢修舉戎事暫停工役挑選精銳簡練以備未然勿徇目前燕雀之知誠邊關急務也四遠左戰功遠東遠在山海之外而歲苦於虜侵近者提音屢告俘斬無慮數千百可謂威震東虜矣然虜亦人也其貪生惡死同也凡虜一不勝猶覬覦焉再不勝則創三不勝則滅矣而茲東虜者何故屢挫屢來屢起屢敗就首獻爲

人立功名哉何遼東之捷不獻於嘉靖之間而於此
數年屢見耶比聞之道路及自邊塞來者咸謂眞贋
半三五寸畸零草竊之寇偶遇於郊野則張皇北聲
勢以爲大舉者有矣追逐殺獲不滿百而報侖帑浮
其計之五者有矣中國被擄之老弱虜人每試以爲
前行稍稍刈掠之以爲眞虜者有矣臣初聞之猶未
盡信乃京觀於黑谷關之故可知矣臣薊門去輦轂
不數百里而以敗爲勝者猶然況遠左數千里之外
哉除以前戰功既經捷奏大廟雖以追查李成梁

業以長城屬之行令策勵勲名外自今以後凡有報
至虜騎多少有無斬獲行令巡按御史查勘的確好
容更相隱互如前毋得止聽督撫虛章賞賚濫及亦
正功罪明賞罰之一事也臣本無知識僅據其一得
之愚如此伏乞 皇上勅下當事諸臣從公議擬酌
而行之至前所稱朝廷之事尤望 聖躬加之意焉
天下臣民幸甚臣不勝惶恐待罪之至

急救時弊以崇聖德以圖萬世治安疏

孟一脉

南京陝西道御史
萬曆十一年十月

竊惟天生民而立之君君承天而治乎民其因時立
政先事預防方在幾微而關於民心之向背天命之
去留甚可畏也是以聖帝明王深察乎此爲大於其
細圖難於其易然後天人交與而可以延國祚於無
疆方今天下大勢如人一身是故君身爲萬化根本
其如元首焉士習關氣運盛衰其如命脉焉倉廩爲
國家脂膏其如臍腑焉東南爲財賦淵藪其如心腹

馬邊境爲朝廷藩籬其如手足焉則夫頤養天和保
合命脉常使太和元氣流通於宇宙間然後命曰至
治瞬息失養有一氣不得其平一人不得其所者是
謂小康語云善醫者常治無病之病故無病也善治
者常治無亂之亂故無亂也以臣觀今之時勢元首
固當培養而命脉臟腑心腹手足受病已深則及時
調理不可不預爲之所也臣以罪夫伏處畎畝誤蒙
聖恩賜之起用任以耳目之官受命以來早夜耿耿
每思國恩未報至於痛心流涕者有之臣請畧年耳

目之所見聞大要蠹政弊治足以貽聖心之憂。曰爲
陛下告伏願。聖明垂聽焉。何謂尊元首以重根本
也。曰保聖躬而已。蓋天子一身天命寄焉。宗社寄焉。
人心寄焉。聖子神孫萬年之貽謀燕翼寄焉。其負荷
者甚重。則其保安愛養者亦不可輕。故古之聖君賢
相儆戒之詞。不曰罔淫於樂。則曰檢身。若不及。不曰
慮善以動。則曰身其康強。子孫其逢吉。是保聖躬正
所以保天命。保人心。保宗社靈長之運也。臣於邸報
見五月十一日選中宮女四十四名。又於十四日選

中五十三名夫御用宮人例當三百此亦欽定名數
陛下未有所加也臣竊謂皇上春秋鼎盛萬壽無
疆而急急選取於一時豈惟京都人士日見騷擾其
於聖躬恐非節宣之要道也親詣秋祭以崇大典親
閱壽宮以先重務然亦世宗皇帝舊例陛下非
創爲此行也臣伏讀明旨有曰該鎮倍加嚴謹以備
不虞有曰隨行官員人等不許沿途生事有曰中飭
各邊防禦十分嚴謹毋得疎怠綸音屢下爲謀世周
矣然臣伏覩邸報皇上又欲躬詣兩宮聖躬親

閑則所以勞聖躬而勤聖慮者又當何如也近以
來諸臣章奏多出聖裁大小臣工孰不頌陛下
獨斷之明也臣竊謂五日三日萬幾攸萃一應奏疏
卽下部臣覆議閣臣擬旨如無當於聖心卽令其
重複議擬以求至當未爲不可否則臺省諸臣必從
而糾議之矣而旨意竟自處分不惟於聖心自覺
勞動然明旨旣出又孰敢冒死以迨陛下之成命
哉之數者皆足以勞聖躬非所以保聖躬也伏願
皇上恭默思道寡嗜欲以養清明之體修身立政持

體要以端化理之原慎固元神保合太和效都俞吁咈之君繼明良賡歌之治好察好問無怠無荒於凡用人行政是非得失必咨之閣臣詢之九卿以求協乎輿論當乎人心則國是定而體統益尊萬事萬化皆從此出而四肢百骸無不受命故曰君者元首也則休安聖躬以重根本寧非今日之急務乎何謂作士習以調民脉也曰正人心而已蓋人心邪正王道之汗隆氣運之盛衰關焉故治理之要莫大於正士習而士習之正莫先於重始進今之士習人心

望而鮮操持事容悅而寡廉隅貞固之守未聞而奉
迎承順則其病矣止於言餽恬退之節未見而大競
鑽刺則其病矣止於案審或以藝媚當道之知或以
文設淫司之好則其病矣止於諂笑脇肩苟非喪心
病狂曷以淫邪至此夫泰山之溜可以穿石漸靡故
也千仞之岡童子可陟陵夷故也今廉耻之凌夷旣
久而士習之漸磨日甚以斯人而筮仕則求其他日
之不與世浮沉而依阿時子者不可得也以斯人而
立朝則求其他日之不諂諛求榮將迎固寵者亦不

可得也蓋脉理之邪僻既非朝夕故腠裏之病根卒
難收藥昔周以伯冏爲太僕命之曰慎簡乃寮罔以
巧言令色便僻側媚其惟吉士則聖王之重始進也
如此皇上誠能憫士習之邪頽思崇本以立教起
弊維風更化善治勅下禮部申飭各省提學正人心
息淫邪一道德同風俗禮義以養其心廉耻以勵其
志先品格而後才華先器識而後文藝勿以游言獲
上進勿以浮詞列高等奔趨者必黜浮靡者必黜或
以言詞覬覦或以意向迎合者必黜則趨向端而士

風自定邪僻去而心術自正命脉之病其可瘳乎何
謂寬倉廩以實臟腑也曰厚民生而已蓋民惟足本
本固邦寧正如人之臟腑充實而痰疾不侵也今郡
縣倉帑或舟而輸京或輦而運邊在百姓則傾終歲
之勤動不能供惟正之國稅在皇上則減瀕年之
逋負未能解百姓之倒懸是故姑舂婦擔有輸不足
而鬻產者形銷骨立有生已盡而無家者子棄其父
而不恤婦背其夫而不顧有市身於殷富之家而甘
爲奴隸者又加之以差役繁重征求急迫有司有科

罰之擾里書有額外之需民力日竭搜括殆盡枵腹
之民日用且無以自給況可以待不虞議者皆謂招
撫流移積穀倉廩庶可揀目前之急臣愚以爲招流
移之民不若綏來於未流之先則人孰無鄉井之思
積倉廩之穀不若開墾其荒蕪之田則人孰無西成
之望今不務愛養而務招撫是欲揚湯止沸而不知
息薪止火也不務墾田而務積穀是欲不耕求穫何
異於緣木求魚也矧今日積穀之弊則上納有包攬
之費交代有津貼之費鼠耗有稱貸之費汔爛不賠

補之費查盤有擬罪之費在不肖官吏因公科罰真
爲聚歛之府在郡縣黎民無辜受罰奚啻陷穽之原
卽有賢守令亦無裨乎數者之積弊而況未必皆賢
乎民財日竭於輸納而饑餓日甚民力日見其憔悴
而五臟皆空國何以爲國乎 皇上誠能憫倉廩之
告匱哀民瘼之已極勅下戶部行令司牧之官加意
旻獨委心撫字勿藏富於國而藏富於民勿以招撫
流移者要虛譽而以能使民不流移者受上賞勿以
積穀之及數爲優劣而以墾田之多寡爲殿最如是

則人無流離之苦野無不墾之田地不改闢民不改聚行之數年而有不家給人足倉廩充裕者未之有也而臟腑之病或可瘳乎何謂節財賦以重心腹也曰禁淫巧而已東南爲財賦之區固卽吾人之心腹今則靡於淫巧而氣力匱竭矣上用節則下舒東南力竭而作淫巧者勢固不止豈陛下有以倡之乎

臣觀

陛下數年以來御用銀兩歲額不敷今日取

之光祿明日取之太僕是故浮梁之磁珠翠之寶玩好之珍器用之進龍牀之添設於乾清宮露頂之添

造於玉芳軒雖時有所取用僅足以備宮中之用耳
何百姓不知而以爲用度之貴麗且多也遇聖節則
有壽服遇元宵則有燈服遇端陽則有五毒吉服遇
年例則有御用龍服雖日有所供應僅足以備隨時
之用耳何百姓不知而以爲服飾之貴華且靡也覃
恩錫爵大小俱霑雖云太濫然亦非無因而大賚也
兩謁陵寢賞賜數萬雖云太費然亦非無事而漫遊
也何東南之民不諒皇上之心上行下效爭事麗
靡如寸梟之應賜如長風之鳴榦羣起則倣莫可禁

止服美於人驕淫矜誇物求其備鮮麗侈靡窮耳目
之好竭人官之能漫肆淫巧竟無實用夫中人以十
金之產卽可以備一家之用今則以一物之微而常
兼中人數家之產或以沉檀犀象爲質或以珠寶金
玉爲鑲或窮歲月之力而攻淫巧於一器或罄平生
之貲而易玩好於一執周鼎商彝秦鉞漢鑑唐孟宋
錦汝磁宣窑可致之寶駢至疊出鑽求於四方而售
高價於東南夫財賦之出有限嗜欲之費無窮旣貢
於國復靡於民奈之何心腹不告病而財用不貲匱

竭也。皇上誠能恭儉以崇聖德，節約以先天下，而
又勅下都察院行令東南撫按諸臣，大正民俗，力抑
淫巧，禁其浮靡，示之淳朴。如有市犀玉等器者，則坐
以違制之罪，而卽以其犀玉入之公帑。如有市淫巧
等物者，則亦坐以違制之罪，而卽以其物碎之官府。
貨之者有罰，而自首者有重賞；隱匿者有罰，而訐首
者有重賞。行之數年，則浮靡旣去，而風俗自淳。淫巧
旣息，而財用自裕。百室其盈，而心腹之病其可瘳乎？
何謂備邊境以運所足也？曰：整戎兵而已。夫邊疆之

臣固朝廷之手足而所恃以捍衛安攘以保無虞之
治者也今以邊境大勢而言遼左雖冒克捷之功而
士馬物故多於俘馘之虜近邊居民斃於鋒刃之下
者僅有孑遺耳 皇上試差一侍御之臣覈邊之村
堡昔年居民若干近歲若干自可知也薊鎮一遇竊
發之寇而濫報功賞勘覈方明則往年之有罪不罰
無功冒賞未經勘覈者又可知也宣大雖有貢市之
名然所得不足以償其所失所利不足以補其所費
而又加之以將不知兵士不聽命苟安承平因循目

前內守無策外防失計日復一日怠弛已極上下蒙蔽莫可支持此固廷臣之所共見共聞而不肯爲

陛下言者蓋謂邊臣相繼以入本兵奏覆議處必下本兵則言出而中傷隨之又誰肯爲無益之談以取本兵之譏駁而浩然長往哉然以臣觀今之邊勢遼左固京師之門戶而薊鎮等處所以爲堂奧之垣互市所以示羈縻之微權而鴈門客兵所以備不常之變邊臣建議有欲調薊鎮練兵以援遼者有欲撤鴈門客兵錢糧以修邊者今狡賊由薊鎮而入寇則密

雲之空營將何以護堂奧如猾虜一旦渝盟而內侵
則鴈門之空倉將何以待容兵此孔子所謂無遠慮
必有近憂也 皇上其知漁人乎漁夫舍餌以啖魚
其志將以得魚也未聞以餌養魚者也以餌啖魚者
其利在我以餌養魚者其利在魚今以中國之文幣
綺繡爲夷狄之日用常服名雖貢市實似媚夷是使
中國之力日益損而夷狄之氣日益驕中國之幣日
益耗而夷狄之文物日益盛邊臣假貢市以賂虜虜
每肆竊掠以邀賞彼此相欺以誑 陛下幸其不來

來則莫禦所謂以餌養魚者也養之漸久則其勢必
至於吞舟而漁人將至於不可支此豈但手足俱病
卽令其匍匐亦難而痿疲靡弱至此極矣伏願 皇
上勅下兵部矢心措處勿以前愆爲諱而必思爲善
後之圖勿以 臣言爲謬而必求爲長治之策蓋事以
有備爲貴臣以不欺爲忠洗心易慮協力經營若何
而選將若何而詰戎若何而振國威若何而作士氣
全遼之居民殺戮幾盡若何而可以實邊境薊鎮之
邊墉修築未完若何而可以充供用遼左之勅虜跳

梁曰甚若何而震疊以攝其氣宣大之疲卒玩愒日
滋若何而振飭以鼓其勇客兵之錢糧旣不可借支
然則乘其無事則民壯可以免其戍邊而工食可以
扣留否乎貢市旣不可恃然則乘其納款而邊將亦
曾及時料理以自裕其戰守之策否乎權難預設變
當先圖運籌決勝折衝禦侮務使將識敵情兵識將
意委身殉國同心戮力如肱使臂如臂使指投之所
向無不如意如是則四肢強健而手足之病其可瘳
乎凡此數者皆關於天下之治亂國家之安危貽

聖心之憂誠未已也孟子曰七年之病求三年之艾
今病不止於三年而艾朱畜於一日兼收竝取甚費
料理求之及時爲之有漸非可旦夕幾也伏願 皇
上念 祖宗創業之艱難思今日守成之不易保安
聖躬以圖至治而又靜養休息隨證調理勿諱疾而
忌醫勿責效於旦夕務俾其脉理和平臟腑充盈心
腹凝靜手足強勁將見士習一民志定倉廩實府庫
充淫巧去風俗同戎兵克詰邊疆載寧時弊旣拯人
心可慰則聖躬益寧通天下爲一身聖治益隆視萬

物爲一體國脉延于千億天下永保無虞其爲宗廟
社稷萬萬年無疆之福聖子神孫萬萬年無疆之規
者端在茲矣

恭陳膚議以光聖德以新治化疏

范雎

湖廣道監察御史
萬曆十二年正月

臣聞忠盡之士不以主聖而忘邪直之規明哲之后不以時平而弛憂勤之念此天地所繇常泰國家所繇永安也方今四海安瀾邊陲傳捷可不謂綦隆景象乎然熙洽久而釁孽易萌玩愒深而法度漸弛譬諸富人一身深居堂奧之中坐役僕厮安享溫脆平居無事非不充然盈也而一遇寒燠外侵憂虞中作其不病且憊者幾希何者則久逸不習之故也今天

下無患治安患治安而狃之耳矧茲履端之始三陽
開泰萬物咸亨正造化維新之會也臣故敢披瀝愚
悃掇拾見聞政本切治理者十事爲陛下陳之伏
乞皇上體維新之義大振作之功特賜採擇施行
則天下幸甚臣愚幸甚一日奉天道王者天之子故
奉若天道王者事也春秋有春王正月之文漢臣董
仲舒釋之曰春者天之所爲也正者王之所爲也春
次王王次正若謂上承天之所爲而正以正其所爲
正王道之端云爾仲舒可謂深識天人之理矣但其

以至於任德教而不任刑罰臣愚以正之義廣矣大矣未可以一事槩也今我皇上撫茲昌辰宜何如其端於天哉蓋一念不正卽無以合天心一事不正卽無以順天則故所講以正學而昭代訓錄當日親也所近必正人而左右嬖倖當日遠也言必正論而讜議悉見於施行習必正事而邪惡不接於耳目燕居寢處或與臨御大庭殊非正也蓋必無一念不可與天知無一事不可與天合夫然後可以仰答天心永配上帝矣臣故竊爲王道之首也二曰防人欲人

王處崇高之極何欲不得故常易至於縱也而衆欲之中其戕生而伐性者則靡曼之溺麴孽之耽爲甚故昔人比之鴆毒況之斧斤明其害之烈也在昔禹惡旨酒成湯不邇聲色豈好惡與人殊哉是必深見夫縱欲之害故不得不絕而遠之耳我皇上屢納言官之疏必能留意保嗇萬無可却慮者但愛君者必防其漸養身者在慎厥初必時有省察而日有節制則君身日益強固君德日益精明而無疆之壽有道之長恒必繇之豈非人臣之大願哉三曰信詔令

王者所以鼓舞天下而天下之環向而待命者詔令是也今之詔令非不日申而謂之信如四時則未矣臣嚮爲縣令時見詔書一下萬民欣躍更生乃有司格於上供之不足誠有所謂黃紙蠲租白紙催賦者至於申命行事前者甫行後者踵至惟其上之輕易是以雨之難逢故卽輦轂之下且有寢閣不行者殊非所以尊國體而定民志也自今詔令合無酌定畫一俾可永守有違者必傳諸法庶幾雷厲風行有司不敢輕玩而百姓實受其福矣四曰定章奏夫章奏

者所以匡主德而達下情也。臣觀漢唐及國初諸臣奏疏類皆疏暢而不浮簡切而有體言言中矱足動觀聽近或詞尚繁文語寄奇字不惟讀之難竟有煩睿覽而華詞晦理多言亂意卽左國之文將焉用之合無今後章奏裁定體式謝絕蕪蔓則庶激切之衷易明而獻替之誠易達。陛下亦宜留神澄省片善必採失然後章奏爲有用之文也。五曰廣儉德人主孰不惜財而用之或靡者徒以府庫之富爲可恃耳乃閭閻瘡痍之狀安從睹之。昔唐王鉉爲戶部進貢

外錢帛百億萬貯諸內庫以供宮中宴賜且云此不出租庸調無預經費嗟嗟府庫之財孰非百姓之膏脂而可以內庫爲無傷邪宜史冊標之爲永鑑也我皇上惻然軫念停塾宮之賞罷鰲山之燈可謂慎乃儉德加意節省矣若由此推之如磁器之製珠寶之市織造之煩凡一切供用之可已匠作之可緩者悉從裁省則內庭一金之省卽可以寬田野百金之科所省愈積則所寬愈多而億兆元元陰受其賜者將祝釐無極而千萬禩頌仁儉之主矣六曰專事權天

下之事權貴一一則治參則亂故堯之任舜舜之任禹皋陶專一而無二是以唐虞之治至今稱烈也我皇上勵精圖治一切機務決於閣臣任非不專矣但召見之典未復內批之旨間出得無有情阻閹紀跡涉旁弄之嫌乎臣愚以爲宮中府中事無大小竝委內閣票擬然後裁以宸斷又時一召見便殿商確可否則輔相得行其職而洞然示天下以公永無壅蔽之患矣七曰惜人材人材難得自古記之誠不可不惜也今布列在位者無論已頃者皇上允言官之

請按羅岩穴起用舊臣凡一時望厭人心沉淪廢逐者漸已登庸天下之人加額頌大聖人之作爲矣然或旋即罷斥或循資久滯或謹論不行是償其未盡之官非展其未竟之才名雖起用實則與澆錮等也誠宜破拘攣之見弘昭曠之典將起廢諸臣不次擢用卽驟躋崇顯無嫌速化併一時言事以註誤被遺者悉追復原職如此則諸臣將必有感激思奮自邁等夷期無負朝廷再造之恩者矣八曰養士氣士氣在天下關世道之盛衰不可一日不伸也然值之則

伸抑之則靡是在人君之所養耳故桐江一絲繫漢
九鼎東漢養士之效可徵已其在於今則有少謬不
然者循默者顯而直諫者微和光者通而特立者蹟
異渙者臣而獨任者危觀望者進而激昂者退滋長
夫媵阿脂韋之風鎖鑠夫正直剛大之氣士有抱報
國之忠奮致主之義者欲自效何繇哉則夫伸此抑
彼挽回狂瀾正 皇上今日事也謂宜獎朝陽之鳳
戒寒葉之蟬壯批鱗之節斥撻尾之卑恕木疆之戇
屏藤附之姦使天下曉然知上意之所嚮在彼則士

爭自奮正氣當伸而太平可立致矣九曰斥巧宦天子所與其治者非羣吏哉而吏治之不兢者則巧宦爲之蠹也蓋天下之人廉與貪易辨也仁與虐易辨也惟夫巧宦者厚貌深情機械百出本汙墨而矯之乎廉本操切而假乏乎仁本譎詐而托之乎忠掩飾文移以明已之能敏讒構共事以明已之能直以窺伺爲精神以奔競爲捷徑其於百姓之利病苦秦越人之相視也非當事者蚤鑑而痛抑之則此輩得志而樸茂之士弗勝之矣乞勅下都察院轉行撫按衙

門嚴加申飭留心綜覆則官邪知警而吏治有不蒸
蒸者否也十曰清武職今天下譚兵者孰不咨嗟喟
歎勸武備之弛哉而揆厥所由則虛冒之弊也我國
家優將領恤軍士曷所不至顧所養非所用徒靡廩
餉耳蓋自世爵之例拘而統袴掌韜鈴矣自買功之
姦肆而市井握節旄矣自冒親之屬多而廝養占尺
籍矣自掩敗之罰輕而庸豎安裘帶矣自請燭之私
熾而疲駕縮虎符矣以若人而坐之三軍之上適以
召侮且此輩以賄得之必將剗剗軍士以償之又以

召怨武備何繇振哉誠在內勅京營等官在外勅巡
關御史躬閱而一清之則不惟可汰濫員之弊而亦
可作武夫之氣策勵既久將人奮鷹揚之志士多彪
虎之才夫然後專閫之寄練兵之實禦虜之方可徐
議而責成功也以上十事而諸臣所欲言而未逮或
所已言而未行然今日端本善治之圖實莫切於此
故敢冒昧上陳惟 聖明裁之 臣愚不勝懇切企望
之至

直陳關係治體四事以仰禪聖明萬一疏

姜士昌

戶部員外郎
萬曆十四年四月

臣聞有貴於明君者垂山藪之聽不遺芻蕘之言所
貴於人臣者進狂瞽之規無虞逾耳之患夫是以國
家之條貫可覩而鴻業可致也陛下以至聖之德
憂閔元元除奸剗苛所以垂意甚備天下訢訢焉稱
不世出之主矣向者惟內操未罷言官久謫中外俱
切隱憂臣之私心竊欲陳之而未有間乃頃覩邸報
則陛下霈然下德音罷內操矣叙言事諸臣之官

矣臣在徐方聞之踴躍稱快以爲陛下獻者尚有數端不能自巳輒敢忘其冒昧而終陳之惟陛下財擇其一曰請慎留中之疏以一體夫羣下之有章疏非以達上聽乎則章疏之有批答所以通下情也近年以來陛下留意政務矣親自省覽矣然乃有言近切直而留中不下者臣據所見邸報則十二年內科臣王三宅嘗諷止山陵之行矣曲遷喬以無逸進規矣而近者則科臣陳壁張希臯王致祥等或以內操或以言官而疏皆留中矣夫是五疏也陛下

以爲是耶宜卽付所司也以爲非耶亦當報聞而乃
皆留中不下臣竊惑之今內操建言二事旣奉旨允
行而春祀陛下之意特以爲此數事者旣不欲因
言以爲行止則惟留之禁中自爲行止耳似無所以
壅之者而揆之政體則不然設或有人關利害言涉
摘發外之不見於內不知其曾達於陛下之省覽
而可以爲訓乎臣非爲往者諫也以爲將來者宜慎
蓋防微杜漸之道寓焉爾其二曰請推容臣之量以
來直諫夫科臣鄒元標等臺臣孫繼先等陛下因

言官之請則旣用之矣而主事董基 陛下因部臣
之請則又用之矣在 陛下叙用之旨方新固不敢
卽爲煩瀆之說以進而在諸臣中或節槩凜然再起
謫或深言極諫有不當以一量移盡之者則德意所
當承而吏部之任也乃若原任御史范儁又不在叙
用之列夫范儁之言事也 臣不敢謂其得進言之時
然其疏俱在今讀之蓋銳於進言而急於自效其自
爲祿位之計疎而其爲 陛下之計忠也 陛下亦
何靳一命之寄而使盡言之臣終錮於 聖世乎夫

於叙之已及者量爲之褒藉而於叙之未及者亦曲
賜優容所以開天下之口而厲直臣之節蓋明主之
上務清朝之盛事也其三曰請舉面對之典以親庶
政夫庶政之當親也古今重之矣自昔願治之君以
至昭代列聖未有不以延訪爲首務者蓋人君深居
九重其勢易爲間隔所以明習天下之事外之能兼
聽於三公九卿而內之不旁移於左右贊御侍有此
也以陛下睿智夙成乾綱總攬而左右諸臣多鑒
覆車惜榮名似無足慮然以其時論之則國家撫盈

成之運而陛下當鼎盛之年於以延見羣臣咨詢
治道非其時乎考之昭代嘗有午朝之制矣恐驟復
之而過於勞嘗有平臺之召矣恐暫行之而不能久
一應章疏宜竝加咨詢矣恐泛舉之而不得其要臣
之所以爲陛下規者一切不敢爲此不用難行之
語而惟以日講者陛下之日所臨御也請以日講
之時寓召對之意公卿侍從畢侍上前凡朝廷政令
羣臣章疏擇其最鉅且重者一一條析始末辨論是
非而從容以俟聖斷行之既久諳練愈深聖心孜

夜將有惟日不足者卽午朝之制便殿之對亦在以
漸復之而已此皆昭代之所已行亦羣臣之所嘗及
而陛下欲開廣聰明閱歷政務未有不繇此者此
臣所以爲陛下愿也其四曰請修節儉之實以裕
國計夫節儉之說在廷諸臣言者不知其幾陛下
且改容聽之矣而臣復請修節儉之實者何也夫天
下財用之訕也使入臣爲陛下憂之則莫若陛下
下自知其出入之數而自憂之而國可不至於病今
天下財用之陛下以爲何如哉陛下之有墨臣靡俗以

耗陛下之物力而上之有冒請濫乞以耗陛下之經費物力置於下經費濫於上公私之積俱以殫盡矣乃未有所以救之者殆宸衷未加焉今日近臣疏請則雖出於常額之外而必加明日部臣執奏則雖合於祖宗之制而不用無論其遠卽如近者買金一事在世廟時慈慶宮之建用金一千五百兩而有餘在今日慈慶宮之建用金三千兩而不足夫賦稅非加於前也民力則日困耳而嘉靖去今厯二十年乃其費相懸若此卽其他可知矣夫如是國安得

不貧設有堯之水湯之旱又乘之以邊境卒然之患
竭大農之藏不足以奉戰士陛下將安所爲計乎
夫天下之財皆陛下之財非特內帑當惜也天下
之臣皆陛下之臣非特近臣當從也天下之事皆
陛下之事非特營建當急也陛下誠竝念而深維
之命司計之臣總計天下之用歲所入者民間逋負
者與疆場之用度內足之供億所入不勝所出而後
知經費之可虞又總計內廷之用何者爲先朝之額
何者爲今日之額有加無已而後知請乞之難繼列

爲三冊寧簡無煩以備聖明乙夜之覽 陛下自爲
經畫而自爲顧慮臣不知何如其憂又將何如其節
省也夫先是所增馬匹草料皆爲內操而設者也今
內操罷矣不當明示諸臣以爲減派乎先是所派金
兩物料皆爲慈寧而用者也今慈寧卽萬不得已不
當斟酌舊制而稍加節省乎古之人君莫儉於漢之
文帝當其時惜白金於露臺飾帷帳於皐囊而粟粟
不食貫朽不校致治之盛比隆成康人皆知其爲恭
儉之效而不知其卽位之初首問錢穀之數彼其所

繇恭儉者彛也臣所謂節儉之實者此也夫是四者
皆國家治彛所係而臣官屬大農其於節儉尤所當
言臣陛下誠深省臣計明昭曠之路庸蹇諤之臣勤
咨詢之益躬節儉之化於以媲美聖喆而垂光無窮
太平之理可跂足而俟也臣無任願望悚息之至

恭進明良交儆之謨以隆聖治疏

張岳

都察院左僉都御史
萬曆十三年二月

臣惟帝王保泰之道莫切於君臣交儆書曰后克艱厥后臣克艱厥臣又曰勅天之命惟時惟幾又曰無教逸欲有邦兢兢業業君之勸戒乎臣則曰股肱喜哉元首起哉有土熙哉先臣而後君者所以儆臣也臣之勸戒乎君則曰元首明哉股肱良哉庶事康哉先君而後臣者所以儆君也在易則以地天交爲泰天地不交爲否天地者君臣之象也恭惟皇上凝

圖立極爲天地神明之主其大根本只在一心
臣仰窺 皇上一言一動皆堯舜之心起用賢直臣
如王錫爵海瑞等 皇上之心乎親賢也追逐黨惡
臣如王篆潘季訓等 皇上之心乎懲奸也重治錢
若賡方復乾而天下感 皇上愛民之仁心薄譴劉
冠南石佩等而天下服 皇上慎刑之恕心開宥鄒
元標孫繼先等而天下仰 皇上納諫之誠心停止
內操潛消肘腋之隱患誠虔祈禱時切黎庶之痼瘼
然有堯舜之實心尤莫先於堯舜之實學而帝王之

學與韋布不同虞舜之好問察大禹之拜昌言古今
稱盛軌以爲不可及厥後殷高宗恭默思道命傳說
以朝夕納誨啓沃若作礪作舟楫作霖雨作麴蘖鹽
梅三代而上善學莫如高宗考之昭代則莫如孝
宗皇帝退朝閒燕接見諸近侍大臣於平臺講究問
學商確政理皆遠法殷宗而追堯舜禹之盛軌也伏
願皇上每日視朝經筵日講之暇或燕居無事之
時必澄心寂慮併去聲色玩好諸物廓然涵養此心
如太空晴雲一日此心日日此心又日亦此心自然

主靜立極凝承天命遠追帝王盛德格饗 祖宗神

靈而篤恭天下平矣至如問學或有可疑者則召輔
臣同翰林侍從講官一問辨之進退人才或有可疑
者則召輔臣同吏部官一問辨之會計財賦或有可
疑者則召輔臣同戶部官一問辨之制作典禮或有
可疑者則召輔臣同禮部官一問辨之戎政機務或
有可疑者則召輔臣同兵部官一問辨之鳩工興作
或有可疑者則召輔臣同工部官一問辨之獄情重
大或有可疑者則召輔臣及三法司官一問辨之方

今在位輔弼諸臣皆同心一德無纖芥可疑六部九卿大小臣工正君子道長之日使羣臣面議於下

聖明獨斷於上聚精會神相得益章壅蔽之患何由而生明良喜起之風遠邁唐虞矣然海宇至廣政事最繁一日二日固有萬幾皇上惟總握要樞相與諸臣講求可否當今之最爲喫緊者大端有四其一曰議馬市夫馬市爲害先後諸臣論之詳矣臣復何贅然臣以爲一旦革之則必生亂而禍及於首議之人若因仍不改則漏卮易竭中國將坐困而不可拔

況邊備日弛財源日耗不待智者而揣知其禍也故
欲息馬市莫先於備邊圉欲固邊圉莫先於廣樹畜
訪昔榆林之制以壯我元神二氣此七年之病非三
年之艾不可瘳也其間區畫經畧之法容臣另議詳
之舍此則無策矣此邊務之所當亟圖者也其二曰
議宗藩夫天潢繁演數將鉅萬皆待哺於脂膏指太
於股脛大於腰燃眉剝膚之狀已不勝困憊矣臣嘗
待罪禮科具疏刊入宗藩條例請以世次遞其封典
而親盡服絕者得以士農工商各專其業奈當事者

因循不復舉行延挨二十年來近經諸臣會議竟亦
漫無可否畢竟終成廢閣及事發而徐議之噬臍無
及矣此宗祿之所當亟圖者也其三曰議條編夫國
朝設立里甲本爲小民力役之征向苦貪官虐吏不
任誅求更立條編以休息之且條編之法便於富戶
而不便於細民便於市井通衢逐末之輩而不便於
窮鄉僻邑之穡夫況上下交征惟白金折色而布帛
菽粟終歲勤劬者委棄而不知恤貪污蝨賊利其囊
橐之便而憚於更革吮膏血而莫之顧民之荼毒視

里甲又十倍之

臣

以爲此法不更貪風必不可息民

日窮而盜日起矣此役征之所當亟議者也其四曰

議治河我朝建都幽薊資運道以通國脉嘉靖間洪

水泛漲議開夏鎮而棄沽頭卒之數年以來強爲支

塞而清流日浸良田日渰淤沙日壅河身日迴一二

十年之內必有大壞極弊不可支撐者

臣

今日言之

似若迂緩不切不知壅腫鼓膈之疾非一夕一朝善

醫者察脉色而知受病之源疾甚則藥石無所施矣

臣

以爲夏鎮咽喉當開而沽頭不可棄今欲議復沽頭

勢同反掌復之日久則諸湖浩蕩清流將引濁流衝
激兩洪漸出而水由地中行萬世永賴之利也不然
日積月累如燕雀處堂必潰決而不可測將爲中原
莫大之痼疾此運道之所當亟圖者也凡此四政所
當^其日夜講求以熙太平之業_臣特舉其大畧不敢煩
瑣以瀆天聽其或用人行政之得失旦夕可爲更改
者_臣亦不暇枚舉矣今聖君賢臣圖惟化理慎之則
治忽之則亂孟子有云今國家閑暇及是時明其政
刑孔子有云爲君難爲臣不易伏願我_皇上遠法

殷高恭默思道近法孝宗召問平臺雖雖在宮肅肅
在廟不顯亦臨無斁亦保四事所宜亟行者速乞勅
下該部使不牽滯於虛文不阻撓於羣議不偏徂於
拘攣不廢閣於因循必求經久可行爲綢繆桑土之
計斯宗社無疆之慶矣

一日治安天下疏

海瑞

南京吏部侍郎
萬曆十四年正月

臣廢棄一十六年矣皇上一旦起臣不復一疏

求止君子之仕也行義也感天地高厚恩也然臣生

何年臣生正德甲戌禮大夫七十致仕臣今過而三

矣歲歷丑歲盡日過亥日終人秉陰陽氣行亦天之

運臣自舊歲五月十三到任以來一月不如一月凡

世稱老人之病種種有之可以少延天地生生之意

遠一二歲月近朝夕也孤死首丘人情同然天恩其

不一假之也乎然臣不遠萬里其來何心其死無日
再挹容睟又懇恩後事也史魚昔有尸諫 皇上聽
之夫天生民而立之君君選臣以承天意自張居正
刑犯而後乾剛獨斷無一時一事不惟小民之念有
其心不收其效事出於理所無有者失之有刑而刑
輕也諸臣莫以其故聞大抵諸臣皆是貪風俗中人
待士有禮之說借口而非其正不可信夫待士當禮
而民何辜哉我 太祖初剝皮囊草洪武三十年定
枉法贓八十貫絞之律給主入官不聽其入囊中物

遂已風流弘治士多廉介之節民無漁奪之擾政刑
原非德禮外事民乎士乎 太祖之權衡審而兩全
之矣正德初年美意如變 世宗朝詹事霍韜所以
有文官惡其厲已託欽定事例雜犯之疏也今又變
而日流日下民室懸罄官則富有揚揚閭里隱隱去
官之名陽仍先日富貴貪人纂計中策也自其不離
鄉井樂爾妻孥言中策亦錯於上 皇上以著役爲
辱官府閭里共與榮之曾著役乎吁貪可得而禁之
哉貪其害之大者與貪相因而見同鄉同科門生故

吏之各於其黨借權門爲泰山靠則先意以心其志多私不下貪吏之害犯此撫按官爲甚吏部未有報之酌撫按進退者撫按得以容貪貪可得而禁乎京師四方之極兩京官借口公費無一衙門無有輦轂下而義利之辨不明至此貪又可得而禁乎先兩京官後撫按先二司官後府州縣爲小民求一日少安之序又有所謂本之本本無復有上焉者皇上身也古稱聖人在天子之位蓋崇高富貴之極必人倫之至後足以當之下堯舜一等不能無歉堯舜何以

當天地萬物一體之仁自天子以至庶人齊於此
知明實得也 皇上勵精有加固非漢唐宋之平常
君可方一二至以稱於唐虞之盛未也語曰取法乎
上僅得其中取法乎中斯爲下矣一介寒生且聖人
自許 皇上所居何位而可曰中耶今日尙是從頭
直差到底 臣歷舉其事轉漕年四百萬石遠計也
先官管倉主事因倉推問其餘大抵取盡錙銖而泥
沙用倉收之草率上漏下濕若不介意是軍士之實
得三分之一而已實得三分之一何不舉二分之虛

舒東南困乎卽米推則金花銀工部之草場百用料
太僕之馬價光祿之上供南京兵部之馬快船可觸
類省矣春秋列國爭強勢必不以其自利轉資鄰國
自食其粟自乘其馬自用其物如秦如衛如齊如楚
往往稱雄一時小如邾莒亦能支吾自守古列國能
之天下之大不能是之謂差宮女古稱宮怨所用幾
何何使之怨內臣稱曠夫役使幾何大學士丘濬言
併不得其子孫之用何使之曠周急不繼富孔子爲
民間之取與言爾 皇上天下爲家百凡鑑 貧人

無田不與免賞賚必爵之尊者爵尊有不富貴者乎
宮女內臣 皇上未嘗缺乏衣食賞積之空虛無用
望哺嗷嗷之窮民分文無有是之謂差南寇北虜及
劫村劫路之盜趨利也國子生納粟得吏員納銀多
少充選授之官紛然中外非先啓天下利心乎所得
於援例幾何東征西討費十百而千萬之矣是之謂
差古天子歲有巡狩 皇上每出用計數十萬營造
動以萬計民之膏血幾何不知堯舜必爾焉否也 臣
非迂欲 皇上今時洪荒事也今天下一家吏胥貪

害合之不減其官。弊起繁文。苟得箱徒袖行。易簡之
要。移各官鑽刺工夫。親自手筆餘裕。皇上有六部
臣在也。乃終日勞神章奏。可曰恭已南面而已乎。荀
卿子曰。主好要。百事詳。主好詳。百事荒。要得而六部
尚侍且閑人也。願惟皇上以茅茨土階之心。居九
重宮闕。持智者行所無事之術。御一日萬幾。臣言有
未及推之以盡其餘念。茲在茲一體萬物久之涵泳
從容而頭頭是道矣。性中故物愈出愈奇。見堯舜不
見天子以一人治天下。不以天下奉一人。聲律身度

又有出於臣意所不及而言之外矣事有不可易言者師行糧從山川險易而寇敵百端情也自此之外一舉手功立而效隨之矣孔子立之斯立況皇上濟之可致之權人心自太古特人心轉移非難事臣故曰一日治安一日非大言非不諳政體賈誼陳政事於文帝之朝曰舜禹復生無以易此一時之天子孰與不朽同天地之堯舜崇高之樂目孰與一體萬物之樂心臣於今亦云臣老矣死亡日近譬之老馬筋力不堪致遠經涉險阻粗識道路有君如此誰忍

舍之

皇上用

之言是卽用

之身是以干冒天

威兩懇

無任戰慄悚懼之至

聖治宜新乞勤政學以隆治安疏

吳達可

湖廣道監察御史
萬曆十五年

臣竊惟國家之理亂起於君心君心之出入係於所養學所以培養君心而賢人君子則固講明正學而維持此心不可有一日之間斷者也我皇上卽位以來以三六九日爲臨御之期餘爲日講之期輔臣侍側儒臣進言講論經史寒暑不廢勤於學矣近觀皇上御朝視事未明而興郊廟必親虔誠祇肅一念地方災荒則遣部臣賑恤一念京軍苦寒則發帑金

資賜德意所孚羣情歡洽勤於政矣夫政與學非有二也必學之功純而後政之用善一日廢學是一日荒政也經筵大典舉於春秋而時舉時輟所賴以啓沃君心使無間斷者惟是日講耳迺自去冬以來聖體違和御講稀少臣備員侍從願效涓埃矣以時方沍寒調攝宜慎未敢以講合聖體旣康方春且煦可不亟爲講學親賢計乎且人之精神不着於經史則着玩好人之學問不以進則日退未有一無所着而亦無所進退者也故日新又新日就月將古聖賢

於學且不廢焉我祖宗朝歷聖相承英君誼辟豈少於學哉然禮賢有館弘文有館日召文學儒臣講論經理不輟蓋不以已脩者自足而以未至者自歉未嘗一日不勤於學也皇上天縱聰明儒臣講習已久聖學固淵且邃矣一有間斷安保其不他有所着乎又安保其進而不退乎微臣一念惓惓實有不容自己者請自今伊始經筵照舊舉行外每旬日內以三日御朝餘日侍講燕閒溫習經史無間寒暑無分朝夕凡帝王之太經大法必反而求之身心遇災

而撤樂減膳不徒賑給已也禱祀而秉志齋心不徒遣祭已也凡此皆學之實可以養君德亦可以保聖躬者也至於召對之典屢經諸臣疏請未見舉行意者皇上以事機未徹恐綸音之發難於悉中乎意者以諸臣聞見未周恐玉音之降難於登對乎臣以爲此不必慮也召對原爲商確國事而設非必其言之一發卽中也唐虞諸臣有都兪亦有吁咈期於共濟國事而已今廷臣中豈無曉暢事機通達國體者乎我皇上於日講之暇輔臣見在卽將本日章奏

面商可否經筵之暇部院大臣及科道官見在卽將
各衙門事宜面議從違倘聖心有疑不妨反覆問辯
倘聖體稍倦不妨暫息再興畧儀文之末窮理道之
原援古証今必求至當將見義理講習則明治體講
求則定不必更舉召對之儀而君臣道合上下心孚
紛紜異同之論漸歸於一偏黨好惡之私悉化於中
矣太和之氣蒸徹宇宙尚何災變之不弭乎再照政
學之規固當振舉而格心之臣尤宜廣儲今講筵諸
臣固濟濟多賢切見翰林院編修鄧以讚者一塵不

染萬念皆真養靜立園義理之涵濡日粹潛心墳典
經綸之蘊蓄尤深臣任江西縣令灼見其賢今已踰
告期志甘肥遯若而人者可使投閒於盛世哉相應
及時取補以備講筵之選庶人才不終於遺棄而政
學不爲無助矣

朝政當修乞勵精以圖萬世治安疏

馮從吾

山西道監察御史
萬曆二十年正月

臣不佞猥以書生叨入仕籍三年於此矣竊見 皇
上郊廟不親朝講不御章奏多留中不發 臣不勝杞
人之憂然而未敢有請者謂在廷諸臣明諍顯諫連
篇累牘庶幾哉萬有一之感悟 上心也又惡用 臣
言爲哉第諸臣言之諄諄而 皇上聽之藐藐屢請
饗祀矣而 皇上之遣官恭代者如故屢請朝講矣
而 皇上之靜攝深宮者如故屢請發章奏矣而

皇上之留中不發者如故豈在廷諸臣無一言之
有當於皇上耶抑皇上始勤而終怠卽諸臣言
之亦不恤耶臣竊意皇上之心不過以昔年勵精
天下不見其益近年靜攝天下不見其損何苦舍逸
而就勞不知人君之舉動與士庶不同士庶久不理
家則家事費其爲患也小而易弭人君久不理天下
則天下之事費其爲患也大而難圖皇上試觀丁
亥戊子以前四夷效順海不揚波天下何等景象也
是勵精之效旣如彼已丑庚寅以後南倭報警北虜

叛盟天變人妖疊出還至天下又何等景象也是靜
攝之患又如此中外多事人心憂虞失今不圖長此
安窮豈必朝講一日不舉便有一日之禍章奏一日
不發便有一日之禍然後爲可憂哉且今日皇上
自視爲何如主也皇上欲成其神聖之名而使天
下不見其太平之象則名實不符人誰信之況今當
朝觀之期萬國冠裳畢集闕下咸欲一覩其清光而
竟不可得則必相顧而疑相疑而議不曰皇上困
於麴蘖之御而權飲長夜必曰皇上倦於窈窕之

娛而晏眠終日不然何朝政廢弛至此極也雖皇
上近頒勅諭謂聖體違和可以再借靜攝之名
以少掩其晏安之非而不知皇上靜攝已非一日
如以爲真疾耶則當戒酒戒怒以圖尊生之計如一
時倦於早起托之乎疾耶則鼓鐘於宮聲聞於外天
下人心豈可欺哉況皇上每晚必飲每飲必醉每
醉必怒酒酣之後左右近侍一言稍違卽斃杖下如
是則旣非靜攝又廢朝政縱諭旨森嚴恐亦不足以
服天下而信後世也臣見前歲皇上禁止章奏非

奉 聖旨不許傳布

臣意

皇上不過以爲臣下章

奏多有不識忌諱者恐一傳布則天下傳誦其章奏
必議及於 皇上之舉動故姑留中以泯其跡耳不
知今日諸臣來朝而 皇上猶然靜攝其紛紛議論
視章奏所傳更孰多寡乎一人之舉動四海之觀望
隨之豈在章奏之傳不傳也欲以泯其跡而反以彰
其過豈 皇上未思及於此耶 臣願 皇上勿以天
變爲不足畏勿以人言爲不足恤勿以目前之晏安
爲可恃勿以將來之危亂爲可忽必乘此大班糾劾

之日亟出視朝以答四海臣工之望無惜此頃刻省
覽之勞發臣章奏以昭一人納諫之明仍望節飲以
養性情戒怒以馭左右至於以後諸臣章奏無論奉
旨與否准其照舊傳布則聖德以光聖度以宏天下
太平之治可計日而奏矣世道幸甚臣愚幸甚

朝廷晏安乞勵精改圖以救禍亂疏

于玉立

刑部員外
萬曆二十一年七月

臣惟天下之治亂關於政事政事之得失出於君身
譬若人之一身君其心也紀綱政令脉絡也內而宮
闈外而四境遠而邊鄙則五官六府四肢百骸也使
此心不正則六脉不調百骸失理比其剛強且弗克
自保矧積弱必點危乎以臣觀於今日之君身今
日之政令今日之天下勢甚搶攘危於累卵使賈生
而在其痛哭流涕長太息者當復如何臣不避死

之誅循本及末爲大陛下陳之書稱堯舜兢兢業業
文王日昃不遑此古聖王鑒知化原厚求諸身以流
福天下乃今陛下志在閨門不卹國事寵幸貴妃
宴逸無度恣行威怒鞭笞羣下不數年間宮人閹豎
死於箠楚殆及千人積骸成丘衆怨交作四方聞之
莫不憤歎昔者斷死刑天子且爲之徹樂減膳而今
舉左右無辜慘毒至此是誠何心如田義本一奸兇
邪孽陛下亦嬖其便佞寵信不疑使義得憑威負
勢恣其貪饕以壞亂國家邇者奏牘之或留或下推

陞之或用或舍潛弄威柄道路藉藉金錢之巨萬盡
歸義家蓋義以 陛下爲城社而外廷之奸貪邪媚
者又以義爲城社合黨朋謀其禍難量且 陛下一
惑於嬖幸而數年以來問安視膳郊祀朝講一切報
罷至於邊烽四急禍亂成形猶不足以動其憂危之
端奪其宴縱之習是君身之不修未有甚於今日者
也夫宴子稱政之大患在善惡之不分故古之治朝
別賢奸定功罪較若畫一議論不煩而有成功乃今
紀綱紊亂號令紛紜是非可否譁然於廷其他傷道

蠹國情形曖昧者臣不忍殫書唯是禍亂既作須人以濟而用人之道悖謬愈甚一人之身佞可爲賢一事之內罪可爲功止緣爲人擇官故至繁言無定如李如松本純袴子特巧於憑託耳已屢經論劾忽復有征西之命若使因人成事計冒殊功而終任以兵則趙括之覆車可爲永鑒苟或小見損折則是張積弱之形而令寇虜得窺朝廷又非細虞且數月於茲叛賊將破而猶遲回於榆林花馬之間何爲也臣不知舉之者何心用之者何見如麻貴之奸貪已經闔

臣奏彈按臣覆勘賊罪具明旋復拔用縱其神謀鬼
運不忍忘情乘茲多事借以戴罪立功徐爲圖之可
也乃毫無寸績而總兵之推忽加於蕭如薰之上使
非朝廷獨斷則獎債帥而後勞臣將三軍解志壯士
灰心矣豈其五萬未入之賊固能化罪爲功耶又如
鄭洛者借邊地以起功名挾市款以要上賞止憑歲
幣盡壞邊防頃緣申時行貪邊臣之賄苟旦夕之安
秦檜孫近交相附會不顧國帑有限虜欲無窮養虎
不給禍且噬人此其遺害實在今日而石星乃力破

羣議獨主召用借科臣李汝華之勘疏而鋪張其勛
伐不知原疏可質可得漫爲巧辭以欺人洛又謀將
狼狽垂絕之史曾令虜王擒獻坐收已革之市賞而
深結其懽重爲夷狄所笑蓋洛撫鎮最久未嘗一創
虜星固不能以戰功相加若仍以其開市媚虜則天
下豈少洛哉星不知而推之則不智知而推之則不
忠日頓足於司馬之堂張皇歎歎而徒欲倚洛爲泰
山臣知其難矣蓋朝廷之上事機已著議論愈淆功
罪本明用舍輒眩是何謀謨是何舉措且輔臣天子

之股肱也屢推而竟無俞旨冢宰百官之司命也再
舉而始有成命諫官天子之耳目也一斥而臺省幾
空是在陛下雖未必有成心而不知內必有陰竊
其權以誤陛下外必有暗投其隙以誤蒼生者今
國勢搖搖矣而邪臣猶得以撼正士之舌庸臣猶得
以奪智者之謀是紀綱政令之紕謬未有甚於今日
者也古明王在上羣生愛戴方外蒙澤威震百蠻二
狂狡之憂乃今外難方深內患漸積禍機交作勢甚
岌岌虜已跳梁輕狎中國直躡內地數十年邊方積

累一旦潰裂矣而噶酋又叛於西關白又逼於東波
沸雲涌橫集交侵如燎原之火發之至易撲之甚難
今連累萬之師徒捐不貲之帑藏以驅除小醜而曠
月之久未有成功是豈細故乎且國家設兵本以自
衛今積失其心反以自攻始而浙江兵變矣已而鄖
陽又變矣已而滇南又變已而陳州又變已而薊鎮
又變乃至劉許諸賊稱帝稱王驕悍之氣徧於行伍
卽如日者高蓋等奮勇先驅而榆林兵逗留不進古
今師旅曾未有如此事履霜堅冰不待智者而辨貼

骨附肉其毒尙安可言然使民心未搖國本猶固尙
可維持而年饑歲凶百姓力屈欲爲亂者十室而九
若復重給軍餉稍迫誅求則掾死不瞻計出無聊揭
竿持矛亦不旋踵矣乃臣不惟遠慮又有近憂陛
下非刑酷烈凡在近御無有一人幸可生全矣夫人
懷必死之心無更生之慮又在耳目左右之間因利
乘便以甘心於一逞是倭虜伏於蕭牆而哮劉發於
帷帳臣每一思之尤所寒心也蓋漢臣有言天下之
患在於土崩故歷代以來強藩劇賊間亦嘯呼狂逞

而擾在一方叛止一人於天下大勢固亡恙耳今自
宮闈肘腋徹於閭閻邊徼皆懷離上之心皆操不軌
之念而匹夫忽欲與天子爭權是土崩之勢也故天
下之亂未有甚於今日者也夫天下之亂則由於政
令之紕繆政令之紕繆實由於君身之不修遡致亂
之由以尋已亂之術誠唯在 陛下之一身矣而
陛下輒復泄泄屢經人言不少警悟臣竊惑之夫
高皇帝櫛風沐雨之天下 列聖相承赫然全盛傳
及 陛下而 陛下視若敝屣何以慰 祖宗之靈

民家有老母且籍于爲安今 宮庭震驚而 陛下
若罔聞何以解兩宮之憂上帝好生故匹婦含冤天
變於上今 陛下淫刑未除何以回上天之怒深拱
禁中開黃綠之際邪孽侵權而 陛下未洞其奸何
以杜旁落之漸吳相東時行賈金賂遺家人宋九潛
住都城出入禁地希圖復召業掛彈章而 陛下寢
閣不行令姦諛皆坐覬覦何以清政本之地萬國欽
等未嘗忤主而終於斥遠邪臣旣去猶陰制其權而
陛下不悟何以勵骨鯁之臣上下隔越國議兵機無

由叅斷帷幄而陛下稱制下令終不出房闥之間
何以盡大臣之謀人臣致身事明主願忠者衆今忠
者無由自見佞者反恣奸欺甚乃擯罷忠良而負隅
之虎終不可以請上方之劔何以作勞臣之氣國家
須邊臣甚急然周咨廷斷猶懼失真今陛下無拊
髀之思乃委於瞋眊之君星而似才者亦舉摧輪敗
轅者亦舉何以盡將帥之用何世無奇才草澤之間
豈無乘風颺願效死命以立功名於不朽者然必側
席旁求斯聞風慕義而今君門九重何以致豪傑之

歸戰陣之士枵腹待哺枕戈待旦僵尸漬血殺人如
麻而陛下願在暖閣祗席之上何以致將士之命
遠近之民皆疑陛下自求般樂不顧百姓之塗炭
無若保赤子之義何以繫天下之心犬羊之性向背
無常聖王迭用威恩故蠻夷率服今惑於邪臣之計
而欲恃欬忘戰託以久安何以銷無窮之患陛下
誠度覆思之則禍之所胎亂之所召如日月行天江
河帶地較然可知必不能外陛下之身而別求救
亂之術今往事既不及悔來事又不復圖履艱難如

太平聽其自壞。臣不知其解矣。職嘗讀唐史。至於玄宗始而任用姚宋。力求太平。開元之治。遂幾貞觀。旣而惑溺妃子。入於淫荒。則羯胡之亂。遂發漁陽前事。不忘可爲炯戒。卽如陛下臨御以來。勤心庶政。憫念生民。昧爽臨朝。徒步郊禱。故四海亦以清寧。而天下翕然有聖明之頌。後乃陰中邪臣之謀。潛移聖志。以致紀綱法度。風俗人心。一旦蕩然。積朽生蠹。干戈遂動。勤怠之效。安危之機。此猶明徵。陛下一自反。而可瞭然者。伏願陛下深察愚臣之言。思開元

之治鑒天寶之亂終前日之令圖改今茲之逸轍損
椒房之寵斥邪諂之人捐除暴怒罷黜非刑憐憫物
命使皆樂生以大暢帝王好生之仁亟御大庭精勤
政事親近臣僚延採忠讜使精神志慮全注於天下
期於立見太平則聖德天威震動四海民心懽戴天
意感通奸克喪膽而社稷靈長在此一舉矣不然
則雖時會授首倭虜服命而禍亂之端方自此始也
臣世受國恩不忍坐視危亂冒死盡言誠冀陛下
萬一之悟則臣雖九死無恨臣又見近來羣臣封事

間涉乘輿及壺閣率多留中夫朝廷多故正宜恢張
聖聽表揭直言使天下血脉流通耳目明達豈得一
切沉閣以阻塞忠諫且一疏之入倘有關係業已流
傳不復可諱況此乃奸臣壅蔽遏佚之計尤當亟
以彰明明之德臣愚不任激切籲天之至

國事日非隱憂可懼乞圖更化以光中興疏

丁元薦

中書舍人
萬曆二十二年

臣讀漢臣賈誼云厝火積薪之下火未及燃因謂之
安方今天災人困綱頽紐解外多勍敵內乏重臣岌
岌乎燎原之勢也而舉朝寢處其中諭諭訛訛咎曲
突徙薪爲過激此尤臣所痛哭流涕者也臣竊妄計
今之事勢可寒心者三可浩歎者七坐視而不可藥
者二請爲臣陛下舉其狀治世之民安以樂亂世之
民愁以怨未有人心不安可共天下者至今日而民

愁苦極矣江南自十五年以來十室九空江北數千里一望俱壑樹皮草根不充枵腹賣男鬻女僵仆道路近聞河南人相食矣當此時而欲禁之不爲盜慈父不能行于其子去歲閏十一月十九日病痊刑部進士史弼行至徐州道遇兇徒四五百人白日操戈嘯聚黃山問之云饑民也而有司不爲處置撫按不爲上聞夫議蠲議賑臺省部院之條奏明旨所申飭恩與法幾兩窮而土崩之勢漸成救荒之効未睹此其故何也臣嘗反覆籌之以爲今之南北但得才識

兩合之士如古富弼張詠朱熹其人卽不能而如周
忱之於江南蔣瑤之於揚州徐九思之於句容假以
便宜令其因病立方隨時消息民困庶可少甦今不
聞用某人而但云設某法築舍未成而溝瘠不可復
起嘯聚之衆忽焉橫行試度傾厰發倉之費與軍興
調遣難易幾何臣所寒心者一向者東西告警朝野
失措募兵之議日四五上夫祖宗立法內自京師
外至衛所及沿海沿邊之額設軍不乏也竭四海膏
脂養之數百年一旦有事驅市人以充行伍當事者

按籍而患其寡一變於浙江再變于鄆陽三變于寧
夏四變于陳州驕惰之卒脫巾而呼當事者封壘而
畏其衆臣愚以爲兵之難用而易亂者威不足也威
之不足患在無食無食則無恩無恩是以威不可行
也食之不足起于兵冗而無節冗而無節患在無練
兵之人所謂練兵之人仁明武三者具備非空譚韜
畧如今所稱邊材得其人則濱海鹽徒中原巨寇皆
可收戎伍而坐銷其怏怏無忌憚之心况我有上將
誰不感奮願効天下未嘗乏正人不肖束隰文罔俛

首于腐儒債帥之門也。今內不擇本兵，外不擇大帥，而嗷嗷練兵，何濟于用？卽今京營疲卒，不滿十萬，天下衛所坐糜徒有空名。關陝重地，一遇胡騎，則弓矢器械亦且束手。遼左之師，饑寒疲困，急之直欲走虜。由今之道，計不終自幸，而艾吾終成首尾倒置之禍。何者？外重而內輕，枝冗而本枯，士氣靡亓，文法壯夫憤，滯肉食形見，勢極莫可誰何。詎所寒心者二邊事自互市以來，武備陵夷，人心玩愒，坊其初議，不過借此羈縻，修我內政。然虜飽我饑，每歲大入輒重賂而

去至鄭洛而邊境若掃矣不意宋應昌襲其故智于倭也彼其奉命提師止以救朝鮮爲名不聞封貢近據李如松叙功之疏卽言言皆核而斬獲首級與殺傷將士勝負亦僅相當金山之退因頭目相猜抑且哈我重賂非敗奔也狼子野心胡然而請封請貢若果稽顙闕下中國之禍方始何者封貢者和市之別名也割已脰之膏血陷無饜之餒虎中國益虛假納款之虛聲灰積衰之士氣沿海益無備彼日以通貢之使覘我虛實度我形勢卒旦聲東擊西分道而

寇俄而泊淮安俄而迫登萊俄而閩浙俄而蘇松東
西牽制首尾不支餉道絕而南北分中原之盜與西
北之虜相乘而起不三月而京師坐困豈必抄掠天
津方稱門庭之寇哉說者藉口世廟臣謂世廟東南
之患正釀于此臣胡宗憲殲其渠帥而三十年間民
有寧宇則用兵之效也嗟乎堂堂天朝赫赫明德
陛下擁全盛之輿圖席累世之洪業豈三大臣不能
延攬英賢訓兵講武若則自互市再則自和親太倉
歲入幾何堪此二醜消邊臣之志辱中國之體長奸

雄之心重蕭牆之禍豈舉朝皆婦人耶臣所寒心者
三高帝嘗曰治天下者不盡人財則有餘財治國之
道藏富于民勅戶部毋聚歛以傷國體夫哉王言萬
世永鑒當時征討不遑而蠲卹屢下司農未聞有告
乏者也臣陛下勅羣臣講求理財之說臣以爲國用
所由不充非取之尚有遺也內蓄而不散則上壅外
注而不已則下耗積之空虛無用汨沒于不經之費
暴殄于無賴少年直與瓦礫等凡百姓所謂稼穡拮
据與有司之敲朴筭歛其艱難情狀臣陛下無繇知

也近者戍墨吏禁餽遺明旨倦倦臣竊仰見聖

意然歲例銀兩之屢增金寶珠石之頻促雖以諸臣
哀懇曾不少貸則司農少府之持籌而歎閭閻瑣尾
之仰天而號其迫切情狀陛下且疑而不信夫使
民窮而陛下不知力詘而陛下不信當事諸臣
之罪也剗肉以充腹去皮以傳毛瓊林大盈殷鑒可
畏臣所浩歎者一賞罰者馭世之大權也有功不賞
有罪不誅唐虞無以化天下然賞罰不當始于功罪
不明功罪不明始于欺罔者衆今重失事之誅輕蒙

蔽之罪是以債帥乘機務爲與主近聞東師失律所
在抄掠朝鮮毒我滋甚碧蹄大敗川兵盡殲提督膽
落于王京經畧魂消于海上是以借沈惟敬之舌爲
竣事之圖此其狼狽道路知之所不知者 陛下與
二三大臣耳魏學會力排和議志在滅賊艱關血戰
垂成而緹綺下矣一則以功獲罪一則化罪爲功其
故不可知也蓋中原財賦輦而之九邊九邊之士曾
不得一飽復輦而之長安中貴人此李氏父子熟徑
也賜寵蔽日僥倖生心一旦債事誰執其咎 臣所浩

歎者三公議在天下如元氣在一身壅而不流則病
是以聖王導之使言非謂言之盡當要使元氣宣暢
耳建言諸臣如鄒元標趙南星王如堅薛敷教孟養
浩萬國欽李沂孫如法等前後六十餘人孤忠直節
良自表表間有隨聲附和者較之蠅營狗吠輩不徑
庭哉貶謫不已至于削籍削籍不已至于禁錮禁錮
不已至于廷杖而士氣索然矣公議痛惜以爲方隅
多故時歎乏才落洛晨星忍盡言網是以委曲推用
而陛下輒坐以黨夫人懷富貴之心上不逢迎天

子下不趨附宰相乃援竄逐孤臣自爲羽翼博虛名而賈實禍愚者不爲且黨之一言小人所借以空人國者也 陛下以之自空其國何歟今孫毓李世達趙用賢去矣李楨孫丕揚顧憲成許弘綱引疾矣吏部尚書陳有年 陛下召之留都必以其人可信也推一李懋檜不允推一湯顯祖不允正推曾軋亨至再不允豈 陛下以有年爲黨歟不知諸臣之得罪于 陛下抑有故歟臣竊有憂焉自古好察之主剛斷之君其於賢奸非不注意威權非不自持然而巧

者往往黃緣左右乘間抵隙以激上怒毛摘瑕舉以
疑上心令言者一觸而禍不可解竊太阿而奪之柄
目剗刃於正人而人主不知也甚者陽有所救陰有
所中過歸人主而權臣享其名天下不知也壬午以
前腹心肘腋之間有所肆而不復顧公爲之而公知
之陛下所痛恨耳該以後機局屢變術愈巧而愈
不測顛倒翻覆黑白淆亂陛下所不及知也不可
不察也臣所浩歎者三書稱和衷推賢讓能庶官乃
和今朝廷之止日聚訟而攻擊則是非淆而客氣勝
疏鈔

也。蓋公臧否于國人，權不必自我握；借水火以相濟，見不必自我同。古大臣立身，於是非毀譽外，故能虛而持衡。國家罷丞相府，設大學士，正虛而持衡之官也。元輔王錫爵，坐其身於是非毀譽中，一出而杖饒，再出而逐趙、南星等，其心已不白于天下。故有謂其不知人者，有謂其不能容物者，有謂其陰陽剛柔互用不測者，有謂其違母命而出爲有所迫者，有謂其心大無他爲子衡所悞者，有謂泰交一疏卒自矛盾者，有謂其吳、趙、楊、鄭之事快意于鷸、蛙之爭者，亦

不勝形影之疑士不勝睚眦之憤疑憤交積機械橫
生顧盼悉成吳越荃薈幾于易臭小人乘之而朝廷
多事矣夫平心定氣斷斷休休誠意久而自孚者本
臣之懿矩也勢成于騎虎事激於操戈恒物之極致
也二者輔臣何居焉出此人彼反覆手間不惟自悞
且以悞國臣所浩歎者四自古成功少起于議論多
文法煩而指視亂不能制小人適以撓君子今不務
實政而侈空譚不惜當局之人而恣傍觀之口屯田
馬政鹽法河漕事之孔棘者如蝟而人莫敢任卽任

者終鮮成功撓者衆也至用兵詭道古有專閫之寄
無中制之機今塘報五日一上矣章奏日數論劾矣
詰問月數下矣忽增一監軍忽設一提督調遣紛紜
雌黃交口韓白其何能施敗道也以倖勝之功爲必
然之畫日甚一日長此安窮天下事未可知也臣所
浩嘆者五青衿者朝廷儲爲異日之用者也士之自
愛與主之愛士若處子而今蕩然矣方其成羣而呼
有司畏之如虎一遇孤弱有司置之若棄方其譟張
爲幻則藩臬之長縣諸稱公稱況甚至柄文者與諸

生媾而和矣。一旦勢去則門隸得而爾汝家奴可以
僇辱夫使士而含垢忍耻等于凡庸于國家奚賴又
或覩顏市井攘臂脫巾衣冠之耻兩者責在乎師儒
也。三省三譚二郡兩起較兵民之變有加焉而當事
者玩不注意竊以爲天下之處子不必皆良婦未有
不處子而婦長者轉移顧化上關國脉下係士風涓
涓不塞江河誰障臣所浩歎者六書稱罪疑惟輕功
疑惟重賞延于世罰不及嗣厚之至也朝廷扼腕譚
疆場之務則曰任事者必然罰重賞輕任事之臣退

矣。擊節而思忠義，則曰：偷生者多，然厚誅不死，薄賞守節好名之夫去矣。英廟北狩，于謙挈社稷而遷之，功成身死，後嗣不得享茅土之封。胡宗憲保障江南，賞未酬勞，盆死廷尉。迄今易名之典缺如此，壯士負戟而歎者也。茲并魏學會三矣。革除死節諸臣，不吝九族以報故主。高帝忠臣哉，文帝亦云。練子寧在吾亦用之。夫人臣爲國受赤族之慘，不獲載之祀典，光之史冊，千古遺恨。二百年來，士氣日衰，邊功日少，機實由此。陛下不亟爲風勵，褒顯示以大信鼓以微

權卽日逮督臣日誅穆來輔等而觀望巽懦之徒方
軌而出誰與共天下臣所浩歎者七 祖宗陳紀立
綱指臂相使故精神流貫大小相維故法度嚴肅今
上有繭然不可行之法下有囂然不安其分之意
陛下飭守令吏弊如故清錢糧夙逋如故閱武備虛
伍如故禁盜賊失事如故興河工決裂如故嚴科貢
獎賈如故舉纖毫之事朝廷無以行之幾病鬻矣最
可恨者 陛下發帑金賑江南民銖兩未沾也給事
中楊文舉敢饕饕宴會司道守令各以其餽之厚薄

爲舉劾揚揚得志滿載而歸何異剽餓殍而奪之食哉無何儼然首吏垣矣江南之人至今欲籍其家食其肉而止于免官則三尺爲虛具戍卒可以戕主帥士子可以辱有司部民可以訐父母奴隸可以凌主人舉市井小兒皆傲然思有所逞猶可諉曰無知最可笑者鄭材以純袴子挾仇忿爭意在李世達耳無故辱其堂官楊應宿攘臂和之君父之前恣睢嫚罵若不知有朝廷法所謂無禮于其君高帝所必誅者也罰未盡辜先以高攀龍謝之則萬世無清議孟軻

氏憂人心陷溺等之患狄洪水今之人心茅靡極矣
轉盼嘉隆頓成升降之會蓋昔之人心厚而直今之
人心刻而巧昔之人心敢于爲善今之人心敢于爲
不善昔之人心瑰意琦行惟恐人知今之人心小廉
曲謹惟恐人不知昔之人心亢顏譏刺常有含覆不
忍盡之意今之人心偶爲揚善常寓不滿之詞昔之
人心常自見所短今之人心常自見所長昔之人心
浮薄傾險在唇吻今之人心謹愿老成時多變態乍
陰乍陽如鬼如蜮管子謂禮義庶耻爲四維即使人

人知耻猶可少維其三而亦漸漸滅此世道愈趨而愈下也之二者其漸也不知所以積其流也不知所以止始于微眇卒至濫觴庸愚以爲固然而有識者所深憂而却顧臣故曰坐視而不可藥者三紀綱人心是也昔高帝櫛風沐雨百戰有天下及其既定抑且宵衣旰食問民疾苦親賢納諫訪求治理執法者貴近必誅盡職者縣佐小吏特遣行人慰勞內無寵倖外無鬻權凜凜者三十餘年列聖相承以貽陛下下艱難勤苦之業良非快心適意之資萬曆十年間

陛下庶政躬裁權奸竄伏徒步郊禱加意黎元天下
喁喁相望謂太平可待邇來稍稍廢懈朝講之典久
缺郊廟之祀不親時勢艱危堂陛懸隔陛下豈謂
萬幾可以中決一人不妨臥理獨不思九閭遼絕百
務陵夷大臣之忠邪何由而知庶僚之是非何由而
定啓左右壅蔽之奸失朝野仰望之心平時且不可
而況今日蓋今之人心不大有所轉移則耳目不易
耳目不易則百年相沿之習必不可以一朝而變今
之紀綱不大有所振刷則神氣不奮神氣不奮則旦

夕待舉之政必不可以空文而行精神眷顧全在

陛下諒非深居高拱所能坐理者也伏乞 陛下念

祖業艱難思時事孔亟夙興夜寐法祖敬天郊祭必

躬朝講時御需然發明詔與天下更始以親賢人爲

首圖固邦本爲長策重守令之選緩征求之令絕封

貢之議核功罪之實舉忠讜之士重樞筦之託謹持

三尺以肅紀綱而陰以鼓舞數十年靡靡之人心神

流氣鬯合天下改觀易慮以衆上指而又時勅輔臣

以開誠布公責內外諸臣以各修職業要之于持大

體尊朝廷修實政省煩詞則精誠流貫上下泰交何
災不弭何亂不戢何政不行何弊不止是在陛下
反掌間何憚而不爲耶詔通籍九年拜官一月非不
知蹇蹇爲患出位于誅顧天下治亂社稷安危其機
間不容髮君相能奮然改圖則轉危爲安消沴爲福
因循故轍則重不可返窮而必變及今改圖其難十
九失今不圖其難百倍及今改圖則補漏救偏尚可
支目前之患失今不圖則事變橫生必有不及爲之
悔此其故一庸人能辨區而在事者乃且泄泄苟安

間抱杞憂亦未睹天下之全局使臣逡巡畏縮曰姑
且有待卷舌取容曰徒激無益國家之事將聽其自
壞而巳矣仰負世恩下玷青史臣竊耻之是以不避
斧鉞上塵睿覽伏乞陛下稍加裁察儻以臣言爲
謬乞下臣疏于閣部十年之間有一語不効願懸首
國門以謝當事諸臣臣九死不悔謹具本實封親賁
以聞臣不任隕越待命之至

披陳時政之要乞採納以光治理疏

陳于陛

禮部尚書兼東閣大學士
萬曆二十三年二月

臣一介謏陋誤蒙殊眷拔之稠衆之中寘諸輔弼之列仰惟聖明在上耆碩在前日兢兢焉祇承休德勉奉規隨自可因事納忠豈必露章言事但伏念我

皇上躬親政務總攬乾綱一時衆正登庸天工無曠斯亦千載盛際已而中外人心猶未翕然稱愜以爲至尊深拱晉晝有日隔之疎忠直沉淹泰茅無彙拔之望頃雖冬春之內兩遇臨朝銓曹之講已荷批答

而海寓之拭目延首方甚切也又近年來吏治墮窳國用匱乏邊陲多警武備未修揆之政事之體以尙有一二當亟爲釐飭者臣誠黔劣不敢自謂識達時宜可以救弊補化而叨備腹心荷恩深重一念耿耿樸忠懷之頗久輒敢不自揣量條爲六事進獻儻蒙留神聽納仍勅所司斟酌議行卽萬分有一足以增光日月之明裨益太平之治亦臣所以報國恩而酬主知之職分也臣無任惓懇悚惕之至爲此開坐具本親齎謹具奏聞伏候勅旨計開一接見大臣竊惟

我皇上以神明斷臨照臣工世務洞知主威獨運而年來疑議橫生綱紀未振者祇緣九重之靜攝既久大延警蹕稀傳是以宮府內外意氣阻於泰交百司庶寮玩愒戒於積習耳臣自蒙恩擢在秘閣每聞穆清之上章奏不輟覽宴誓不恒御時需諭旨諮問政機藻翰之批決如神情隱之照燭如火仰見震慮憂勞未嘗頃刻暫弛昨冬恭遇臨朝受賀召見臣等俯垂清問廷臣莫不相顧色喜日者四方計吏雲集闕下復俞臣等之請御門引見親渙玉音交戟之內

歡聲雷動以聖心之兢業臣等既得於親承聖躬之疆固廷臣又得於快覩則朝講秩節似宜次第修舉矣乃皇上猶若未肯致行之者意者加意願神以深居簡出爲攝衛之常乎臣覽書無逸篇首述殷三宗周文王之壽考皆以憂勤惕厲得之蓋人久靜而時動則血脉流鬯暫逸而常勞則肌膚堅實語云戶樞不蠹流水不腐斯葆生之善喻也假令久習安處始雖暫適而更致血氣結滯喜怒失平迂續休和之道似不在是儻謂國家法嚴令具失既或治之

不妨垂拱責成者此又不然天下雖大譬則一身君
者中心臣者四體人必心之精神融貫於肢體百骸
間而後身乃無患若精神有一處之不到則手足雖
特行不能矯健耳目雖視聽不能聰明今時之勢雖
文貌備存而實多頽靡不振之處其病正類於此非
明主厲精率先於上曷以興明作之治哉又或謂本
朝履祚享年之永無若肅皇帝自十七年後齋
居決事稀御大廷此無爲政理之明徵可仰法也此
亦不然皇祖雖久處邃嚴而宵旰靡暇太阿獨操

每有大政令必密劄輔臣商確再或遇虜警軍機中
夜傳奏立賜批答用是人心悚警莫敢玩視然至未
年尙未免柄臣用事貪黷成風夷虜深侵邊務壞弛
則亦以倦勤之故美業稍遜耳況今事勢勦勦物力
凋耗十倍當時而又可以宴然自逸耶夫主上深拱
不出則人臣雖抱忠猷石畫不獲伸造膝之談政事
雖奉獨斷親裁莫能杜盈庭之口欲以集衆思而釋
羣疑其道無繇今亦未敢過煩聖體如昔年臨御之
頻數但乞每月一再臨朝堂及今春和開講之期間

一御講讀四時大祭躬一舉行其有軍國大政特召
臣等及部院大臣於便殿從容訪接商決行止裨得
時奉天顏躬稟震斷此不過分宮庭之片晷移鑿輅
之須臾於事非有過勞而足以振權綱決壅蔽譬之
大明一出陰暄潛消天下事指撝則定矣臣猶憶我
皇上初年勵精之治視朝則戴星而出庭燎煌煌
旣畢事乃稍辨色而不爲早文華聽講則每月六七
御雖祁寒暑雨未嘗傳輟而不以爲苦困旱而親叩
南郊則布袍徒步往返二三十里爲萬姓請命於天

而不以爲倦吏兵銓選則御門臨決賢能獎賞則延
見面諭此皆典制所曠見 祖宗所罕舉而 皇上
猶且毅然力行之今又何難於暫出也昔敬皇帝嘗
問先臣劉大夏曰天下何時當太平大夏對曰幾用
人行政有疑者卽召內閣并執政大臣面議停當行
之自然順理便是太平 臣以爲今日挽回世道興建
太平其機括無大於此惟在上心一奮勵間耳伏乞
聖裁一錄用人材 臣聞天之生材良亦不易其有以
生之必有以用之連抱之木委於滄瀆則匠石望而

垂涕駢驥之足伏於皁櫪則良樂願而嗟咨今世稱
止人君子沉抑下僚擢處巖壑者無慮數十人矣此
皆祖宗所培植皇上所拔舉業已服在周行登
擅民譽祇因言事過激任事過銳其詞氣戇拙識慮
迂疎自干威怒誠亦不能無罪願譴罰既久困衡口
深報效徒殷拂拭無自天道霜雪之後必繼以陽春
未有聖仁在上容覆萬彙乃重錮一二無知之小臣
不垂曲貸者且今方隅多故任使乏人秉銓之臣慘
羅采掇日恐不給而此諸臣中多抱幹時之具負骨

體之節藉今蚤蒙甄叙必有建樹足觀乃以有用之木寘閒佚之地徒使昂者壯壯者老而緩急曾不得其一臂之力在諸臣自爲名則得矣如國家坐失善人之利何臣居恒思之曰者科道奏錄謫廢諸臣及吏部疏擬擢用每蒙旨詰責不以爲沽名植黨則以爲市恩鬻權夫霜露風霆皆大造之恩進退予奪皆至尊之權況容賢舉直顯名必歸之上而黨之一字尤非盛世所宜言者臣等固深諒廷臣之必無是心也乃聖心固已疑之誠使繼今言之詎必效或更

重言者之罪舉之不必用或更絕其嚮用之塗去者
卽未能卽收在者復輕令其去或一事而波及於衆
或微罪而錮之終身此豈治朝之景象又使廷臣各
懷畏避日繫善類凋落終老牖下一切循默自容而
不爲我 皇上力言伸雪之亦豈國家之福故今日
言之則懼觸宸嚴而不言則下拂衆望用之則不能
取必於 皇上而不用則無以自解於士大夫之口
無一可者 臣竊有說而處此查得嘉靖年間言事之
臣偶被嚴譴多蒙賜環其已斥謫者或一歲再歲銓

曹必將屢經薦舉人數開列上聞 皇祖隨意批用
或召自田間往往游登無仕故當其時恩威互用舉
措稱平下有拔擢自效之期上無進遠終棄之意官
使不匱幹濟得人其在於今固不敢令當事者濫舉
泛用以取朋獲之疑亦不敢望 皇上一槩收召以
徇羣下之願但乞勅下該部備查先後擯落諸臣屢
經科道舉薦聲實相副者每歲分爲數次別白才品
開具上請 臣等亦不敢纖毫干預但恭聽 聖明親
裁察其懲創久及事關職掌情非飾託者欽此數人

下部銓擬職任亦不必拘定原銜凡內外相應員缺
皆可隨材器使若試用有效酌量年資績課隨衆陞
遷卽有虛名鮮實者不妨與衆共斥佯賢者得以表
見其長不賢者不得覆匿其短如此則在科道徒具
薦揚之責而用舍非其所關何名之可沾何黨之可
植銓曹雖司舉用之柄而裁斷一稟於上何恩之可
市何權之可鬻將見諸臣幸蒙叙錄者莫不欣戴鴻
恩爭樹尺寸以圖報稱卽林樾旁搜偶未盡及亦知
登攬有日砥濯有待數年之間可使正直氣伸賢能

布列當此多事需才之秋得一人之用卽有一事之
益而_臣等叨備政府爲國家護惜人才收拾士心亦
獲藉手塞責關議者之口榮幸大矣不然諸臣沉淪
既久而日月之光未回摧折太多而弓旌之招不及
羣心鬱塞士氣銷輒無論臺省銓曹共以失職爲憂
卽_臣等亦安所容其不肖之身爲聖朝勉攄忠藎於
萬一哉_臣愚不勝惓惓伏乞 聖裁一勸獎外吏_臣
竊觀我 皇上御極以來憂勞宸寓德意甚盛然而
薄海窮簷未盡樂業天室萬里帝居九重安能一

照燭之所賴以拊綏元元者惟是諸郡縣收民之官而海內千五百吏安能一一任職所爲察郡吏使毋虐民者又監司與撫按之責也故當今要務非重外吏則治平之象不覩而非專責撫按則廉循之效不興外吏終爲未重也考之漢世良吏有治理效輒以璽書褒勵增秩賜金或爵至關內侯公卿缺則選諸所表以次用之唐制不歷刺史不得任侍郎列卿不歷縣令不得任臺郎給舍又詔選京官有才望者除刺史刺史有政迹者除京官使出入常均永爲恒式

宋宰相罷政猶領方州其寵重外吏如此當時尚有
鄱州郡爲徒勞美內召如登仙者蓋人情於利之中
爭取大焉於害之中爭取小焉計遷擢則內捷而外
多滯算憂責則外劇而內常寬故慕此厭彼亦勢所
必至耳我聖祖開基所爲大破攀拘獎進下者未
易殫述其後尙多超格之舉以防內重之弊如陸瑜
蕭暄以布政徑陞尙書何文淵以知府徑陞侍郎王
恕彭誼以知府徑陞布政至嘉靖間王德明以懷慶
知府陞太常少卿猶足風示激勸乃今則稍稍異矣

國初進士授官俸二今甫釋韋褐卽儼然州縣之長
且趑趄不樂就此或以不習爲吏猶有說也知府荷
千里專城之責體貌優崇今臺省以爲劣轉而科且
不陞矣至各部郎雍容積資亦或越知府而徑陞藩
臬何也叅政三品鉅僚封章及於再四都諫以七品
官驟得之而不悅甚或有所避就其間又何也布政
爲一方師帥軍民安危所係今或淹久不調問之則
曰此不堪節鉞者寧有不堪節鉞而又可堪方岳者
耶此等積習相沿頗久欲振起其弊須加意於內外

陞轉間然亦不必大事更張其就今所見行者調停
適中以求無失 祖宗初意而已蓋用人無畫一之
法則趨嚮不定無超異之舉則勸勵不昭今臺省華
要之秩僅以待郡理縣令之異能者知州等爲牧民
之官而徵取不與焉非所以爲平也藩臬自僉事而
上常游擢卿寺開府知府二千石同稱方面而絕跡
卿棘之轉是古之人補公卿者而今爲循資恒調之
官矣非所以爲稱也隆中部覆科臣議謂撫臣宜擇
京三品正卿及各省按察使以上資望深重者

餘年淺卿寺副使等官不宜輕授而今或不盡然非所以爲慎也誠爲之令曰凡行取選授科道官推官知縣者十居六七而知州必預焉爲進士者十居六七而舉貢必預焉卽以知州品級非宜亦可行取而考其優異者特授吏兵等部清要之秩以寵之則州縣之職重矣又爲之令曰凡知府聲績卓異者六年以上得徑陞京堂才地相宜者四年以上得加銜久任部屬不得越此而陞兩司臺省不妨間出以補大都則太守之職重矣又爲之令曰凡推用巡撫必內

外間陞聲實兼論使練閱深者得以展布其能名位
淺者得以蓄養其望則藩臬之職亦與京堂竝重矣
此皆於見行事例無大窒礙而一調劑轉移間自可
使耳目更新風采振迅宋蘓軾云王者用人有如江
河江河所趨百川赴焉人情旣不輕外吏而外吏有
不矜奮自重者臣弗信也至於撫按二官關係尤重
又必久巡撫之任重巡按之權而後可責其盡職蓋
撫按職事不同按臣如飛霜迅霆震肅一時可暫而
不可恒故巡歷周歲便須與代撫臣如和風膏雨被

拂浸漑必久而後入在昔如周忱撫蘓松二十二年
王翱撫遼東十一年于謙撫河南山西十八年今卽
未能如此之久亦必待三年以上使周知一方利弊
乃可望其成效其功績卓著者又當特爲留任六年
九年漸次加以侍郎右都尙書宮保等銜勿令輕代
使官知所居長久其計慮必遠不苟圖一朝之便而
人知官不輒徙其奉行必謹不敢萌狎玩之心較之
屢遷數易者功效不同年而語矣巡按御史職司一
方風紀稱爲代天子巡察每差用時必於大廷奏遣

誠慎重之近或但知抗示威稜爭競禮節以爲得體
渾厚者矯之則又徒事安靜媿媿翫法六條之察溺
其職矣請自今題差巡按必精簡御史中年深望重
者若能爲地方任怨釐蠹仍須加意養其風采卽有
舉動不宜者俟回道議處其職事修舉者照屠瀟王
忬胡宗憲例間陞一二以示獎勵誠得此兩臣者左
提右挈視國如家綜察必嚴舉刺必當若是而外吏
有不競舉其職者臣又弗信也請特勅部院臣承臣愚
議更加審酌力行大要使外吏勸勉則民蒙福而使

撫按稱任則吏奉法當今礪世摩鈍保國邦本之道
似無亟於此伏乞上聖裁一清查邊餉今之譚財計
者至析秋毫矣而軍國之費浩穰浮溢無若邊餉者
四方財賦歲入太倉銀庫不過二百五十餘萬而各
邊客年例兵餉乃至三百餘萬眞天下第一漏卮也
夫以神京肩臂逼近旃裘控帶三方總屬要害一議
節縮類云齟齬難行但事起近歲原不盡爲經制之
舊而費出無藝亦不盡充士馬之需乃人情狎翫習
實成常以請討爲長算視內帑如索寄年復一年有

增無減若不長慮顧後大爲樽節其將何所底止乎
考之國初各邊軍糧但取諸撥屯自贍聖祖所云
養兵百萬不費百姓粒米者是也其後邊屯漸荒屯
軍掣回城守而後給於民運借資於權塩初未有請
討內帑名色自正統己巳後邊庭多事召軍買馬警
備日亟遂止以民運給主兵而客兵饋餉暫請帑銀
以爲權宜接濟之計亦未有戶部每年解送邊銀例
也有之自成化三年始然在弘正間各邊餉銀通共
止四十餘萬至嘉靖初猶止五十九萬廿八年後奏

計加添亦尚不滿百萬至三十八年忽加至二百二十萬三十八年加至二百四十餘萬四十二年加至二百五十萬隆慶初年加至二百八十餘萬極矣計嘉靖中葉距隆慶初不過三十年間乃餉銀之數自五十九萬驟增而爲二百八十餘萬相去懸絕數倍臣嘗深究其故有曰焉蓋嘉靖庚戌前後吉囊俺荅勢甚驕獷而邊臣亦控馭失宜釁隙屢開虜馬蹂於內地烽火達於都城肅皇帝督責將吏嚴於束濕今日逮三鎮臣明日逮一督臣而筦兵司計者悉無

所逃其誅譴於是邊帥本兵計無復之但張皇虜勢苟且爲增兵召募調發各鎮之策以炫耳目避重誅支費驟增不得不取盈於司計者計臣亦畏罪株及不敢議減依違曲徇以至於此此其故一也又當是時柄臣貪墨僨師交關表裏爲奸氣焰熏灼故帑藏解發或未出都而瓜分或已抵境而輦還與前史所云旋車完封寫之權閥者如出一轍至於各邊倣倣饕竊成風私囊侵給數又不貲是年例之額數多而實用於邊塞者尙未及半此其故二也自嘉靖來墨

風稍戢朝政漸清內外有事諸臣多能深雪自愛非
往時關通之舊矣至隆慶五年北虜款附各邊雖警
備未撤而凡征調行糧擺邊按伏之類已爲漸減比
之往時羽檄紛午饋運趣迫則又大有間矣餉銀浮
額屢經廷臣建議清查詔旨申飭不啻三五然今之
年例尙多至三百三四十萬比隆慶間反增數十萬
此其故良有不可究詰者說者謂承平歲久虜幕日
逼邊兵則從事鋒鏑而膏腴莫耕民運則借口災傷
而逋負愈積又初止宣大遼延甘寧六鎮後增薊固

山西爲九今則密昌永易洮河闌戍森羅稱十四鎮
矣初止各鎮主客兵今則增河班軍添募標兵家丁
之類名色紛沓矣初止防秋戍守今則當春盛夏虜
騎充斥矣又歲歲有撫賞之用年年有修築之工其
供饋浮濫勢不得不然碩誠使都內所輸金錢銖兩
必爲近用糧芻粒束盡充軍實則縣官亦何恡於此
然聞之所司或扣減而他用或掊剋以自封疆場之
吏垂橐而往攜載而歸者比比有之甚乃賓僚遊士
出一言而曳綺履珠星醫卜技挾一刺而贏金得食

此等濫費非從天降非自神輸不過脫之公物糜之私竇而行伍則日銷弱矣馬匹則日倒死矣城堡則日頽塌矣軍容士氣之盛曾不及祖宗時萬一供輸則不啻十數倍焉且以國家經費無窮百姓膏血日竭大司農蚤夜蒿目鉢心爲一切權宜以佐國取之盡涓滴而洩之若尾閭天幸黠虜欵塞華夷安堵尚且捉衿露肘枝梧不給有如一白淪盟潰防懲調繹騷又將何以加之此安可恬然坐視而不爲之計畫也

臣

考

皇祖嘗諭戶部曰諸邊疏請內帑想初

因急需後遂援爲口實豈無侵冒自私之弊今後必
慎以給又諭曰邊事料理糧草第一管郎當嚴稽巡
按官亦須驗勘之遂詔自今邊餉行巡按御史每歲
會同管糧郎中互相稽查著爲令欽此昨歲 皇上
采總儲大臣之議行九邊清查餉銀原額新增之數
又嘉督臣節縮軍餉數多特賜寵賚以風示諸鎮其
軫念邊費加意撙剔弊源真足以同符祖烈矣 臣愚
竊思邊方督餉部臣權任未重振刷爲難卽有砥名
自好者不過委事府倅等官表其出納之無染指而

已欲望究心節縮以裕國計恐未能辦其在各邊憲臣雖有京盤歲盤關盤等項名色又以事非專責未必周知臣居嘗熟籌之竊謂差用餉臣宜於諸司中博簡才望量兼憲秩以往或卽於本部中精擇廉潔著聞實心任事者勅書內添載清理軍馬數稽覈糧料虛冒務求漸次減省浮額一節仍令會同巡按御史勘驗出納其諸屯地拋占作何稽墾民運逋負作何查催鹽糧報納作何疏通以至赴時糴買本色按月支放官軍毋縱奸商營求截攬毋容將領侵欺減

扣各項事務聽其悉心經理從實奏報事竣之日吏
戶二部公同考察有能殫力籌邊儲侍有餘者卽超
擢卿寺職銜以示酬獎如或物議彰聞照嘉靖三十
八年例降斥不宥其各督撫巡按宜同心講究併將
總儲大臣近題亟議區處固不可驟爲挹損以銷軍
實亦不得仍襲虛糜以耗國用大都各邊餉銀惟薊
畫地方區增兵添調所費居他鎮之十七次則宜大
最鉅又次則遼左山西而陝西四鎮浮額尙不多該
部又當斟酌緩急次第節省期以每歲逐漸減去年

例請討之數卽不敢望如先朝舊額亦當照嘉靖十八等年近規爲中制而不止永久遵守當今軍國支費無鉅於此者此事一清數而後司計諸臣得以緩帶握算徐效其籌畫矣伏乞 聖裁一儲養將材

臣

惟國家用人文武並重然文銓之法夙稱詳密居官有考課鄉里有題品在廷諸臣卽不盡接見其人亦或耳其行事稍加詢訪賢不肖尚可什得六七惟是武弁之流法制闊踈踪跡汗漫五等世爵旣以統裒而見輕六年軍政亦復殺雜而無紀歲糜餼祿坐享

臆屯平居按籍則積黃充棟而莫稽有事推鋒若披沙揀金之難得每遇將領員缺率取諸邊腹奏薦以充乃其才勇卓邁者或恥自衒鬻而上官所舉多係委用親信輒熟巧利之徒以此濫昇符組往往債事不少且此輩散在邊陲省直本兵推用不過據紙上稱揚目前諮訪安能一一親見而試其短長又所云將材簿武職揭帖之數惟該部科有之各部大臣科道官於其履歷姓名多未入目經心每見部推茫然不識爲誰何求如文臣舉用一不當尚能約畧知其

梗槩得以指議而糾擿之固已難矣至武科一塗屢
朝舉行旣得登進者率多棄擲不叙能以功名表見
什無二三蓋歟張控縱猶是武夫本技若乃三場論
策多出帖括記誦我朝用經術文辭舉黌校之士人
尚以爲虛華無實焉有材官武騎將用執殳荷戈效
死疆場者亦藉區區章句爲之羔鴈猶之鸞刀解牛
非適用矣昔人歎武舉制度齟齬不能致特起之士
以人之有智備者或不閑弓馬有幹局者或心解而
口不能言口言而手不能書非科試之法所能收拾

也臣愚以爲一時勲爵珥貂錫券誓重山河及內外
衛所官丁世纂弓裘登載尺籍者武職以十萬計旗
軍以百萬計豈其無鷹揚虎視足任干城者又四方
拳力偉幹智畧之士在在而有祇緣薪樵未弘網羅
尚闊以致倉猝求材每苦匱乏嘗試漫用幾幸一中
甚有夕望吏議朝登壇玷自比於金錫壘瓶跌撲不
損雖使過之仁從古不廢然而賞罰習亂用舍太輕
殆非以明朝廷也夫將者三軍司命關國安危卽
在平居無事尚當加意簡求以壯虎豹在山之勢矧

今方故羽檄交馳所需將材有如中流之楫安可不
隅多儲養而慎用之謂宜勅下兵部詳議選將畫一
設法除兩京勲胄子弟照舊隨營教練量材叙用及
條法襲替比試悉遵成規舉行外仍行各邊腹總督
軍職論薦將材務要博訪精覈非有敢戰知兵實績
撫按劾奏無徇私市恩但舉中軍標下委用人數亦
不列衛所官丁衍伍草澤止憑技藝勇畧爲殿最疏
無拘卽將所薦諸人履歷考語備細開送九卿科道
下兵便於平時稽訪遇有推用各舉所知以備本兵

衙門采擇其有異能奇畧卓出流輩者許各邊鎮特
舉三四人腹裏省分一二入給與行資文劄俱送京
營習練管事本兵總協巡視諸臣常時面加試閱核
舉其尤以備邊關叅副大將之選旣錄用後果能在
處建功本部仍查先曾推薦之人請旨優叙將見四
方材武莫不有階梯以自達挾技能以自見在樞府
大臣旣得提衡鑒以坐照之而廷臣咸得講求習熟
其流品庶幾將材易得卽有名實不相應者亦易知
也其舉科試以當別立爲法先儘九邊以山西宣大

陝西遼左爲首北直山東河南次之以及各省照今
四鎮邊腹南方事例酌定人數多寡於鄉試年分以
分取論策取中者姑足往年半餉此外有能舉旗扛
步騎力絕人者有體貌威雄膽畧出衆者有熟知虜
鼎簪任間諜者有諳曉天文風角善製火器軍械及
情可師習海道者卽弓馬非有所長書史或有不解
慣舟一項與同武舉一體齎赴部會部之前兵部倣
另列例會同五府科道將前項人員面爲較閱此等
會舉伎倆皆可對衆呈試不容假飾者旣取定名數

材器具疏題知不願會試者聽有願試者仍令入三
場箭不合式不必揀退終場之日考試官將取中弓
馬文字之人亦比舊額酌減其半遇有前項人員列
名在內卽係全材可當重用如不在所取數內仍將
姓名列於中式人後其在外取定不入試亦一併錄
名進呈相兼叙用或令效力邊陲或令教藝戎伍以
待有功陞擢如此則武科之設不徒以片長一技限
人將來必有熊罷不二之士雄畧千人之敵出於此
塗與文科並盛而國家授鉞登壇隨地取足雖以折

衝萬里鞭笞四夷可也伏乞 聖裁一擇用邊吏
住九邊東起遼海西盡甘涼綿亘萬里皆與虜鄰頃
有遼左則外罌島夷內苦虜患而疲鎮之傷痍已極
在關陝則套虜逞忿火酋肆獐而事勢之潰裂難支
在薊鎮則供饋百萬坐食十萬而不能制一昂酋之
要領此猶顯然易見者若宣大雖款虜馴服稍得息
肩頗聞旃幕逼近虜人出入內地貨利交通畧無禁
限邊將苟幸旦夕悉置不問猶之抱虎熟寢爲憂方
大目前諸邊豈敢謂宴然無事然自古邊陲無無事

之日而要在得任事之人今鎮戍環列烽火相望材
官猛士基布雲屯而調度以司道節制以巡撫總統
以督臣駕馭之術周指臂之勢甚便不可謂無其人
矣獨邊方郡縣之吏尚有當亟者聞之游歷塞垣者
多示各邊將領有司戰守功罪分數不明往往致悞
邊事蓋將領職在戰鬪或奉調遣而應接或分兵衆
而堵截此文吏之力所不能強者也有司職在封守
虜未至而城堡之善治虜既至而人民之收保此又
武將之令所不能行者也年來將領狡猾沿襲敝套

操守守備有城堡之責既稱統兵不多推奸誘罪其
總副參遊擁有重兵又皆徊翔觀望每虜來東西閃
避以求免損軍之罰至於內地殘掠曰此有司責
也而有司復袖手旁觀曰吾職在牧民不任兵事彼
此支調竟使虜得飽欲肆志而去邊事日壞率繇於
此臣觀前史李廣之止谷郅都之鴈門祭彤廉范之
破烏桓禦匈奴李勣董遵誨之治并州領環慶不過
一邊方守之職乃能力抗驕虜比重長城雖委任權
力今昔不同而邊吏得人之明效亦自可見臣固以

欲求安邊之策必當時重邊吏之選然吏事本難而邊吏則尤難吏材不易而邊才尤不易自非廣爲招延及意諮訪莫能得其人又非破格鼓舞久任練習莫能得其力宋嘗建議欲慎選仁勇之士世守邊郡兵民措置悉以委之不使輕去其郡安危利害不離其身勢不得不盡心力以防患雖世官之制未易舉於今而師以意以久任邊吏則尚可也今令甲念邊臣之勞苦督撫河道廕叙陞遷皆必優於內地法意甚善而守令則未之及嘉靖三十一年令邊方知

府比腹裏減年陞級不易其地其餘有司於北方舉貢監生內減年超選隆慶元年大學士徐階等將請沿邊府州縣掌印官悉擇才勝邊任 廂之責以繕治城堡團練民兵有勞績者行取陞遷特加優異三年吏部又議將薊遼山陝沿邊州縣共六十一處有司官開列地方特請擇才使而選用優擢之法至今尚未見備飭今之爲邊吏者銓授旣多猥冗人情亦不樂赴蓋非生長邊方之人柔脆文弱不能耐受苦寒曉望兵事彼且瞰舉烽而股慄聞鳴鏑而心驚又

安望其鼓銳撓鋒爲國扞圉哉昔人謂以戎馬之任同諸俗吏之選欲求濟於事誠難矣臣以爲凡此邊地府州縣正官及監收府倖官該部於銓選時宜另作一法訪羅補授無論進士舉貢流品亦無拘文藝年資但取精力強幹膽畧出羣者即可破格授任仍須體恤其勞勩寬假其文法如能所衝保障功績茂著者增秩久任一再考之後府倖州縣官即可遞陞邊方司道以至開府總鉞俱不爲限制若此則人知功名可以自見將競效其奇又知利害切於一身不

敢不殫竭其力且久歷行間熟知虜事百凡措置必
中機且可以斥遠烽候亦可以保境安民可以永障
自守亦可與將師互爲犄角使虜望 內地如鳥之
窺淵獸之窺磼雖有攫拏之心不敢任驍庶幾邊民
獲登於衽席矣然恐計時待次銓曹者未必遽堪是
任又須預行各省直撫按於所屬有司察其才器堪
充邊任者另疏舉薦以備疏改至於北方省直督學
官仍將每年應貢諸生中遴選練熟弓馬勇畧多人
起者另文送每處限以五六十到京之日禮兵二部

查照先朝選取身材不限文字事例公同考驗移咨吏部量寬歷事揀選超授邊方郡縣查得嘉隆間如任環董邦政之起家科甲王邦真李春艷輩之奮跡諸生卽近日縉紳縫掖中以武事擅長者亦多有之特患朝廷揆羅尚隘推擇未當耳假令在事者肯爲國悉心簡求分布微塞使械樸之彥咸可以佐六師符竹之良皆可以當一面所裨益於務者豈淺鮮哉伏乞聖裁

直陳天下安危聖躬禍福以保萬年永祚疏

呂坤

刑部左侍郎

萬曆二十五年五月

奏

臣聞治亂之兆垂示在天治亂之機致在人切見

元盛以來天氣昏黃日光黯淡占者以為亂徵臣不

欲天意信觀人事當余天下之勢亂象已形而亂勢

未動天示之公龍心已辨而亂人未倡今日之政皆

撥亂機而使之動助亂惑而使之倡者也臣欲慟哭

嘔血於聖陛下之前盡吐腹心無由得見踟躕累月

欲直言極諫近畏越而極嫌欲保位全軀終悽切而

不忝反覆思維與其他日出無及之言貽 陛下以
無及之悔不若今日進未事之說勸 陛下爲先事
之圖惟望少寬雷擊之怒細垂膏燭之光三復臣言
萬補聖治之陛下知夫子之所以尊乎韓天下之億
兆生靈而處其上也又知億兆生靈之樂天子乎賴
其休養生息以保身家也譬之延津束千莖葦荻而
火焰燁煌葦荻散而火光無所附矣以葦荻而君火
尤也譬之禪塔聚百萬磚石而寶瓶高閣磚石折而
寶瓶無所着矣民磚石而君寶瓶也故曰君民一體

休戚相關欲使靈長國祚於萬年惟有固結人心之
四字昔者三帝三王之爲君豈不以崇高尊貴之可
恃乃曰四海困窮天祿永終者何知一身之安危社
稷之存亡百姓操其權故曰五帝三王愛民蓋
世之幸亂之民四焉皆取天下者之所資而棄天下
者之所懼也一曰無聊之民飽溫無由身家俱困安
貧守分未必能生世變兵興或能苟活因懷思亂之
心以緩須臾之死二曰無行之民氣高性悍玩法輕
生或結黨而占窩開場或呼羣而鬪雞走狗居常愛

王帛子女爲法所拘有變則劫掠奸淫惟欲是遂三
曰邪說之民白蓮結社黑夜相期教主傳頭名下成
千成萬越鄉隔省密中獨往獨來情若室家義同生
死倘有招呼之首此其歸附之人四曰不軌之民懷
圖帝圖王之心爲乘機啓釁之計或觀天變而煽惑
人心或因民心而收結衆志惟幸日前有變不樂天
下太平此四民者何代無之皇上心已愛人損上
益下則無聊者歸思無行者守法邪說者無所售其
奸不軌者不得行其智四民皆我赤子一失其心而

置其計四民皆我寇讎昔者胡元疆土大於我朝未
亂之先天丁全盛我太祖布衣單身提三尺劍墜
手而得之者何四民之心胡元失之太祖收之
也今天下蒼生貧富可知矣自臣親計以來何嘗無
凶歲未聞有連歲之凶何嘗無歉省未見有數省之
歉乃萬曆十年之後無歲不告災傷一災動連數省
近日撫按以賑濟不可屢求存留不可終免起運不
可缺乏軍國不可置訕故災荒之報稀催科之嚴如
故豈不哀民勢不可止也臣久爲外吏熟知民艱自

饑饉以來官倉空而庫藏竭民十室而九空 陛下
赤子凍骨冷肌冬無被絮者居其半饑腸餓腹日不
再食者居其半流民未復鄉井棄地尚多荒蕪存者
代去者賠糧生者爲死者頂役破屋頽牆風雨不蔽
單衣濕地苦藁不完男女啼饑號寒父母吞聲飲血
君門萬里誰復垂憐 陛下見此清當必潸然淚下
今國家之財用耗竭可知矣數年以不壽宮之費幾
百萬織造之費幾百萬寧夏之變幾百萬黃河之費
幾百萬今大工之費又幾百萬採木之費又幾百萬

人上錢糧半非歲額年年此土年年此民豈天雨菽
粟地湧金銀耶陛下豈不曰吾多取諸府庫未必
盡派閭閻夫甕內所汲皆井內之泉中所酌皆壺
中之酒上恐并竭則甕涸壺盡則亦空百姓不足君
孰與足今國家之防禦疎畧可知矣三大營之兵以
衛京師也朝朝砲震如雷乃馬半疋羸而人半老弱
九邊之兵以禦虜寇也處處甲光耀目皆勇於挾上
而怯於臨戎外衛之兵似備征調資守禦也操練虛
文騎射故事伍缺於役直家累於需求皮骨僅存折

衝矣賴總之士卒稱百萬無能攻能守之兵武弁豈止萬人無三戰三捷之將其餘郡邑之武備全疎庫無干戈門無矢石城多頽廢誰是修築之人鄉有村落殊無保障之法官不足糧草民不曉甲兵設有千騎橫行家家無活路萬人圍困處處無堅城臣所爲四等亂民一倡萬應當此之時邊軍固壘圍不敢動衛所守城池不敢動計無所出必選小丁以怨民鬪怨民誰與合戰以赤子政赤子誰肯效死 祖宗二百三十年百戰山河何忍坐視臣切爲陛下憂之

故曰人心者國家之命脉也不可失也今日之人心
臣何敢言惟望陛下擇其無損於國家有益於天
下者收之而已請言收人心之大者一事可乎洮蘭
之間氣寒土薄小民無計爲生則織造貨販以糊口
自傳造以來數百限邇官府散流聞急於星火百姓
苦於催逼遂棄農桑稔線者數十萬而產之作者聚
數百萬人提花染色日夜無休千手經年不成一疋
且是物也晒晾不旱則生蛙即生風且太頻則紅色
易落多積耽心久積無益於山西之紬繭松之紗羅

段絹歲額已自日盈加造豈因缺乏臣以爲一縷一絲皆出民力與其積於無用勞費財空孰若定以有常隨取隨足假如四季袍服歲用十疋則造一年預造一年是宮中省收藏之累歲歲見新天下無多取之憂人人樂辦且花樣欲新則隨時改造此處增數則彼處減總邪借工銀將餘補之以無損於陛下而有益於蒼生何憚而不爲至於鏡、磁器西域回青總是有餘不急之物徒累敲骨捶髓之民望陛下下一切停罷而江南陝西之人心收內府宮庭自須

六木而探水之苦。陛下聞之乎。自一木言之。丈
八之圍。非百年之物。或孤生。仞崖。或叢長。千里。蟠此
雜居之處。毒霧常濃。若谷寂寥之間。人烟絕少。寒暑
饑渴。瘟疫。瘡瘍。而死者。無論矣。乃一木初臥。千夫難
移。隔澗作橋。越山引輦。每日一祭。神明。每行。不過數
步。倘遭艱難之處。跌傷。壓死。常至百人。蜀民語曰。入
山。千出。山。五百。苦。可知也。至於磕撞之處。豈有傷
痕。而官責民償。謂不合式。經年累月。找到河邊。待秋
水。以湔沖。多轉折。而底滯。依然無用。重去伐山。海木

一根官價雖去千兩比來都下爲費不止萬金。見
川貴湖廣之民談及採木莫不哽咽所願寒居安若
太山邦本固如盤石卽茅茨若神堯卑宮如大禹何
損九重五位之尊益昭二帝三王之治且木能生火
積久易焚前年山西厥之災是也見今大工木料業
已報完採辦新枋止需後用倘少其數日多其歲月
減其尺寸增其價值而川貴湖廣之心收山澤之
藏本非山澤棄物但天下大害伏於大利之中也故
軍國告匱則一開而饑饉告急則一開如嘉靖年間

開河南礦洞勅該省撫按誰敢侵剝殃民南陽等府
數歲饑荒今日之民卽前歲子食父肉人食鷹糞
陛下發銀賑濟之民也菜色未變生不稍回自報殷
實戶而民半驚逃自一切在官供廵礦夫工食官兵
口糧皆倚辦於殷實戶而民多累死自都御史李盛
春嚴旨切責而撫按避嫌鄖陽巡撫馬鳴鑾前與
書謂六十餘額之地常聚十萬之衆文家洞近二千
人開之三月止見砂十六眼銀之有無費之多寡可
槩知矣今礦稅無利散民間而坐數納銀民亦不能

支括庫銀而無礦代解欽差二使亦有從實開報之心而仲春貪殘肆虐爲攘奪侵欺之計朝廷得一金郡縣費千金有司不敢聲說撫按不敢上聞此豈陛下開礦之初意哉伏乞勅下各省使臣嚴禁散硃不許借解但有侵奪小民捏害小民如仲春者必誅無赦而各省之人心收官店租銀收解日趙承勛造四千之說而皇店開自朝廷有內官之遣而采權重夫市井之地貧民求升合賺絲毫以活身家者也陛下以萬乘之尊享萬方之貴何賴彼錐末之微財

襄此崇高之大體乎且馮保八店爲屋幾何而歲有
四千金之房課乎解進之數既有四千征收之銀豈
止數倍不奪市民將安取足乎今勢豪之家用僕開
店所在居民尚且忍氣吞聲莫敢與較而況朝廷遣
使賜之勅書以太山壓卵之威行密網竭魚之法民
間之苦無間可知縱使內臣廉靜不擾市民而長隨
之下各有長隨掛搭之中有掛搭強吞橫噬獨占羣
侵內臣無由知冤民何由訴先楊村張家灣南通省
直北接都城天下咽喉之地也陛下鎖此咽喉不

及一年商賈不至緩急之用將安取給不獨此也都
下近日訛傳有太監營求鎮守之說極知此言無據
亦足驚擾人心蓋正德年間曾差鎮守矣致九邊搖
動四海驛騷太監數十萬人流毒幾省我皇祖登
極盡取回京萬頃皇莊盡還民業而人心大悅天
下始安實錄見在可考也臣望陛下將兩店內臣
仍取回京原坐租銀責令所在有司照數解進如有
遲延短少罷斥其官是無減額銀兩有光聖德此一
舉也而畿甸之人心收天下宗室不減數萬皆九廟

子孫天家骨肉也倘罪不赦則祖宗自嚴楚王毫
無惡狀而主守主錦襲以徹地神奸瞞天大誑籍
隔數千里而具認王碧子孫事隔三百年而捏稱受
寄財產中間偽造絲綸假傳詔旨明欺聖主暗陷親
王平銀襲肆不恭之狀人人弗堪楚王抱不白之冤
日日慟哭所幸防範得法竟保無虞有如楚王銜恨
自殺陛下何辭以謝餘高皇帝之靈臣傷大小宗
藩之心切中外臣民之齒此兩賊者罪應誅死陛下
重下法司而止冷卮籍臣恐奸宄操恐嚇之權善

良無自必之命。士開告訐，萬姓驚疑，誰無仇人難逃。怨口所關，世道人心，良非細故矣。夫爲善不二成言，改過何妨更令。陛下綸音，令彼處巡按御史臬司兩人使天下曉然知聖天子之明正三尺而親睦九族也。將疑議盡釋，而天下宗藩之心收，崇信伯之貧通國所知也。士籍珠寶之誣亦通國所知也。始焉懼於科道之風聞，嚴追誠不爲過。今也真知崇信伯之枉冤，又禁錮之實害無辜矣。聖人舉動正大光明，陛下何不直示聽言之快，嚴緝揭害之奸，還費甲金。

革去之祿復並城廩衛降勅之官釋王坤覺大義之
罪所謂過也無傷日月之明爽然慨然益見乾坤之
度此去舉也而軟戚之人心收法者所以平天下之
情服罪人之心者應輕應重太神既定爲律情重
情輕列聖又增爲例如輕重可以就喜怒之情則例
不得爲一定之法詔待罪刑部三年矣每見詔獄一
平持平者多拂上意甚則加重而降司官從重者皆
當聖心故司官遷就矜逃譴怒如往年陳恐等以隱
瞞家產坐盜王正等以知情藏匿擬徒魏常照等誣

圖書捨棄擬誼皆臣等欺天罔人因自廢法陛下
猶以爲輕俱加處死如近日李吉甫本非把持也而
必欲擬軍張滂等預支局料也而必欲追銀夫財庫
本無揭瓦也而必監王進忠等必欲坐盜此皆真屈
真枉臣等不敢執奏而陛下知其冤臣願陛下
下俯從司寇之平勉就祖宗之法而罔罔之人心
收自古聖明之君豈樂誹謗之語然而下求賢之詔
賞直諫之臣者知天下之存亡係言路通塞言官者
朝廷之耳目也不可不重也比年以來新進小生好

矜名節遂激陛下之怒波及臺省之臣驅逐既多
選補皆罷臣以爲天闈邃密法座崇嚴若不廣達四
聰何由明見萬里今而陛下所聞皆衆人之所敢言
也其不敢言者臣陛下不得聞矣一人孤立萬乘之
上四海皆存回測之心而人君不得聞不敢言之
語此一時之快而他日之憂也臣願陛下思祖宗
宗廣置言官之意爲國家不爲言官臣釋監候之曹學
程還士分之科道檢建臣得罪之逐臣分別召用應
復除者卽與除復應行取者卽爲行取以後如行進

原缺

期或爲屬國遠戍或言兵餉難圖甘心剝膚之災袖
手燃眉之急諺曰小費偏請大費無益今朝鮮危在
旦夕矣而我計必須歲日願陛下早決大計併力
東征而屬國之人心收解京糧一物十費措辦旣苦
轉運尤難若干實用有裨則積貯何嫌過多今十庫
諸貨各廠物料粗惡不堪者固有朽腐無用者亦多
上納歲歲陳陳可惜萬姓膏血化爲一房塵土倘每
年一次查盤每夏三番晒晾不堪者嚴監收之刑朽
腐者重典守之罪變惡爲美出陳易新但一年可備

三年之資則本色暫改折色之解既不匱乏國用亦未暴殘民財。陛下三留神則歲省不下百萬而解納之人心收京師者朝廷腹心之地也。祖宗時常徙富戶以實京師富民者貧民依以爲命者也。今京師貧民不下百萬九門一閉則煤米不通一日無煤米則烟火絕有如庚戌之事京師愈嚴雖有倉塲止足官軍守禦之用城中富戶止備緩急勸借之資者商人有預納稱貸有鋪墊之常規一報在官百年不替而上富貧自暴民聚衆多徒奸民設計騙詐遊食

者坐耗民財淫法者誘奢民俗而中富貧自各衙門
印結之雜捕送之輕吏書貪如餓豺兵番狠如翼虎
無批票而稱勾攝本良弱而誣盜奸而下富貧自房
號重于優免之濫科派苦于各色之多一身衆役一
事衆害而貧者愈貧自抄沒法重株連數多坐以轉
寄則竝藉家資誣以多賊則互連親識宅一封而雞
犬豕彘大半餓死人一出而親戚骨肉不當收留加
以官吏法嚴兵番搜苦少年婦女皆解衣而們目大
小陣家盡市行而巷哭萬民觀者短嘆長吁臣曾見

之掩目酸鼻此豈非正犯之家重罪之人哉一字相牽百日難辭陛下知之否乎知之當必怜之姦又有以惡乘機恐嚇良民捏稱寄某賊我欲告首廠衛挾執罔利不足不休明騙錢財誰敢喘息半年之內授徧京師之陛下知之否乎知之當必恨之姦伏望省不急之上納禁監收之鋪墊嚴騙奪之刑重需索之罪靖差役之煩定優免之責慎抄沒之舉而都下之人心收刻聖在御之時亦有宦官宮妾然死于箠楚者未之多聞乎此輩當年皆賢而今皆不肖耶豈

法宮當年皆疎今日密耶難言之矣蓋祖宗憂思
深遠故體悉人情陛下數年以來疑深怒重廣廷
之內血肉淋漓宮禁之中啼號悲慘冤魂夜泣徒爲
愁雲怨鬼宵吟積爲厲氣吉祥之地豈宜如斯耳惟
天爲萬物父故上帝惡殺元后作民父母故舜德好
生民間千恩萬愛長男育女不足以供頃刻之怒故
上殿者愁死不如無生入宮者賣生卽作賣死臣望
陛下發慈心動惻隱視如鰥鰥之牛湯火之雞可乎
且宮衛近地難入外人護愛聖躬惟在此輩今環門

守戶之衆皆傷心側目之人外表忠誠中藏愾毒彼
懷朝不保暮之懼何愛九死一生之身陛下臥榻
之側同心者幾人暮夜之際防患者幾人臣竊憂之
臣望法令不嫌於嚴鞭朴不至於死則左右之人心
收矣祖宗以來有一日三朝者有三日一朝有一
日一朝者蓋一人勵精萬事嚴肅惟朝門晏安早閉
誰敢興邪起奸陛下不視朝久矣人心之懈弛極
矣奸邪之窺伺熟矣守衛官軍虛應故事耳乃宮鑰
仍舊早進今乾清修造逼近御前軍夫往來誰識面

貌萬一不測何以應之

臣

望發宮鑰于平明放軍夫

于日晏事非軍國緊急慎無昏夜傳宣 陛下豈不

曰世宗晚年不視朝亦無外患乎顧今日之人心非

昔日之人心惟 陛下慎之章奏不批先朝未聞有

如今日強半留中蓋疏之照入也會極有簿疏之進

奏也外庭不聞萬一有國家大事邀截實封揚言于

外曰留中矣人知之乎萬一有詐傳詔旨匿不封還

揚言于外曰進獻矣 陛下知之乎今 陛下精明

中官謹畏必無此事

臣

恐聖子神孫守爲家法

一逞爲奸則何變不起臣願自今以後留中章疏每日御前發未覽揭帖一紙內開某疏某疏未及批荅下會極門轉發各衙門備照具繳還御札原本乞批知道了三字發該科備照庶君臣雖不面談而上下猶無欺蔽所關重大不可不防臣觀陛下昔日步禱郊壇發金銀賑濟非忘民者朝無一疏之壅疏無四日不下非怠政者乃今章奏半停民愁罔恤當此春秋鼎盛之年豈無夙夜憂勤之事患不富耳自古帝之求富者亦多矣史冊所載開卷可知陛下試

觀其時治乎亂乎其居安乎危乎夫天下之財止有此數欲富則天下安貧天下貧則君豈獨富故曰同民之欲者民共樂之奪民之欲者民共奪之天下貧窮財盡未有甚于此時矣陛下織造燒造日增辦取採取益廣歛萬姓之怨于一言結九重之仇于四海臣竊痛之使萬里江山千年如故卽乾清宮一無所有誰忍使陛下獨貧今禁城之內不樂有君天下之民不樂有生怨謫之聲愁嘆之語甚不堪聞陛下聞之必有食不下咽寢不貼席者矣臣觀今日

之勢如坐漏船水未濕身如臥積薪火未及體望

陛下之速登屋而急起臥也不然積于千千決于一

旦陛下雖有千箱錦繡千筭金珠豈能獨厚享哉

前代覆車後人永鑑蓋人心得則天下吾家人心失

則何處非仇臣老矣髮白齒落恐不得以太平終此

身又聞小民暗竅地處以防兵繒紳預買山庄以避

亂臣見此光景仰天痛哭曰臣民如此皇上奈無

人明目張膽敢爲皇上發一透徹之語又奈何臣

一點血誠籲天叩地永宿七日神思萬端難裁切迫

之理敬上憂危之疏若一言虛誑有駭上之心則九

廟神靈奪_臣之魂陛下倘信_臣即將_臣所以言者

概賜施行所未言者再加修舉移宮中之勤以勤庶

政惟利國之念以念蒸民將人心懽悅天意轉回常

守其富常守其貴端居大寶之尊無限金珠自在何

福如之倘疑_臣耶乞召三輔九卿大小文武百官一

一面問果謂民情安否_臣語張皇_臣願解衣而投鼎

鑊延頸以就斧鉞爲人臣妄誕者之戒_臣所言天下

大計_臣具疏未敢告人望陛下密行_臣言若出

聖意久留臣疏以驗將來臣日夜祈天惟願臣言不
驗使臣言而驗陛下雖悔將何及耶冒犯天威罪
當萬死不任席藁之至

亟通庶政以保治安疏

許弘綱

吏部給事中
萬曆二十七年六月

臣以孱軀乞閑休臣壑誤蒙起用游歷今官襪線微長

自度無裨衮臣竊觀明政患在不通臣忝是司義難

默默躊躇數月敢爲陛下竟言之臣聞天下之大

政有三曰理財曰用人曰聽言而已三者理亂攸關

自古及今未之爽也食貨之需古稱泉府謂其周流

無滯若水之流行耳陛下臨御以來固嘗免田租

發內帑天下稱仁矣自小人進而礦稅日噉噉也剗

髓剝膚椎埋胠篋既斂之而使變復威之以必從良
民半在桁楊循吏動遭桎梏猥云有裨國用不過都
着進收而已曾出一緡以襄大禮發一貫以濟大工
乎以有限之物供無限之求舉有用之財置無用之
地毋亦謂臧滕肩鏞之既固可安坐而享之不知冤
鬱薰蒸奸雄睥睨內府久爲怨府錢叢且作神叢一
朝有急將誰爲之守此臣所爲太息也 祖宗衆建
諸司各有職掌雖當極治誰能廢官 陛下始未嘗
不加意登庸而未寢厭薄也借事而逐之不啻發蒙

積資而進之不啻轉石閣臣缺矣太僚缺矣臺省諸
臣缺矣甚者一蒙麾斥無復賜環一經左遷槩停銓
叙將毋曰吾操此術以牢籠庶幾舍所學而從我乎
不知士各有志豈皆戀戀一官獨惜夫舉天下人才
無足當陛下之瞬而陛下之所恃爲股肱心膂
者一三三差璫與什伯遊棍也天下有事此輩能折
衝禦侮以收蕩平乎能仗節死義以酬恩眷乎事權
日攬而主勢日孤正路日湮而倖門日啓此臣所長
太息也陛下深居六內久不接見羣臣上下相通

僅存章奏一線近年以來漸而不下依期矣漸而留
中不下矣又漸而多致不省四方災變見以爲張大
而不情諸司抗章見以爲阻撓而不順甚者追其旣
往而禁錮建言逾其將來而遲延考選是以天下無
一人言而後快耳夫批鱗折檻臣下危之明君之所
爲藥石而求也模稜順旨臣下便之明君之所爲魑
毒而遠也陛下諱言誰不以言爲諱它日奸生意
外變出非常無肯觸雷霆而叫閭闔禍乃移之國
家耳此上所爲長太息也夫天子以一身托于兆庶

去留聚散其機甚微故必人主自以天下爲心然後
天下共以人主爲主宋祖有云朕心日行天下一兩
遍正爲此也今進獻急于星火而以軍需國計爲贅
疣儉古信若著龜而視法家拂士如冰炭則四海九
州陛下固已忘其爲惑有矣且天下太勢如人一身
理身者痛楚不禁之憂而痿痺环衽之患何則通
者易生而痧者難治也私帑之營腹心之痞也人才
蓬蓬永足之痺也章奏之寢耳目之障也有一於此
尙虞不測況兼數者可弗戒歟方今百姓相與怨於

野土崩瓦解若不及夕而陛下方且侈瓊臺之積
新太液之舟趣玄殿之工角堵墻之射用以耗敝官
民而自明得意不亦異乎夫人情方有所向遽難轉
移迨夫欲滿意闌味有不幡然厭悔者此固陛下
厭悔時也倘念祖宗櫛風沐雨之天下原當好爲
瘡痍凋瘵之遺黎不堪重困長物有盡令名無窮酌
量地方有無肥瘠將一切中使以次第撤回責成撫
按諸臣拊摩鞠育以甦民命於旣危收人心於旣失
各官起者起補者補陞者陞考選者依擬中外章奏

悉付外廷覆議可否早見施行一洗猜疑障蔽之私
共成俊偉光明之業天下幸甚卽礦稅旦夕未罷亦
請毋撓撫按之權以資彈壓更易差使之貪肆有疎
拊束不嚴者以示創懲法旣平事亦不廢不然文臣
一應錢糧互相覺察而獨濶畧于內臣各官近侍往
往小過被刑而反縱容于遼遠陛下亦何詢于天
下哉此猶今日喫緊臣敢特擲而言之夫結舌于公
朝反唇于私室臣之所不敢也處堂不戒旋及噬臍
雖欲言嗟何益矣臣干冒天威不勝隕越待罪之

至

通

里

三

歷陳國勢病由以保天下疏

李三才

總督漕運都御史
萬曆三十年閏二月

嘗聞明主不好利而忘國忠臣不先身而後君蓋利
有大小義有緩急其辯之早也竊見近臣以來國事
日非時政日異正言讜論如水投石豈不以邊烽不
起四海無虞吾遂可以恣意縱志晏然於九重之上
哉不知其勢甚病其機更甚危也臣請歷陳其狀蓋
不敢不忠而惟望於明主之垂察也臣自束髮登朝
正我皇上御極迄始郊廟必親朝講日事用人未

必賢而必才行政未必平而必勤庶官思奮百度具
修國有餘粟民有餘食熙熙恬恬亦一時之盛也蓋
自火曾內訌而國之費侈矣自時拜外叛而國之用
匱矣雖然此猶內事也不得不應之兵也未幾而日
本之役興矣夫謂朝鮮貢獻之邑也唇齒之勢也爲
之屯兵鴨綠以爲聲援可也爲之收復王京因而宣
捷可也爲其危亡不保取而郡縣之亦可也乃計不
出此無端驅衽席之赤子勤瘡海之外夷奪有限之
口食填無用之絕壑勞師百萬費財亦百萬士民愁

苦海內騷騷其於中國毫毛有裨哉如曰彼我之衛
也不救非所以爲智乃實不足爲衛矣如曰彼亡我
且鄰倭也不救非所以自保今我在邊每每鄰虜矣
如曰彼夙志忠順也有之非所以爲義然猶勝爲敵
人之所取矣且今亦不能禁敵之不取也此一失計
而國家遂索焉不能堪矣又未幾而播酋之難作矣
夫楊應龍之殺其妻也夷狄之人夷狄之性耳夷狄
之事中國不之治也乃計不出此無端而欲繩之以
法始而議勦矣繼而議撫矣無何又勦無何又撫朝

更夕改二三其政彼曾之習見我如斯也遂睨然有輕中國之心而狡焉肆其跳梁之志攻陷我城池屠戮我軍民劫縛我職官侵突我疆界於是不得不起六郡之師以赴之雖天贊其決旋卽殄滅我之殺傷糜費亦畧相當是其終之勦之也誠是也其初之治之也則非也勞師百萬費財亦百萬何故哉此一失計而國家遂耗焉不可支矣乃者天不厭禍黃河又決夫此黃河也一徙千里此數百年未有之變也非細故也非遠憂也國家之安危天下之治亂從此始

也蓋治之而不必復其故也則洊河恐終不足恃漕
運恐終不足濟京師百萬之衆嗷嗷待哺即使沙磧
化爲南金瓦石變爲和玉民不能食也民旣無食雖
義皇再世堯舜復生亦豈能保蕭牆之內耶治之而
必復其故也則百萬之費數十萬之夫將焉取之取
之於民而民不堪也取之於官而官無應也失業之
衆歎食愁衣不逞之徒窺端伺釁一旦羣聚河上是
借之地也是爲之所也一夫倡亂勞民競起投鐺攘
臂謀於版築之間登高遠呼奮於饑寒之後義不能

止法不能禁。雖使管晏之智。賁育之勇。恐亦無方收也。此有識者之所憂。而時俗之所忽焉者也。興大役。動大衆。自古奸人之資也。所謂挑動黃河。天下反也。故此一役也。國之所以安危。治亂者也。此危機也。上而陵園下而民生。臣猶未及言也。夫前之失計。旣如彼。今之大患。又如此。譬有人焉。血氣充足。筋骨強盛。本無恙也。今日生一瘡。一誤之而身弱。明日生一瘡。再誤之而身危。旣已弱矣。旣已危矣。突而大毒出焉。不在四肢。不在皮膚。而適當腹心咽喉之際。不治不

可治之而不愈不可逃身不自知其端醫人莫能名
其狀當此呼吸存亡之秋瞬息不保之日而尚爾縱
欲肆情犯霧蒙露節金石之軀安能當此銷鑠哉而
況百孔千瘡又且蘊隆崇結待時而決耶卽今天倉
無二年之儲尤邇有終歲之餓小民皮骨飢飽於豺
狼四海脂膏橫填於帑藏所以拯溺救焚出民水火
轉危而爲安易亂而爲治無如前日傳奉之聖諭
矣故礦稅之旋復臣表必言其弊政之當亟罷建言
之終斥臣不必言其忠良之當亟收無辜之復繫臣

不必言其刑罰之當取改蓋聖心原無不照聖
智原無不周故臣不避忌諱不顧利害惟歷陳國家
所以受病之勢與國家所以致亂之機如此皇上
清宴之暇平明之際試一思之無聊之民尚可當此
曠稅否用人之日尚可棄此忠賢否積怨之衆尚可
終此濫及否穆然深念毅然猛斷前所傳諭務在必
行嗇在一念而利在天下屈在一時而伸在萬世而
更旰食宵衣側身修行郊朝必親朝講必復盡祛近
月之弊一還當年之美將見在廷諸臣莫不洗心滌

應努力向風必勤必慎必公必廉其解倒懸之急
贊維新之政此猶救時之策所謂尙得其半者也不
然民心不可再傷事幾不可再誤苟且耽延一復一
日蓄毒一漬莫可爲也已惟 皇上留神照察施行
臣不勝惶恐待命之至

直陳天下受病之由以光贊聖政疏

王元翰

吏科給事中
萬曆三十四年正月

臣最謏劣誤蒙

皇上作養史館改授諫垣遭際可

謂厚矣思古人云得志不爲宰相則爲諫官謂宰相能行其志諫官能言其所行之志今得罪吏科將已逾月追惟候補銓覆時見天下景象大壞極敝幾至不可收拾竊欲進一二不識忌諱之語曾三易草而不果於上頃者伏覩皇上斷自宸衷沛發明詔割愛改步忽日月重輝乾坤再造敷天臣庶罔不舉手

加額呼大聖人之作爲真超出尋常萬萬因念 祖
宗垂澤閔遠遂覩國家永永太平之祚端在此一舉
矣書曰皇天眷佑有商禪嗣王克終厥德實萬無疆
之休詩曰令聞令望四方爲綱以質 皇上舉動卽
詩書所稱何以加也馬願在上之轉移則甚神而在下
之積弊有未滌恐非所爲上下勤恤共迓天休也臣
敢以聞見最真時事最切者列爲數款爲 皇上陳
之冀少垂聽焉一曰責法令之行 祖宗立國規模
超軼異代傳至于今承平日久兵紀頽廢也而強不

如前代財用罄竭也而富不如前代有識之士堪爲
痛哭乃天下猶晏然無缺者凡以祖制極備盡善卒
無亂形是本朝全以法制立國者也通年以來各衙
門漸覺苟且之念遷就之弊牢不可破一事之來漫
無成畫及其事敗也又無所歸其咎一官之缺爭爲
避趨明知其非也猶姑以應其請是以至有昨日之
令而今實非矣凡此揀且遷就總之起於顧皮面耳
皮面公行法令盡廢愚以爲當責行者此也二曰專
會推之權國家革中書省設六曹六曹各有專司

祖宗慮爲至遠邇年來凡遇大僚銓部缺則九卿卿
貳皆得執筆各推一人名曰會推夫會推之行也豈
無心切矢公肉不避親外不避仇者乎會推之久行
也又豈無居爲奇貨乘以樹恩藉以償債者乎此欲
以示公反以濟私至使天官柄衡者化爲旁觀畫諾
甚可笑也又如衆人之推總歸之於吏部其舉之而
當也我得以分其明舉之而不當也彼不得以分其
罪況乎津要之地神髓畢聚鋒鏑縱橫一開分散之
門大啓奔競之路所係非淺臣愚以爲當專一者此

也。至國慎名器之重。國家勵世磨鈍。惟此名器故繁。
纓小物也。孔子惜之。庶官卑僚也。明帝難之。蓋其重
也。泥制誥之詞。今得片言以爲榮。今且長篇闊麗。溢
美爲玉瑣屑。斐聲下平交。而四六甚至叙及家世之
私。惟聯歡銖之句。大非簡重之體也。皇命不旣輕
乎。天子稱卿。傳止於內閣六卿。憲長而已。何可假借。
轉臥南部卿貳。俯而卿之矣。甚至總戎武弁。亦冒而
卿之矣。太非稱謂之體也。且言不旣褻乎。然此猶曰
無甚關於治亂也。至若京堂之濫。則尤近事之可駭。

異者舊制臺省遷轉一內一外內者爲優外者非得
罪於清議亦不爲劣轉也切見兩年以來科臣之內
轉猶止五員臺臣之內轉業已三十餘員矣一時京
堂濟濟摩肩接轂至簾棍爲之價高其間固多才品
卓犖素厭人望惜其推擢之晚者亦有資俸最深遷
轉壅格不得不然者此何時也而職敢求多惟是京
堂之所貴者爲其少也假令人不復出人盡京堂則
京堂亦何足貴且此官去開府雖近然節鉞之重必
抹間望之隆物極過多多成壅塞矣惡能必外轉之

皆鉅而內轉之皆捷哉則人何得專借京堂爲也臣
愚以爲當慎重者此也四曰廣賜環之詔國運之盛
衰本於人材之虛實故隆古之世必由野無遺賢夫
賢者遺之則朝廷不得用小人進而禍隨之矣頃讀
恩詔起廢一款有除永不叙用外一語切以爲似未
均也夫諸臣之謫遣者有分別總因觸犯聖怒有
重輕今聖怒旣釋則天度自協同一建言得罪何
忍使覆載之中有棄物不得與於竝生之列哉如其
人而不肖也則亦匹矣如其人而賢也乞勅吏部

分別起用以盡其能天生有用之才使之養贲丘園
枯槁巖穴甚爲盛世惜也臣愚以爲當克廣者此也
五曰嚴奏辨之體國家設科道兩衙門專司言責天
下之利病百僚之奸邪咸令其以白簡從事一人之
耳目難徧人情之隱微難知豈無一二風聞言事者
切見近年以來一經論劾必紛紛辨擾一辨未已繼
以再辨再辨未已叅以罵詈如此必盡糊言官之口
不彈一人乃爲快乎夫刑賞聽之朝廷是非歸之公
論若盡得揭辨而後昭明豈言者語語俱屬鑿空辨

者事事粹白無可議乎殊非修省之道也惟此風不
已小臣倣效有至上書自叙其功日新月盛壞士夫
隄防損朝廷威重成何世界臣愚以爲當嚴禁者此
也抑臣猶有說焉往古國家長治久安必其元氣厚
而不薄神氣張而不弛元氣在一人之天機皇上
天機既自爲轉動願永堅意念培植自遠臣不憂元
氣之不厚神氣在臣僚之精神臣僚精神無人提掇
恐散漫之久化爲灰類臣實憂神氣之不張乃提掇
天下精神則又在吏部與都察院耳自李戴溫純二

臣去國懸缺未點仰窺聖意淵遠必簡在有人爲
慎重其官故慎重其人但此官進退人倫風表百司
所謂提掇精神以振張神氣之人最爲喫緊者況朝
覲在卽外察不遠尤不容遲則銓臣之案與憲臣之
長宜亟下也臣遠方下士念亂熱衷雖不識時務亦
不敢撫拾浮辭如一得可採伏望皇上檢發施行
或于士風吏治不無少補矣

聖政通而忽滯請破機關以終盛治疏

李三才

總督漕運都御史
萬曆三十四年三月

竊自萬曆二十年以後皇上徃於治安臣下怠於
輔導以致上下乖離天地否隔礦稅繁興章疏時滯
四海鼎沸盜賊烽起天下已浸浸有不可爲之勢矣
幸賴九廟神靈大啓天聰適值皇孫之誕遂臻維
新之美罷礦分稅起廢用賢命下之日朝野歡呼不
意流離之後更沐滅澤如此不意否隔之餘更值泰
交如此可見聖明之心瑩然湛然原無塵滓只是

臣工開導無術致有昔年之過舉耳豈謂兩月以來
已明而復蔽已通而復滯耶蓋前日礦稅之罷也逮
繫之釋也廢閑之起也臺省之用也章疏之通也此
自聖心神明真見其有不得不然者此機也乃轉
亂爲治轉危爲安者也正孟子所謂火之始然泉之
始達苟能克之足以保四海不能克之不足以保妻
子者也然臣下之欲達此機者爲忠臣爲端士臣下
之欲滯此機者爲佞臣爲邪人蓋忠臣端士志不在
私惟欲又安社稷報效君父汲汲皇皇日望皇上

之爲堯舜故見聖政之維新也喜喜者何也以國家
復安太平有日也佞臣邪人志不在君惟知貪戀爵
祿保全身家戚戚孳孳竊恐皇上之爲堯舜故見
聖政之維新也懼懼者何也以朝政且清已身不容
也夫公私不同道薰蕕不共器臣下之操術旣殊則
主上之兼聽不易乍行乍止或作或輟機在此矣乃
若察其忠佞辨其邪正則亦有法固無難者彼忠愛
之臣謹直之士心術正大言論明剴內外竝無攀援
章疏絕不顧忌英君誼辟方能收納尋常世主必不

見容者用則盡其職不用則盡其心利害禍福彼固
視之漠然耳佞人之言其甘如飴佞人之情其深如
海或微以浸之或怒以激之或陽救而陰擠之或明
諍而暗諛之言在東而意在西貌在彼而心在此千
方百計以結左右巧伺神鑢以苟富貴蓋患得患失
之心勝故如鬼如蜮之術工朝夕祈求惟願 皇上
不視朝講不下章疏不罷礦稅不起廢棄不用科道
彼方得以揚揚肆志竊上威福閃爍支吾以託其不
肖之身更不知天下國家爲何物更不知君父爲何

人及至民怨已叢天下瓦解惟有抱頭鼠竄背主而
逃耳自古及今邪佞之臣往往如此固未可一一數
矣吁可恨哉皇上心包天地明竝日月內外諸臣
平日行藏難逃洞照平日疏揭俱在睿覽果孰利於
聖政之新孰不利於聖政之新卽此思之則忠佞立
判黑白明分又何俟懸臣之曉曉哉蓋時政之美惡
近事之臧否諸臣言之甚詳皇上察之已審臣不
復贅故惟探其本原之地陳其安危之機密勿親近
知有以巧詞危語弄智使術於以中聖心而撓新政

者願我 皇上反觀而亟去之不然覺之不早斷之
不力枝延蔓引遺禍日深豈所望於聖明之主哉嗟
乎嗟乎 皇上之心真可同堯舜之心 皇上之資
真可爲堯舜之資數年以來乃爲一二固寵嗜利之
徒阿徇欺蔽俾聖心時惑盛事不終有君無臣萬世
而下令人扼腕於萬曆之世也豈不惜哉伏望 皇
上反求前日之心太奮雷霆之斷從諫如流用賢如
渴已發德音務在速行成始成終有首有尾如是而
天下有不受福萬世有不誦德臣請受面欺之罪若

謂皇上原無意改行故遲回猶豫若有若無是以
天下臣民爲戲也是以祖宗社稷爲戲也皇上
敬天法祖無怠無荒必不其然惟皇上亟賜垂察
施行宗社幸甚天下幸甚臣無任悚懼激切待命
之至

乞發章奏決用舍以成盛治疏

曹于汴

刑科右給事中
萬曆三十四年四月

伏念

臣

一介草茅遭逢聖主往歲陞伏田野忻聞聖

治更新竭蹶赴京依光日月乃於途路之閒見旱荒

千里鬻子流離綱紀頽靡老成凋謝竊意皇上此

時必當簡賢斥邪圖治不遑也卽叩闕庭叨伏舊職

又見各署半空諸務停閣滇中民變塞外虜驕竊意

皇上此時必當簡賢斥邪朝夕下也何乃入春以來

科道露章糾劾官邪未報中外大僚被劾求去不

充少

臣台

報銓部推舉陞除行取起用不報

臣

誠不知其所解

夫 皇上守

祖宗之鴻業必遵

祖宗之家法

厥祖制固將躬御前殿面決章奏者也卽世廟中年
深居靜攝而批答割決如流水無壅是以中興之治
遠繩祖武未有朝御旣虛章疏亦闕者也臣聞主令
不下宣人言不上盡是謂國鬱人鬱則病國亦宜然
今之國事鬱塞似亦極矣夫上下雷同非國之福言
官結舌不言斯爲溺職大臣被糾不退是爲貪戀倘
果才難終棄則異日之輿論自昭卽或有所容留須

部院之公評始定蓋部責在藻鑑品流斥陟臧否誰
敢徧護阿徇自干指摘至清議甚重神明難欺萬一
臺諫之言少涉頗僻則人非鬼責必且交萃矣奈何
建言者十彈而十不答竟成空語求去者累請而累
不得聊且羈留言者未蒙樂受直以抑其芒顯被言
者匪貽主眷適以喪其生平且望退之人既不獲退
而應進之人復不獲進徒使杜門躊躇者冒濡滯之
嫌非所以明節也待月淹遲者抱消磨之嘆非所以
鼓氣也大僚無節小將化爲繞指此時奪氣他年何

望其揚眉尚欲其盡體國於平時仗節就義於有事
當亦難矣豈非士風世道一大關竅哉嗟乎御世貴
在維風自當長慮況目前業已肇禍更費支撐卽如
滇中之變孽起楊榮固勿俟論乃陳用賓者累掛彈
章已經察典意氣消沮終歲閉門其無以懾貂璫之
橫弭軍民變固宜耳昔也交章彈之不去今也交章
彈之仍不去豈其釀禍者能定亂也迨萬里亦徼
皇上之幸耳由此以推則致仕之督臣羈身宣大安
保烽燧無驚掛議之撫臣未奉宸斷終非局面之結

部臣求去久矣何以綢繆天下閣臣求去亦久矣何以弼贊皇猷在聖意淵穆不測在諸臣進退不明在言路阻遏不伸在國事叢脞不理夫國事誰之國事而皇上不自及計乎至於一署缺官一署廢事署署缺官署署廢事左支右吾此圯彼墜巡方可無御史御史可不復命代庖可綰數篆數篆可綰數年虜以礪伺隙我猶無師無兵河上方憂動衆倉中不慮無炊諸如此類不可枚舉令甲弁髦典制束閣上失其法則勢移下玩其上則思逞一旦決裂胡以收

拾豈不可懼哉伏望 皇上俯將一切章奏留神檢
發採公議于部院運乾斷于聖心當去者令其早去
祛繁吝之風亦體辱殆之耻當用者令其效用豈真
股肱耳目之充竟是元首腹心之衛精神旣振血脉
自通士風自正百度自興法紀自彰奸宄自息民心
自貼虜情自戢 皇上維新之美自可終譽萬年磐
石之安在此一舉臣不勝激切之至

乘時發政以臻治平疏

蕭近高

戶科左給事

萬曆三十四年五月

臣惟善保業者莫要於惜時繁而難周者事也往而不返者時也先時而理則必以憂勤基治後時而圖則必以怠荒基亂覽照前世無不紀爲鏡戒如周文之且旻不遑姬公之坐以待旦所謂與治同道罔不興者也如伍舉以阜烏諷楚莊陳蕃以三空規漢帝所謂與亂同事罔不亡者也時乎時乎豈非理亂之機興亡之兆乎我祖宗朝奉天勤政因時作事凡諸

大政之舉行立爲定期確如金石信如四時列聖相承靡有愆逾卽我皇上萬曆初政何嘗不裁決如流靡有壅滯胡至於今而政務稍緩日甚一日將大壞極弊而莫之底止也如大選之期定於雙月二十五也今臨選時必以改期請矣大選前幾日必有急選也今二月之急選至五月而始下矣三九月銓除敎職此定制也及今年三月之敎職至今尚未就選矣三九月恩軸用寶此定制也乃去年九月及今三四月寶俱未用矣冊封藩國每年必於四月臨軒親頒

誠重典也乃今至五月尚未題差矣貢生之廷試四月其定期也今亦改至五月矣傳曰九事豫則立不豫則廢今近者歷數月遠者輒逾年而不得一報可果豫乎不豫乎事果立乎不廢乎且非獨於此也三載大計羣吏吏部都察院事孰有大於此者今冢卿臺長之席積塵已數年來春大計誰爲之主持乎邊釁有端狡謀匪茹督撫責任至重今典者不得補以致去者陞者不得代首尾牽制彼此稽延豈必待邊方失事而後爲之圖乎六科額設四十餘員今缺者

強半十三道御史額設一百餘員今在道管事者僅
三數員而已而行取至闕下者又虛度數月束手候
命而莫知所稅駕也閣部大臣爲諸臣所論列者卽
未必一一當聖心然皇上何不博采公議裁以乾
剛明示去留豈不光明正大爲激勵世風之一大機
哉今欲去而不允其去當補而不聽其補也凡此皆
軍國大政所不宜一日緩視者皇上皆稽而不下
在宸衷以爲此可示不測之威權而不知中外之聞
且見者且妄意密勿之倦勤如此在臣工夙夜匪懈

孰敢不恪其乃職而明命未頒何所奉行必且天工
之坐曠矣譬如家督治家夙興洒掃及晨而炊嚮晦
而息經營起居必以其時脫也日月而始洒掃日晡
而始晨炊識者必覘其家道之衰又況於人主以天
下爲家者乎前旨力行後事也迫焚而不爲理急而
不及圖陳祖宗之故實虧明作之令業不意赫赫
聖明皇皇盛世而有此因循委靡解散之景象也先
儒有言曰主者敬曰伯者敬時僅存之國危而後戚
之亡國至矣而後知之夫亡而後知之則國之什敗

不可勝悔矣。又曰：太禹不貴尺之壁而貴寸之陰，非爭其先也，事得其時也。今之政務怠荒，玩愒時日，如此豈惟無望於寸陰之惜，王霸之畧而危亡之形已見矣。昔唐太宗英主也，貞觀之治庶幾成康，而魏徵凜凜危懼，有不克終，十漸之戒。皇上嘗罷政，要勿進陋唐皇，於不處然，誠觀今日之治，視貞觀何如哉？臣爲此懼，不憚苦狀，望皇上法天行之健，凜時幾之勅，寧先時毋後時，寧視寸陰爲大壁，毋蹈怠棄之覆轍。凡諸大政務，率由國朝舊典，一一照常，期舉行。

夫一夫善射十耦決拾一人厲精於上而百司庶府
有不凜凜精白以承休德者乎於以轉危爲安易亂
而治以隆新政以光祖烈是在今日臣不勝惶恐祈
懇之至

極陳國家治亂大關疏

李三才

總督漕運都御史
萬曆三十四年五月

頃者聖母六袞元孫初誕恩詔旣布旋復中尼不知
皇上之發此德音也以前數事爲善耶爲不善耶如
以爲不善也則不當於聖母六袞之期元孫初誕之
日而汲汲此舉也如以爲善也則當成始成終日新
日盛如行者之赴家食者之求飽又安得遲回停滯
不克有終也嗟乎嗟乎此國家治亂之關非小小行
政之差用人之失而已蓋此關一轉可以收人心可

以永國脉此關不轉則民生日以蹙國勢日以壞本
實先撥大命隨之矣此臣之所以瘋愚泣血不得已
而復有所言也然道路所傳其說有二一謂前日新
政原非上意不過一時喜心行之故旋開旋蔽者臣
以爲皇上聰明天縱剛斷若神前政改行自其睿
智獨覽九廟神靈實式臨之安得謂之無意求治而
忍於忘天下也孟子曰謂吾君爲不能者賊其君者
也臣不忍信也一謂首輔沈一貫恐沈鯉朱賡逼已
之位旣忌其每有諫說形已之短又耻其事不由已

欲壞其成故賄買左右百計相傾或冷言熱語以惑
聖聰或借秦指漢以激聖怒遂致一應好事俱不得
行者臣以爲四時成歲孰非天工股肱惟良總歸元
首安有共事同僚互生猜忌徒快己私不顧君父少
有人心者亦不忍爲而首輔安忍爲之且聖明在上
幽隱畢照萬一覺察罪將焉諉故雖人言嘖嘖公憤
不平臣亦未敢信也反覆求之不得其故豈皇上
習見承平以爲天下治安耶抑輕視萬機以爲叢脞
易理耶恃仗祖德以爲慶澤方遠耶依憑圖讖以爲

景運正隆耶然自古帝王無不席祖宗之休德自古
帝王亦無不備昌熾之福祚承之以善其興也勃焉
承之不善其亡也忽焉故曰惟命不於常天命祖德
豈可恃哉乃若時事之艱國勢之岌臣請得而備數
之夫自朝講久廢人心玩愒大小臣工有如贅疣泄
泄沓沓朝不謀夕且上下無章名分倒置忠佞混淆
邪詭橫作閣部不成閣部臺省不成臺省公座虛擁
杜門強半所謂烏不爲烏鵲不爲鵲者也語曰民主
偷必亡今不特偷而已亦可畏也京師之民苦于商

役供應鋪墊日費千金一切包納毫不給值每有僉
報家破人亡強梁者借以報怨奸詭者指以詐財無
罪無辜動至滅門夫誰非君民何不幸而生于輦轂
之下耶 皇上試一體訪當自惻然心動食不下咽
也外省之民苦于征求今日加派若干明日帶徵若
干某處既加燒造矣某處又添織造矣豐年稔歲猶
爲剝肉天災時凶遂爲吸髓父北子南行號巷哭加
以稅務頻煩商賈不通欲耕則無地可耕欲賈則不
敢出賈夫民安則樂生痛則求死此等人心何事不

可爲耶至於邊塞之事尤不可言大將偏裨皆由賄
得督鎮文武總屬和同戰者掩敗以爲功和者苟延
以希寵餉分爲三以媚虜一以交結一以自潤餉
其餘幾兵分爲三一半無衣一半無食一半死傷兵
其餘幾蓋虜之市賞有增無減增者出於何項我之
軍伍有減無增減之何以應敵虜以坐食而橫肆需
求軍以枵腹而疲於奔命夫國家所恃惟一互市耳
互市所恃惟一虜婦耳故一聞虜王病亟舉國皆驚
矣今之邊事虜惟無變變則不可支虜惟無入入則

必無幸蓋積弱所致雖非朝夕之故而蓄癰一潰其
害尚忍言哉夫九邊不同所同者弱戰和不一所一
者欺言之寒心聞之短氣此實國家瀕死之證也非
遲以歲時勵以訓練誓以敵愾不易爲力也嗟嗟紀
綱者國之命脉也今玩愒陵遲若此矣百姓者國之
根本也今內憊外困若此矣北虜者國之仇敵也今
彼強我弱若此矣故當今之時爲今之計雖以命世
之才寤寐之求肝食宵衣整頓收拾猶懼不給而況
怠緩悅從若有若無以茲蕩蕩之德臨之哉彼千金

之家至細微也主者不主閭者不閭耕者不耕織者
不織則謂之不成家水火盜賊勢所必至矣一人之
身至耿小也手不能持足不能行目不能見口不能
食則謂之不成人溘然朝露理所不免矣夫四海之
大非千金之家也億兆之衆非一人之身也乃上不
爲上下不爲下文不成文武不成武棄置國事大家
不管又將何以倖存哉故 皇上新政一布雖深山
窮谷婦人小子莫不頌義而感恩 臣 方幸九廟神靈
實啓天聰一日之間遂能轉危爲安轉禍爲福奈之

何又方行而忽輟也

臣

既非病子狂人又非愛名干

進所以勤勤懇懇焦唇敝舌而不能已者一念朴忠

實不忍祖宗二百餘年之紀綱法度一旦廢弛如

此又不忍皇上三十餘年之仁聲義問一旦虧損

如此伏望皇上鑒

臣

之愚省

臣

之言反求前日之

心一信已頒之詔大振頽綱方求民瘼至於邊事敗

壞尤望及早收拾日如臨敵務使弘綱細目竝舉畢

張行見天命常懷民心永戴祖德延于萬禩福祚流

於後昆一代明聖之作爲豈不迥出尋常萬萬哉彼

道路所傳不問而知其誣矣臣不勝激切待命之至

聖躬靜攝日久天下伏機可慮乞採公道以固

社稷疏

王元翰

工科右給事中
萬曆三十四年七月

臣觀自古帝王臨御夫亦而天下頌聖神者何修得此不過聰明剛斷並用不悖而已惟聰明則是非獨照而浮議不能眩惟剛斷則賞罰必行而疑不能乘用以撫盈成之運垂奕世之休皆此物此具也皇王御宇三十餘年歷世最久練事最熟中間么麼小醜弄兵跋扈乃斷自聖衷勦無譙類而臣下不能借箸著此皇上之剛斷而運以聰明者也中間邪

正消長幾經變幻幾經喧囂乃酌自聖衷始爲天下
注之旋爲天下割之而盈庭不敢議其後此 皇上
之聰明而行以剛斷者也由今觀之凡國家大機大
計有必先定自止先決自止者乎羣臣望風拜目
相顧吐舌始知吾君真聖人也唐謀妙識微獨駕出
廷臣萬萬卽文明如周文果決大舜無以加也然豈
皇上獨用一己之見哉亦不過採滿朝之公從天下
之是而已公自生明而明不容煬灶公自生斷而斷
不及掩耳豈其行之屢年廢於一旦用之初服墮於

末路則深居靜攝有不可恃爲常法耳靜攝之初猶有綰天下於方寸之意靜攝之久潛有隔天下於萬里之漸是故大僚任其缺而不補也權稅任其毒而不卽罷也臺省任其不可支吾而不卽考選也章疏任其高閣而不卽報答也廢棄任其淪落而不卽拔置也邊事任其恣相破濫而不卽禁核也紀法分義任其頽蕩凌亂而不卽整頓飭刷也方今時事孰大於此乃諸臣至焦唇敝齒不得一俞可 皇上果違天下以自用付時艱於東流乎爲深居不出似於明

決之中勢必借持重之術計旦暮間有不可測之恩
威不踰時之法令煖幽谷之寒沃久渴之心無俟
言之畢矣惟是持重之過 皇上藏於無原天下卽
於無原中出沒其機緘 皇上運於無形天下卽於
無形中瀆混其涇渭明爲阿附之私也乃借朝廷之
大典以蓋之詰之曰吾爲大典重耳而呼應之敏捷
何其神實爲臭味之投也故假皮面之謾語以掩之
問之曰吾爲國體惜耳而毫楮之肝膈已若告彼亦
一露章此亦一露章語近踵襲而岐徑遂判於燕越

矣此露章亦不報彼露章亦不報兩見遲疑而公道
決不勝私情矣豈非進退存亡之一大機括哉臣讀
史見齊威一伯國之侯王耳一日召卽墨大夫語之
曰自子之守卽墨也毀言日至然吾使人視之田野
辟民人給東方以寧是子不善事吾左右以爲助也
封萬家召阿大夫語之曰自子之守阿也譽言日至
吾使人視之田野不辟民人饑餒趙攻鄆子不抹衛
取薛陵子不知是子厚幣事吾左右以求容也遂烹
阿大夫竝譽者於是羣臣聳懼不敢飾詐齊國大治

強天下卽此推之浮游之口未必真而公其之論乃
爲當又況乎以不毀爲毀巧用其毀以不譽爲譽巧
用其譽此尤不可方物也苟不稽衆口採輿論安知
不以冥冥決事誤天下蒼生也夫進退中世時有
也今日之事 皇上寧可矜憐之曲庇之以顛倒進
退之權臣子不可昧其心以變亂是非之實在 皇
上寧可洞燭未徹營營豫之見自有白黑較著之時
在臣子不可閃爍不先重遮密之疑以養邦國憂
之禍凡此皆爲 皇上深居不出故正出者旁隨者

勢必襍進不知小人之門固多荆棘君子之門亦有
陷穽附小人者固爲小人附君子者亦非君子士君
子以中正視身不黨報國獨來獨往正正堂堂肯俛
仰於人無益而取損哉獨其一畧是非之真浩大之
氣原自橫矣壤沛江河耀日星世界可壞惟此不可
磨滅耳臣願臣皇上定極思動昧爽視朝日進閣部
大臣商確急務令科道官得隨朝見面陳天下利弊
是非皇上從中決發數年廢政二旦舉行數年弊
政一旦改革灑然與天下更始如大明當天幽闇悉

耀爲光明矣不然昔人謂奏事司馬門三日不報則天下事可知矣可不爲明鑒哉臣五年庶常七月給諫非不知緘默取榮客依違免禍然姜桂之性葵藿之心自分已定苟持議論佐國毫毛卽損頂踵碎身首所不辭也伏冀臣聖明垂神宗社幸甚臣不勝懇祈待命之至

懇乞御朝用人省言撤稅以隆盛治疏

陳宗契

直隸巡按
萬曆三十四年八月

臣不肖荷蒙

皇上不次之恩置

臣

庶常讀書幾年

矣更拔置言路巡視漕運六月矣然庶常五年皆依闕下每於嵩呼之節常廁獸舞之班一銜主命遂爲四方之身矣血氣皆識尊親犬馬豈忘戀主謹於庶常章句之所聞與今日四牡馳驅之所見先掇拾塵覽明知諸臣所常談主上所厭聞然而壽國綿祚實不出此雖不足廣耳目於金鏡亦聊以存於菖苓惟

皇上垂聽焉

臣

聞周臣之以福壽頌禱也曰如月之

恒如日之升夫日月君德也月恒日升皆言始就明

也以

臣

愚揣之日月之明也惟其在天也君德之臨

蒞也惟其當陽也故舜之對堯曰天德出寧日月照

而四時行夫日月照而後四時行

臣

未見

皇上不

臨朝而百官能就理也

臣

嘗備員侍從望見乘輿於

上徽號之時百官初見睟穆不覺欣呼動地皆稽首

言曰顒顒卬卬真是萬年天子然卽以詢十年前視

朝之典各詫爲異常莫能相舉以對夫視朝國家常

典也以常典而使人慕爲異事於情似拂靜攝世宗
晚政也當鼎盛而取效晚年舉動於名欠佳矧萬曆
之祚綿綿無疆從今日計之不知幾十世王者寧有
歷幾十世不一延見羣臣天下又寧有歷幾十世不
一望見天子此之爲情理可思也臣願當此聖節暫
一肆朝受賀嗣後每月或間舉數次至於先朝便殿
召對之典則斷斷不可臣焉蓋大明當空羣魑自屏
正人造膝讒慝自消煬炆者無所售其上下指之私
夤緣者無所試其旁蹊窺伺之計此商宗之不敢怠

遑而堯舜之正南面皆是道也臣聞召公之告成王
曰爾壽命長矣福祿爾康卽繼之曰有馮有翼有孝
有德雅詩曰濟濟多士文王以寧又曰周王肅考遐
不作人由是觀之陛下以弱齡握眞人之錄而必
世治王者之仁十年卜歷不知底極受命不可謂不
長矣壽母正位於其中天子問膳於側神孫羅列於
前天下嬉嬉號爲三十四年太平天子福祿不可謂
不康矣乃求所謂馮翼孝德者果翩翩其羽濟濟于
庭乎不爾則皇上母乃吝作人之化而不自求厥

寧也夫庶人之壽亦欲手足強健耳目聰明乃
下所謂手足者何在部院半空其曹老成不能就職
被言者未必去聽者未必言去留總拂人心手足幾
成痿痺此子輿有空虛之譏郭泰有殄瘁之感也若
論耳目則益可顰者矣十年剝蝕存者如晨星也而
一鳴之斥何易十年壅滯塞者如積薪也而半通之
詔何難況行取候旨之臣皆以卓異之望英邁之年
果銳之氣蒸蒸回用於時 陛下乃以慎重之故過
爲磨礱磨礱之過陰爲摧折臣以爲人生只此歲時

耳自少而壯自壯而老人生只此意氣一鼓則倍再鼓則衰今不從其壯且倍者用之而使之落落閑曹悠悠卒歲以致勞者不休未用者不用已用者不聽不惟不聽而且徒隸御之泥沙棄之萬有緩急誰相告報臣願陛下自爲社稷計重下簡大僚下行取充臺諫庶使邕邕喈喈以成萃萃萋萋之盛不然冠裳玉珮之臣稱觴於列九夷八蠻之使稽顙於庭而糾儀導駕之無人大僚庶班之落莫豈所以壯中國太平之觀也臣又讀史至唐之太宗曰朕生日不樂

解者謂太宗思其所自生故不樂臣曰不然彼以爲
我爲樂人必有逢我者我樂而民則憂奈何言樂此
太宗意也故晁錯曰人情莫不欲壽三王生之而不
傷鬻子告之成王曰聖王在上使民盡其四生今

陛下於民生果生之耶壽之耶無疆履始之時果爲
樂耶不爲樂耶臣頃以漕歷吳楚之墟涉徐邳之界

達齊魯之境徧三輔之郊足跡幾半天下矣但見莽

蒼千里家家告空豺虎關梁處處告急而所爲稅使

亡命之徒矯虔如故也磨牙如也剝膚見髓敲吸未

休復又歛民怨以吁嵩假孝順而獻寵術籠執劫攫
取既極其恣橫雲擁蜂屯驛遞又極其騷擾故筐篚
庭實金山都是肉山而蟒玉褒加罪首反爲功首幾
何不以一生戕萬生而以萬憂博一樂乎臣聞養弘
之血三年而化爲碧今充仞殿陛下者皆民血也
臣恐其有所化也此一喻也臣又聞饕餮者之過食
也不盡吐則爲梗盡吐又胃爲傷今如崇如墉者皆
饕餮之餘物也臣恐其欲吐也臣恐其吐之而傷也
此又一喻而不止此也臣聞春秋曰聖王在上無

而今冰雹降於新秋王者德天則風雨順而今迅雷
轟於朝日德地則嘉禾生而今螟蝗飛於幾輔兼之
京商殘而根本撥太倉掃而腹胃空而營衛弱虜囚
叛而盟款寒物物見崇種種堪憂獨是黃白山封瓊
林露積自以爲措之不涸之倉不竭之府不知人虛
則人有易心內實則人有覬心擣虛垂涎事在昔臣
所稱喻兩要未可晏然也臣願皇上急却諸稅
使孝順穢物勿使點染休明而後撤使之詔發府庫
之令旦夕下焉庶乎財散民聚災去福生與周文姬

美與喬松比年萬曆之紀永永無窮萬年之觴永永
長進矣臣不識忌諱干冒天威伏乞俯念愚衷急賜
採擇生靈幸甚社稷幸甚

亟反弊政以挽危亂以圖治安疏

馮奕垣

貴州巡按御史
萬曆三十五年五月

惟天下之患莫病於危亂已至而人不言莫大於
危亂已成而已不知莫甚於明言之明知之而自以
爲不危不亂尤莫慘於自謂不危益以造危自謂不
亂益以釀亂而莫之止夫人不言是壅塞之患也猶
可開也已不知是蒙蔽之患也猶可通也惟明言之
明知之而自以爲不危不亂坐於針鋒之下臥於厝
火之上傳所謂安危利菑樂其所以亡者也不救之

術也自以爲不危反以造危自以爲不亂反以釀亂
水已深而益深火已熱而益熱漢臣司馬遷所謂河
決不可復壅魚爛不可復全者也欲救而無所施之
術也 皇上以今日之天下爲未危耶危而未甚耶
未亂耶亂而未成耶諸臣之言危言亂者皆欺耶皆
張皇其說以懼 陛下而百無一驗耶夫百無一驗
非真不驗也驗未來耳待其來而大事去矣 陛下
知不諱危亂之形 臣請得棨數于前先言臣所按之
貴州然後及其他而 陛下試垂聽焉貴州古鬼方

地界在絕徼大抵皆紅仲獨犂遞服叛商者不願出
其途宦者不願入其地是危亂之鄉也然而昔猶未
甚也乃今日之貴州何如哉自二奢構難而永寧之
闔衛危兩安爭衡縱賊出劫擅木林上下鞠爲盜藪
而烏撒危楊燧招納亡命犯我疆界逼我軍民而平
越涓余之境危苗雖經勦時猶出沒各土司橫梗阻
我漢法驛遞疲憊倉庾若洗而合省之道路城市無
不危臣與撫臣晝夜拮据計處尚未盡得帖帖然此
猶自一省言也赤金罷礦徒未散採木之使雜還扇

絹之供無已而滇蜀危大落赤大舉掠三秦之民投入虜地化爲盜賊潞紬羊絨日取日增追呼之使急如星火而山陝危逆宗叛於武昌狂童躁於麻城羽流亂於承天而三湘七澤之間危山海屯軍久遭椎剝人人思亂青萊倭警乘風猝至未得安枕而山東遠左危妖賊劉天緒護國僞封龍華僭號白下之變幾成斬木江南糧長京運解納鋪墊不堪朵顏段疋日增日挾歲派百倍膚髓俱竭而三吳兩浙危饒之燒造漸加福之機戶漸困漳泉党結白蓮妖聚而江

右七閩之間皆危關津場市布列叅隨躑躅無休憐
過強賊珠池之採徒就聚蒼梧之虐焰若焚而粵東
西在在皆危然此自皮毛言也長昂勾虜入犯喜峰
班白連兵闖掠遼薊京師爲之震駭陵寢幾於搖動
而肩背危安定門外白晝搶焉崇文城裡明火行劫
團營之卒大率市傭不任羽林宿衛強半老弱不堪
太倉岡寺罄焉若掃而根本之地危飛語甚於刀鋒
紅批慘於駕帖鹿馬走於階庭而肘腋之地皆危
陛下坐於危亂之中人皆知之而陛下若不知也

人皆憂之而 陛下若不憂也感時憤事之臣舌敝
唇枯嘵嘵爲 陛下言之而 陛下若不聞也賈誼
曰癰者一面病痺者一方痛今面面皆病方方皆痛
節節皆腫卽岐黃侍側診脉治之而指不勝按藥物
回之而劑不勝調痿然而尪羸病廢之夫旦夕待盡
而奄奄無復生氣夫 陛下而聽其尪羸病廢旦夕
待盡則已如不安於尪羸病廢也 臣請自 陛下之
元神始 陛下之癰在於貪財 臣今第言貪財之禍
以儆告 陛下則 陛下不信碩 陛下所獲于天

者壽也臣所朝夕虎拜祈祝於陛下者亦壽也然必元神日固斯元氣日培而貪也者非養神之道也陛下試思採樵以來歛幾多咀呪角幾多口舌受幾多含忍費幾多關防扃鑰如是而心有不懌乎神有不耗乎昔晉有二臣祖約愛錢阮孚愛屐人有造受錢者止料財物客至屏當不盡餘兩小簍傾身障之流汗浹背已而造愛屐者惟以蠟治屐神閒意暢夫流汗浹背其煩苦可知也陛下所愛者逸也所惡者勤也顧天子一日萬幾豈游閒者比故幾務之來

隨剖隨決則綽有餘閒若今日停閣明日復來明日
壅塞後日復來愈閣愈沉愈厭夫愈沉愈厭其
煩苦又可知也臣非欲予陛下以勞而奪陛下
以富也不勞不逸不庶不靜性靜情逸保身安民萬
年永永之道也此臣以養元祐爲陛下勸也又請
自陛下之心脅始宰相者陛下之心脅也漢丞
相何亡高帝如失左右手今陛下之心脅亡久矣
亡而猶不思所以補之者得無謂獨任亦足以成治
耶臣無暇遠引嚮者陛下曾獨任矣固寵逢君陷

陛下於過舉至於犯清議庇私人衆口訾訾然後舍
虎以去此前事之不忘也夫獨任之弊有三相輔之
地名爲政本使中人居之則畏權如畏膩而泄泄悠
悠下於避事使不肖者居之則嗜寵如嗜味強足以
敵公論而威足以箝衆口擅權貴重而卒至於敗事
卽賢者居之辰而入申而出碩影無偶亦孤獨劬勞
而不免於誤事如輔臣朱賡往年直事閣中曾補牘
回天殊快人意今大權在手業將一年乃未聞調元
轉轂如曩時而一二弊政似又甚之者豈前後兩截

耶抑密勿之中無與共事心力最苦欲有所幹旋而
不能得耶陛下念閣臣不可獨任政本不可久虛
則何不亟於置輔而當置輔之始又必廣其額無限
其途苟其相才相度相品相望爲人所推服者詞林
可六部亦可邊臣亦可驗之人情叅之公論有如推
舉不公徇情植黨不協人望聽_且等叅核昔宋司馬
光四夷皆聞其名富弼文彥博入相朝野相賀仁宗
喜謂歐陽修曰人情如此豈不賢於夢卜至王安石
相而袖中之彈文出矣裴延齡相而陽城之白麻裂

矣此四臣者其賢奸忠佞豈待嘉元治平李韋朋
比青苗手實害及雞豚之後而始見哉故臣願臣陛
下急於置相而嚴於論相者此也臣又請自臣陛
下之股肱始傳有之尚書象北斗故天下無北斗則
無與斟酌元氣而四時失其序二十四氣失其調今
六部尚書僅得其四十二侍郎僅得其五而其中尤
多不滿人意者焉至于各省撫臣鎖鑰臣方安攘攸
寄必安其位行其志乃能舉其職今有憂制而不得
代者有被人言累疏而不得去者有不得代不得去

而徑離任者各省監司畫土而轄分疆而治上佐撫
臣下制百司所係豈細乃今有缺而不補補而不點
至地方千里而竟無一道臣彈壓者各省總兵下有
叅遊又其下有備哨一切軍情兵機悉稟調度而盜
賊衝溢去處猶屬喫緊乃今有地居險要勢若燃眉
而久虛無人者夫時當有事而死職死鼓死封疆死
社稷可生可殺而不可使離局者豈伊異人任乃向
日所嘗厚託者也今平時既無專責臨難必多推諉
不幸漁陽變于外奉天厄於內非袖手傍觀則掉臂

遠去誰爲陛下效死力者昔唐顏真卿當祿山反時力扼其吭而遏其衝玄宗聞之嘆曰朕不識真卿作何狀乃能如是夫玄宗雖不識真卿猶使之爲平原時也設當時不予平官不假一職惟使之候命長安老死巖谷節賊屠平原長驅而下能效一籌出一力抗叢爾孤城而邊方張不可制之虜耶臣又請自陛下之耳目始臺省者言陛下之耳目也今臺省寥寥晨星而臺臣尤甚在外者一差常閱數年在內者一太常兼數事東馳西騖捉襟露肘至于候補諸臣

珠桂長安嗟積薪之難待廢棄諸臣或以言得罪或以抗惡璫得罪白頭巖穴嗟乳羝以何期蓋陛下于言臣喜其默不喜其言旣以不用禁其言又以用不用老其身惟欲挫之抑之使之壯志消磨英風摧挫人太軟熟而後也不知其目之官奸宄隱而不發惡無鉅而不摧一日不在前則前有讒不見一日不在後則後有賊不知一日不在四方則四方有道狼窟兔之雄而莫與告捕之陛下奈何抑之而自塞其耳掩其目爲也

臣又請自陛下之咽喉始當令中

外金帛主臣睽絕所恃以相通而不相隔者區區奏
揭耳陛下卽一省覽一批發若晦朔之有期
晨昏之有候猶恐有旁擬中格之弊乃當省不省當
覽不覽又慮人之以我爲不省不覽也而微示之以
省覽當批不批當答不答又慮人之以我爲不批不
答也而間出之以批答或批矣而不發閣或發矣而
又收回陛下之心以爲吾示之以神明庶幾人不
我知也吾示之以不可知庶幾人不我欺也不知我
以不可知者示人人又將乘其所示者而竊之我以

不可欺者籠人人又將乘其所籠者而攘之今日之
批答猶自上出也異日必有不自上出而批答者矣
今日之收回猶自上反也異日必有不自上反而收
回者矣出必行反必寢誰能造 陛下之膝而問真
僞者 陛下卽聽明天縱而窮者日伺日巧自
今以往 臣恐門外有象而 陛下不見也昔二世時
項羽攻破函谷關烽火通于咸陽二世以問趙高對
曰羣盜鼠竊狗偷不足憂也二世遂安樂如故而咸
陽以燼今日脫有如趙高者以狗鼠罔 陛下所係

存亡禍福夫豈細故獨奈何不懼也臣又請自陛下

下之血脉始泉貨者陛下與百姓流通之血脉也

血脉在人不可使之臃腫臃腫在此則癥結在彼于

是風邪入之病以陰則呻吟床蓐病以陽則緣壁扳

瓦狂發不可駕馭陛下歛天下之財聚之內府是

臃腫之病也九邊之兵殫竭于外宇縣之民撓亂于

內是癥結之症也今天下大病非呻吟床蓐則緣壁

扳瓦矣呻吟床蓐者猶臥以待斃彼緣壁者扳瓦者

不叫號于東則披猖于西一夫大呼豪傑響應臣切

計今海內一年之中變者四出曰下之變渾泉又變
山海關又變都門內外盜賊公行又變紅巾綠林高
雞豆甌之倫皆亡人家國而今在在蜂起 陛下何
不自省而堅欲聚無益之財招必至之禍也 陛下
毋謂蚩蚩小民弱而不敢動愚而不足畏也 臣恐蚩
蚩愚弱之中高歡已伏于左知世卽已伺于右楚人
之炬旣燃而阿房宮室業有垂涎于其側者獨奈何
不懼也 臣又請自 陛下之癭瘰始中人者 陛下
之癭瘰也今楊致中克殺鄭光擢于都下恬然不畏

曰吾操一分好錢糧而止矣明以陛下爲易與趙
祿邢朝毆死知縣龍鏗于國門掠其行李以去是明
以劫殺爲慣常梁永毒流關中公然鵠天子命使則
劉瑾王振之惡也高淮盜竊兵柄大惹夷釁儼然行
太將軍事則童貫魚朝恩之漬也其他湖口清源種
種繹絡彈劾愈急虐焰愈熾沉陳奉而不悛灰楊榮
而不懼是何等世界也當陛下無謂奴婢爲無傷也
漢唐之末造皆此輩亂之而我祖宗二正之李幾
敗于若人之手蓋癭瘰爲物附于股則股大如腰附

于頸則頸大如股平居則踧盤而不舉一旦潰決而大命隨之獨奈何不懼也夫此數者皆諸臣所嘗言亦陛下所厭聞也人常言而臣復不以爲常而苦口言之陛下厭聞而臣復不以爲厭而激聒陳之此非不知陛下之必不聽而臣言之必不爲陛下聽也獨計今天下之危者亂者其病根正坐此而所以救其亂而反之治持其危而反之安者其鍼砭斷不出此則臣安得以爲常而不再三披瀝以竭其愚忠夫饑而言食渴而言飲非天下之至常至常

者哉然不食則腹枵而人以死不飲則喉枯而人亦
以死父母有病而惡食藥者其子調劑以進初進之
不悅再進之怒三進則逐而咎之夫親之惡食藥子
非不知也然所以寧怒寧咎而不敢不以藥進者何
也以爲非此無以愈親之病也臣讀史至槐里令朱
雲欲借上方斬馬劒斷佞臣頭成帝大怒欲誅之後
竟緝檻以旌其直齊威王淫樂不聽政羣臣無敢諫
者幸有感于飛鳴之隱語而阿以烹卽墨以封齊國
大治今陛下負堯舜之資豈齊威漢成可比惟是

一念沉溺以至于斯誠萬一聽臣而幡然改圖渙然
更始輔臣又以積誠盡力轉移而感動其間庶幾今
日之敗亡猶可救乎臣愚戇無知目擊危亂一念之
血誠不自禁如此惟皇上鑒焉臣不勝惶恐待
命之至

觸弊感時直陳三事大義以裨聖治疏

李三才

總督漕運都御史
萬曆三十五年閏六月

頃自鹽臣以缺鹽法大阻國病民困官貪吏蠹臣已具疏以請速差憲臣速補運使矣竊思此惟一官之缺遂致一政之廢其弊如此其害如此况弊有萬倍害有百倍真爲國家治亂所關臣又安忍不一直陳之乎當今之時諸皇上所自以爲快者莫過三事不補大寮矣不取科道矣不用廢棄矣豈不以爲爵祿名位自我操之欲行則行欲止則止哉不知君之有

臣如父之有子夫之有婦原相對待不能偏廢原相
依倚不容暫離此所謂三綱也故天生民而必作之
君天立君而必輔之臣是君之用臣非徒私以祿位
如戚畹佞倖也原欲引以爲助分猷共念填撫國
家戴和萬姓也臣之見用非祇訢其祿位如戚畹佞
倖已也原欲行其所學謀玉定伯功及當時聲施後
世也故位曰天位祿曰天祿職曰天職若謂予奪之
權其原蓋出於天不過寄之人君以馭臣下云耳此
詩所謂天命降鑒不僭不濫者也故君之求臣基於

臣之求君何也譬人有子弟必求塾師以教之非塾師之求教也必求乳婦以養之非乳婦之求養也此理勢之不得不然者蓋自有天地君臣以來固若此矣不然有君而無臣是有父而無子有夫而無婦也何以謂之三綱有天下而不得人是有子弟而無婦以乳之無師以教之也豈非自棄其子弟哉是臣不得君不過山林而已矣貧賤而已矣山林貧賤固士之常也君不得臣則四海之大誰與其理宗社之重誰與共守夷虜外侵奸雄中起雖力可拔山智足籠

世亦安能獨運耶孰重孰輕孰緩孰急三尺童子辨之矣古先聖王寤寐之思弓旌之招後車之載賢良之求豈故爲是勞擾哉且皇上果能盡去內外文武獨據尊位乎是無所謂百官之富者又何以稱朝廷也其諸悞事廢政且不必言矣至於科道行取尤爲喫緊夫科道之設原爲朝廷之耳目其選甚難其責甚重蓋據其章奏之純駁可以窺其心術之邪正卽其趨向之清濁可以定其人品之高卑朝廷有黜陟焉天下有是非焉萬世有褒貶焉此最要之官最

難之官最美之任最苦之任也故國事廢弛賴以張
之民生困苦賴以陳之內外作奸賴以糾之權倖橫
肆賴以鎮之是科道一日不備則朝廷耳目一日不
明朝廷耳目一日不明則內外奸邪一日不戢只如
按臣多缺巡行無人遂致貪穢成風困窮載道如此
不已而天下不壞豈理也哉是科道不用乃奸人之
幸羣小之福良民之殃國事之蠹也若不論其關係
之重稽其職任之艱猥謂中行冷散已甚守令奔走
既久聊取此官以酬其勞此庸鄙之見世俗之情耳

豈所以論朝廷之大體哉乃外人之言尤有可異俱謂朝廷只恐科道多言故不行取夫皇上所守者祖宗之法所遵者德義之行卽有用人行政之差正欲科道官執法糾舉當則允之不當則罷之夫何多言之慮耶且本責之言而反異其言耶况欲言實難欲不言固易易矣其如非祖宗設官命名之意何哉古之獻詩獻典師箴矇誦日夕求言猶懼不給今乃並其官而廢之善敗罔聞其亦可爲寒心也已乃若起廢一節亦自有說自皇上御極以來廢棄

者幾臣百餘人矣是三百餘人者或以議論直慙被
逐或以意見不合被逐或以察案註誤被逐事固不
同品亦有異若謂諸臣盡屬賢者臣不敢知若謂諸
臣盡屬不肖臣尤不敢信也乃今皆置之若遺矣十
畝多閑幽人滿野何國家作養之難而棄置之易若
此耶況時事正艱需人甚急乃竟令其優游養逸自
爲名高朝廷曾不得其半臂之用也豈不惜哉況以
皇上一代英明之主而使抱節守義諸臣放逐終
身俾國家一段忠義之氣鬱而不宣又豈盛世之景

象哉亦可歎矣乃不知者多以爲諸臣觸忤皇上
故皇上怒而不用夫臣自束髮登朝於今三十五
年竊見皇上量如天地明並日月何有忤而不容
何有隱而不照且歷查諸臣原無觸忤皇上者清
宮靜夜皇上一一思之誰爲觸忤者乎故如鄒元
標趙南星顧憲成等清風勁節亭亭物表天下之人
無論識與不識皆稱爲忠臣義士祇以議論意見一
失當路之旨遂被譖蒙讒一葉不收然總之於

皇上何忤乎總之皇上何心乎觀之三臣而諸臣

可知也今乃云 皇上實怒之是既假 皇上之威
以禁錮諸臣又借 皇上之名以遮飾已過負國負
君吁亦已甚矣况今枚卜得人羣賢彙進行當開誠
布公共襄上理 皇上何不速信前詔一令久錮之
人遂見天日也夫此三事也若謂目下卽可以亂國
家卽可以危社稷不惟 皇上不信臣亦不信也若
終此不改將來國家必至於亂社稷必至於危不惟
臣愚知之 皇上固自知也嗟乎嗟乎 皇上一身
上承 祖宗艱難之大統下開子孫無疆之大業而

乃使禍亂兆自今日太平失自今日豈所望於英明之主哉至若裁決章疏皇上試一留神自可立斷可則允行否則報罷不過費清燕一瞬之力耳何至久留不報習以爲常致令左右生心窺伺得計遲速緩急之間實爲陰竊其柄矣卽皇上天縱神明自謂獨斷而疏之下否人之用否亦有逆料多中者矣非無因而然也伏望皇上凝神靜慮反求初心獨觀治亂之原深惟宗社之計必知臣言非謬臣心不欺大寮決不可不補科道決不可不取廢棄決不可

不用速沛德音一新前政凡有章疏朝入夕報而大小臣工亦各宜專心報主一意爲國大滌恩怨之腸共返公平之政如此而君臣交儆天地同泰天下有不乂安長治未之有也蓋人臣比肩事主同心相濟果惟朝廷是急百姓是憂則蕩蕩平平至公至正有何恩讐有何黨與意見不同不妨虎爭議論已明便當冰釋若惟徇私背公變白亂黑知有身家而不知有君父知有勢利而不知有德義俾人主孤立於上而莫誰適從上負國家下負生民臣之不忠孰大乎

是九廟神靈臨之在上質之在傍生當刑戮死當
滅絕非不幸也此尤近日臣工之當戒者敢併及之
若夫臣之自盟則旣久矣惟皇上留神照察施行

敬陳保泰之謨以新聖治疏

康元積

太常寺博士
萬曆三十六年正月

臣聞古者每歲孟春道人以木鐸徇于路官師相規
工執藝事以諫以此知聖王之世雖百工賤役皆得
畢獻其愚其在孟春正月則體元居正始象方懸故
聞言尤汲汲焉伏覩 皇上御極于今三十有六載
矣方內晏然邊塵不聳久道成化度越 祖宗茲當
三十六年之正月維新更始于是乎在 臣考正月之
卦其名爲泰 臣嘗取易經泰卦反覆玩味未嘗不嘆

聖人于保泰持盈之際何其倦切而著明也臣不敢

妄有所陳謹以泰卦彖象六爻謬繹其旨而推以今

日之事敬爲 皇上詳陳之泰之卦辭曰泰小往大

來吉亨臣考易經貴陽而賤陰故陰爲小陽爲大此

卦陰往居外陽來居內陰慝消而陽淑長鼓鬯休明

爲吉祥善事之符有吉亨之象焉臣以是推之陰之

小也其於人爲小人其于事爲誤主爲蔽賢爲蠹國

爲禍社稷病蒼生凡公行敗類陰賊枝害作不善而

施不怨者皆小也皆泰道之世所當往者也陽之大

也其平公爲君子其市事爲匡主爲容賢爲泰國爲
福祉稷利蒼生凡此直慙厚勁氣亮節撫肝膽而洞
肺腑者皆大也皆泰道之世所當來者也故往而不
往不可言泰來而不來不可言泰自古雖唐虞之盛
亦有小人雖夏商之季亦有君子顧往來之機謂何
耳下皇上誠以泰卦爲別小人之品審往來之用
則所謂吉亨者取象也此泰卦之大較也泰之象
曰泰小往大來亨亨則是天地交而萬物通也上下
交而其志同也內陽而外陰內健而外順內君子而

外小人君子道長小人道消也推考泰卦天道下際
地道上升有相交之義焉在造化則天地既交而乾
坤之氣欣合敷榮萬物之所以通也在世道則君臣
上下有魚水之歡無金甌之間有相須相成之美無
相猜相嫌之尤志之所以同也天地既交則內陽外
陰內健外順矣上下既交則君子必內而其道長矣
小人必外而其道消矣且以是推之上下之間不交
則異異則離岐壅塞其勢必鬱而爲否交則同同則
融結乎達其勢必開而成泰否泰之機係于上下之

交與不交同與不同耳顧臣竊以爲同亦有辨矣伊
尹曰惟尹躬暨湯咸有一德此同而得者也如晏子
稱梁丘據之與景公者以水濟水以火濟火則同而
失者也今日百廟廊之上以爲不交不同耶則是星
止或數筴來於或去或荒或老所體或規者甚隆所推或資或錫
予者甚厚所信任倚重者甚專或坐或臥卽偶被指摘立
罪言者而曲爲解免所慰藉彌縫者甚婉切而駕至
此或詔告所或來有也或以爲或交或而或同耶或自或然或皇上靜攝二
卡餘年或無朝講或不御或召對或無聞或展或入或西出或以爲盡

齊傳發票擬以供筆札安危利病之故臣上何嘗吝
其疑發其難閱閱焉以久安長治者熟註于元老下
何嘗矢而謨陳一畫皇皇焉以守成保盛者熟陳于
皇上使天下之大悠悠恣恣如無舵之舟大小之政
且趨于頽靡而寢失其初大小之官且趨于苟且而
盡忘其故古者俚而行之謂之老農坐而論道謂之
三公今作者不能行坐者不得論臣竊爲盛世惜之
臣願自今獻歲發新之際皇上穆然深思慨然更
始進臣三輔臣而問以今日之國計民生其登耗

休戚者若何官方更治其通塞虛實者若何務求所
爲繫苞桑而鞶磐石者斯下交之道也亦願二三輔
臣時以憂危苦詞進于皇上而告以國計之日詘
也民生之目蹙也官方之塞極而宜通也吏治之廢
弛偷窳相襲相蒙而不可不覈也天命去留之靡常
而不可假易也及履諫切務求所爲回天聽而固
金甌者斯上交之道也此臣之所爲延頸而望于今
日者也泰之象曰天地交泰后以裁成天地之宜以
左右民蓋言泰交之世天地之道固以渾淪后于是

爲之裁成以妙其用天地之宜方已宣序后于是爲
之輔相以順其施裁成輔相而民生之休養安全者
若聖人左提而右挈之故曰以左右民臣以是知元
后者天地之心也生民之命也皇上爲天地生民
之主則所爲裁成輔相以左右民者可漫不置意乎
况今日之事又大有可言者古者以六曹之官擬于
天地四時則裁成輔相計未有大于此者臣不敢泛
濫廣陳試以六官之事宜于今日者畧陳于前以天
官言之在位之壘資而不得遷者凡幾去位之空缺

而不得補者凡幾耶署之馮唐田老郡邑之龔黃久
湮孝廉明經曠桂孫都門每踰歲而無官吏胥雜
流倚錢神于巷伯輒且久而得官則吏部之所當裁
成輔相者宜急進以地官言之太倉無二年之儲邊
軍缺半載之供稅使橫徂之人既朽蠹而不得用有
司惟正之供又困罷而弗能支財戶部之所當裁成
輔相者宜急也以春官言之自太郊廟習遣代之常
而享二帝集于親僅同減歲事自臨御奉傳免之常
而鹵簿儀衛不及前緒最以至俗流失世敗壞民競

于偷士競于躁縉紳競于門戶文章競于纖靡奉釋
奉老之徒競于供養莊嚴則禮部之所當裁成輔相
者宜急也以夏官言之京營之戎伍濫冒而不可校
錦衣之緹騎冗蠹而不可汰武弁世胄施未合于白
丁不過一方之士偶邊徼債帥累宗級于青蚨奚望
千里之折衝苟安者或剝軍以養寇幸無事而已掠
以爲功忤懷者或弄兵以修郤卒有患而已不任其
禍則兵部之所當裁成輔相者宜急也以秋官言之
橫嶺釀三秦之怨毒惡貫已盈而三尺不加奚啻吞

舟之漏網茂宰作百里之保障艱危已甚而繫囚不
釋可謂戴盆之無天加以累年沉滯論奏已明先登
鬼錄者永號長夜之冤見在囚籍者尙抱園扉之痛
臣惟頃歲皇上恩詔矜赦已又決囚之使分道四
出乃今輦轂之下皇仁未暢刑部之所當裁成
輔相者宜急也以冬官言之三門工程尙無完日

福王公主府第方新內供之額辦仰屋無策而不能
塞漏卮河渠之開塞經費無筭而不能實逝波頃者
奉旨報商明禁甚嚴乃報者幾經審論曾焦唇而

得之被報者一經請託遂緩頰而免之譬之子勤穡
事父匿鋤耰此何以示後世乎則工部之所當裁成
輔相者宜急也諸如此類更僕未數而臣姑舉近事
以發其概 皇上試于此月以往廬與中外臣工維
新庶政次第舉行將民獲左右之福而元后之責塞
矣泰之初九曰拔茅茹以其彙征吉象曰拔茅征吉
志在外也蓋言陽德方亨天子之賢萃于朝廷如拔
茅之茹連彙而起共致太平吉孰大焉何者羣賢彙
征則志在天下不在一身故以其征爲吉也臣以是

知賢者之志用之內則全身自牧而天下不用之外
則經綸康濟而天下泰故拔茹之象聖人喜焉 皇
上今日開泰之治所當拔茹而進朝征夕吉計無有
先於考選諸臣者彼其取于民譽採於人望閱歷既
久籌策素具耳目賴幹於是乎在 皇上何不以此
三陽之時慨然渙發德音令之布列有位予以資繩
糾而重彈壓師師濟濟各施所長其能贊裁成輔相
之業者必此輦也 宜皇上何靳而久不發臣之所未
解也泰之九二曰包荒用馮河不遐遺朋亡得尚于

中行象曰包荒得尚于中行以光大也蓋言泰寧之時所患者刻核故宜包荒所忌者猶豫故用馮河所貴者周悉故遐不遺所戒者偏比故朋宜下四者各適宇宙之內清和咸理故曰得尚于中行要之四者之中惟包荒爲最難何者爲於可爲之時得之精明失之渾厚苟其包荒合于中行光大之業端在是矣臣以是四者推于今日不能不有望于皇上焉頃者江西叅政姜士昌奏疏彰往察來臚列條陳反覆數千言慷慨叩關詞雖煩費意實忠懇未幾御史

宋燾撫時大息痛士昌之被謫感慨憤激行爲迫切
無諱之談義形于色至欲與忠魂同遊語雖大過肝
膽甚烈乃皇上甚怒切責旣于姜士昌宋燾先後
咸加顯斥甚矣復因燾之疏而再斥士昌抑又甚矣
咸陽知縣蒲朝薦出萬死不顧一生之計爲秦民捍
禦橫墻垂餌虎口可謂鐵漢宋永殺人劫貢之語其
計畫無聊之狀亦可想見皇上明知永之不法奮
然收回乃又介介于縣令而械繫幽囚此何爲也頃
者李楨國所具情詞其順逆昭然而蒲朝薦至今不

蒙釋放又何爲也則泰之所謂包荒意者其當講乎
古人謂決爲事之成需爲事之害今 皇上之所當
決需者有三事焉如礦稅之歛怨歛愁而當亟罷也
亦旣明知之矣乃一則曰自有停止之時再則曰自
有停止之日今爲時者凡幾爲日者凡幾而卒不見
其停止也如省署半空臺署幾空考選諸賢困頓日
久其當亟下也亦旣明知之矣一則曰少俟檢發再
則曰稍俟檢發今俟而又俟累少爲多而卒不見其
檢發也如九卿大僚皆 皇之股肱之寄身論

紀綱所繫抑亦國體攸尊今堂堂盛世而凡列不
備有如晨星其當補也亦既明知之矣乃一則曰再
推幾員再則曰并原推寫來今推者屢矣請者屢矣
而卒不見其點用也據斯三者當斷不斷則泰之所
謂馮河意者其當用乎自諸臣以論事能忤先後擯
斥者若而人今淪落廢棄者已若而年棲遲衡泌之
間偃仰蠻瘴之鄉彼其江湖魏闕之思天王聖明
之慕豈嘗須臾忘哉而皇上竟置之若遺遂使賜
環無期傾葵莫效則泰之所謂不遐遺意者其當念

乎自二相既去之後南北之徒競求爲勝意見各殊
曹偶遂分偏執之極角距橫生得勢而附華旣如慕
擅失勢而爭摧抑隨之三季之戒可爲寒心殷鑒不
遠臣竊憂之書曰無偏無黨王道蕩蕩盛明之時天
下一家大小臣工共惟帝臣請自今開泰之始渙小
羣成大羣銷落成心咸布公道以成蕩平之休是在
廟廊之上建中和以倡之耳則泰之所謂朋亡意者
其當講乎泰之九三曰無平不陂無往不復艱貞無
咎勿恤其孚于食有福象曰無往不復天地際也蓋

言天運循環世無常泰不可恃也吾恃其平而易
陂矣計所爲安其平者宜何如吾恃其往而往易復
矣計所爲保其往者宜何如惟艱惟貞庶幾免于咎
乎如是則數之孚者可勿憂而交泰之福可長享矣
何者往復消息爲天地之際圖之則可挽諉之則遂
成際之爲言間不容髮蓋可忽乎哉臣以是推之今
日則平陂往復適當其際矣自皇上踐祚以來何
福不臻何威不暢何令不行何所摧而不磨滅何所
求而不輻輳盛矣極矣語曰日中則昃月滿則虧今

其中滿之一時乎自造化無常泰之運今乃徂治安
之勢而恬然不虞其後臣竊以爲過矣不及今開泰
之時聖君賢相咨殷鑒夏以平陂往復之必至者
動色相戒以艱貞食福之可爲者焦心共理一旦數
極勢成卒有不可言者乃始駭而圖之其將有及乎
泰之六四曰翩翩不富以其鄰不戒以孚象曰翩翩
不富皆失實也不戒以孚中心願也蓋言泰已過矣
陰且乘矣羣小欲進之勢無翼而飛者翩翩起矣莫
或富之而相爲鄰矣莫或戒之而相爲孚矣彼其翩

翩而鄰者安歸乎歸于富厚耳而曰不富則失實矣
彼其鄰之戒者孰迫之乎迫于中之所同欲耳而曰
以孚則中心願矣今日廟廊之上休容在列羣賢
畢集矢志效忠固萬萬無六四之僞萬一有之則所
以爲翩翩者臣懼其附之翼也所爲鄰者臣懼其得
富而益親也所爲孚者臣虞其黨同伐異諭諭訛訛
而爲善類戕也所願臣皇上別陰陽分邪正毋惑于
左右日至之口將正朝廷以正百官何憂乎驪粦何
畏乎憮壬譬之雨雪漉漉而見晷消矣泰之六五曰

帝乙歸妹以祉元吉象曰以祉元吉中以行願也蓋
言五爲保泰之主不恃治安不挾勢位而降其尊以
順陽德之君子有帝乙歸妹之象焉則羣策舉而理
道昌是爲以祉元吉然非執中獨運素願不移則讒
慝之所間羣枉之所淆能必行乎故曰中以行願也
臣以是知泰交之象惟係于人主願治之一心主之
所願則得失理亂之故裁成輔相之道惟恐臣之交
不孚志不同而我不得保有其泰也頃 皇上下爰
立之詔一日而置四輔僉謀之外思及耆舊蓋穆然

有秦誓黃髮之詢焉天下之人引領拭目瞻仰此舉
今二輔先後入閣辦事遠者踰再時近者踰一時尚
未見皇上召見延訪所商確者何事所爲更化善
治者道將安出令二輔何以攄所懷來而愜天下之
望意者皇上之所謂中者或非由衷而所行者徒
虛願乎以社元吉臣竊望之矣秦之上六曰城復于
隍勿用師自邑告命貞吝象曰城復于隍其命亂也
盖言秦極成否積累之基還爲崩潰城且爲隍矣斯
尚可以力爭乎卽告命徙勤名義雖正而補苴無及

亦以吝矣彼其魚爛之勢已成三令五申其命亂矣
誰爲爲之孰令聽之蓋臣讀易至是而不覺撫卷太
息也嘗試思之隍以成城也而何以復爲隍夫善建
不拔有基無壞意者版築之弗良而俾城斯壞乎百
足之蟲至死不朴扶之者衆耳意者夾輔之無其人
如累基之不可居乎居安思危有備無患意者戶牖
之綢繆不具而侵剝于陰雨乎城鼠不灌屋鼠不薰
意者依附窟穴積微爲著勢極而莫返乎人亦有言
衆心成城爲金爲湯意者怨毒盈于世離叛四起至

于土崩瓦解而不可收拾乎今者金甌磐石之業有
過曆而無不及本萬萬無虞惟是思亡則恒存思亂
則恒治念及于師之不可用告命之徒勞則二三輔
臣所爲圖回豫防以副 皇上長城之倚者信無然
泄泄矣臣反覆泰卦以君相之交爲之綱以君子小
人之内外爲之紀以裁成輔相天地而左右民者爲
之事泰之始由于君子故拔茅于初志喜也泰之否
由于小人故翩翩于四志憂也泰將極則曰艱貞言
人定之能勝天也泰之極而否則曰貞吝言天定之

能勝人也。要之有帝乙歸妹之六五，則必有包荒光大之九二。何者？天道下際，地道自當上行。此五二之相應而泰交之象也。則今日之輔臣有不得辭其責者矣。臣觀皇上于諸臣之言無所不疑，而獨于密勿元老每多委曲以示信；于諸臣之言無所不輕，而獨于密勿元老每多改容以示重。如是而獨曰非歸妹之主乎？輔臣居九二之遭，所爲竭股肱忠貞以應皇上宜何如者？如臣前所稱包荒等事，惓惓所望于皇上者，自非輔臣將順其美，多方開道，小必不能得。

而正已物正惟係于輔臣之身蓋輔臣休休有容則
所稱包荒也以此靖獻而 皇上之量自廣矣何忠
直之不容輔臣斷斷無他則所稱馮河也以此靖獻
而 皇上之行自決矣何弊政之不更輔臣集思廣
益則所稱不遐遺也以此靖獻而 皇上之慮自周
矣何幽隱之不徹輔臣開誠布公則所稱朋亡也以
此靖獻而 皇上之念自平矣何偏黨之不化輔臣
無作好而遵道無作惡而遵路則所稱中行也以此
靖獻而 皇上之尚自端矣何先入之爲累夫使遇

巷無時自牖無機猶不得談于無可奈何况今遭

皇上之隆遇其爲巷也大矣遭皇上之聰察其爲

牖也多矣我實納約無術遂以無可奈何者談之

皇上而號于人曰吾以去就爭之而不得以死生爭

之而不得臣聞輔臣言去就則有之矣未聞其以去

就爭何事也言死生則有之矣未聞其以死生爭何

事也斯不亦虛翹主過以愚天下乎天下其誰能

說之故臣嘗謬論皇上有總攬之名而無其實輔

臣有誤國之實而無其名冢宰有統均之權而無其

柄此皆事之大可慮而保泰之時所不可有者故
敬闡繹此卦以爲 皇上履端更始之助而未復于
輔臣三致意焉誠見 皇上年來所倚任者在此天
下人所跂望者在此後世史冊所公評者在此且夫
天下之大自 皇上而下提綱挈領更屬何人不于
輔臣之望而誰望耶伏望 皇上鑒臣之衷臣之
愚深惟交泰之義嘉與輔臣志同道合除舊布新計
所爲裁成輔相而左右民者將萬世之運與天無極
臣卽以狗馬填溝壑死無所恨若夫出位之罪臣雖

罷斥臣固甘之

國事日急朝政日非懇乞亟悟改行疏

史學遷

雲南道監察御史
萬曆三十六年六月

臣惟今天下春春多事哉滇有賊粵有寇遼有建酋
薊有強虜事稱急矣而非所以急也小民誅求已盡
太倉金錢告洗九邊枵腹庚癸立呼事稱極急矣而
非所以致急之由也蓋其道不在外而在內不在邊
疆而在朝廷何以明之朝廷者四方之極也自古
熙熙皞皞之世必當君明臣良之會故元首明股
肱良則庶事康今殿廷稀御上下不交十疏而九不

報百奏而一不聞間有自惟中可者又不過尋常故
事中有宵子之言上既無前席之虛下亦無造膝之
謨大臣以窺探逢迎爲精神以交結夤緣爲工夫小
臣以奔走權門爲得意以背公覓黨爲職業似此壅
隔痞塞之象憲憲泄泄之風而欲國事得理患難不
作必不可得之數也昔宋相司馬光而遼人戒以勿
生事開邊隙今豈異是乎百官者萬民之表也協和
風動之治悉由于師師濟濟之盛故舜以五臣武以
十亂今九卿之長已缺其六銓憲重地數載空懸時

下在內在外諸臣寥寥如晨之星忠藎者計不得行
思爲解綬浮沉者幸其得售相率彈冠而郎署之多
人幾于積薪監司之缺不啻于告匱壅者壅缺者缺
因循苟且之日久則叢脞廢墮之弊生而欲國事得
理患難不作此必不得之數也宋臣呂蒙正以夷狄
之賓服見職業之克盡其要歸于文武各盡其道而
已今豈異是乎科道者耳目之助也明四目達四聰
始成有虞之治而祖宗廣開言路多設科道二百
餘員蓋重之也乃邇年以來蕭索太甚禁錮泉石者

賜環無期遴選輦轂者祁忍弗予遂使臺署全空諸
差告急科道叅人以不堪作宰相則竟予之宰相科
道叅人以不堪作滇撫則竟予之滇撫言者自言行
者自行此等機局明示厭棄夫上固不欲言官之多
口而下亦幸言官之不售然朝政不闕何須隄防
苟有指摘豈盡臺諫批項下之鱗請尚方之劒耿耿
烈士何時無之而劉元珍龐時雍姜士昌鄭振先輩
固皆自別衙門出也若蹇蹇諤諤之士遠則唯唯諾
諾之習成誰爲 陛下陳奸弊誰爲 陛下勦禍亂

而欲國事得理患難不作此必不可得之數也唐憲
宗之告輔臣曰朕近來甚得言官之力若非卿言幾
塞言路今豈異是乎夫國事之急者不知其凡幾而
前數者則其燃眉之甚 朝政之失者亦不知其凡
幾而後三者則其樞機之要蓋正 朝廷以正百官
正百官以正萬民而天下無不歸于正矣惟願 皇
上留心時艱慨然于前數事而修舉之國事其猶幸
乎臣不勝戰兢仰望之至

擴聖度通國脉以維世道以臻太平疏

蕭近高

刑科都給事中
萬曆三十六年七月

臣伏觀近來臺省封事百無一省發考選諸臣經年
不補諸詆訐輔臣輒蒙震怒隨加貶斥臣中夜靜念
深懷憂恤夫朝廷之有言路猶人身之有脉理也
脉理壅滯則燥濕風邪乘虛而入百病作矣言路阻
塞則上下隔絕苟且相習耳目易嚮而國危矣秦二
世所山東諸賊竝起而二世不知天寶之際安祿山
兵已過河而明皇猶以爲忠臣此下情不通耳目壅

蔽其弊至於此極也恭繹我朝洪熙初戈謙數言事
仁宗皇帝雖不罪謙但免其朝叅令專坐司視事自
是言者遂少上謂楊士奇曰自免戈謙言者不至豈
果無事可言遂令士奇草勅引過命戈謙如舊朝叅
令百官無以謙爲戒我朝君臣相得之美惟洪熙爲
盛當時治化休明煥於唐虞至今交誦以爲千載一
時也 祖宗虛懷之效如此秦唐壅蔽之禍如彼言
路通塞之故亦可見於前事矣今羣臣之言是者豈
能盡符於聖衷豈必盡協于道理然而言之當者

加納而行之未當者包荒而容之導之使言而擇之
在我取其所長而舍其所短豈惟可以收衆言之益
卽多言不足爲吾患豈惟可以省議論之繁卽繁言
益足以彰我之能容如天覆幬羣情輻輳宇內一氣
蒸爲太和顧不休哉今不論是非不問可否槩無省
覽卽或省覽漫無施行有所摘發奸伏也曰是固然
耳其被摘發者安然如故也有所條析利弊也曰是
固然耳其應興除者循襲如故也勢隔九重情懸萬
里閤不可叩闕不可排且爲神叢且爲煬灶弊固有

不可勝言者矣。孟氏之言曰：有言責者，不得其言，則去臺省以言爲責言，而不得則有去而已矣。祖宗設立臺省衙門，命曰耳目之司。夫使臺省虛無人，是人而自抉其耳目也。無耳目，不成其爲人。無臺省，尙得成其爲朝廷哉？宋史所載城門閉，言路閉，城門閉，言路開。此宋室南渡時民謠識者已卜其無可救藥。今日全盛之金甌，豈宜有此景象？臣所以中夜深思憂極而繼之以泣也。皇上以考選諸臣不卽除補也，以爲達官且可以省無耳目之議論乎？其爲閣臣

李廷機斥逐建言諸臣也。以爲懲一人可以箝千萬人之口。若采夫不以聽言爲有言之實。而以監謗爲弭謗之法。此召公所謂防而之口。甚乎防川。壅而潰傷人必多。誠善喻也。此於諸臣之淹滯者。屏逐者。無損其毫毛。而所損於明聖。注如之懷。輔臣休休之度。不已多乎。輔臣李廷機入閣年餘矣。未聞有何嘉謀猷。以格帝心。有何大旋轉。以副羣望。第聞始而言官論之。旣而藩臬之臣論之。又旣而郎署諸臣論之。而已。皇上之簡用李廷機也。亦不聞交孚一德者。

果何事細旃問道者果何道第見今日爲廷機處一
姜士昌又明日爲廷機處一鄭振先范汝梓而已端
揆之地密勿之司止以承弼一人下以表正萬方寧
有以其身爲的而可立乎一人之下處於百僚之上
得晏然安其位而行其志者乎 皇上亦宜俯順人
心聽其陳乞以去則所全者大倘求多者猶然未已
皇上亦安得人人盡處之以快其心哉王安石之告
神宗曰言人之惡者旣衆人所不善人主又從而厭
惡之其弊至于奸慝不止聞人臣之執拗者莫如安

石猶知以此諫神宗然則人主亦何可折人以言以
自取壅蔽之禍哉方今邊警夷情所在告急東南水
患災沴異常然此有形之變猶可措手料理猶可設
法禦戢至於言路否鬻血脉壅滯世變江河靡然莫
知所底止而國從之此則病在臆理針砭湯熨所不
及加如 皇上不自省察蕩然宜導其結轡而疏淪
其底滯臣恐沉冥痼疾靡得而瘳矣伏望 皇上深
維安危理亂之源恢山藪藏納之度開兼聽竝觀之
門諸臣章疏批答如流明示可否毋致沉閣候命者

需然彙進以修其職業摘斥者翻然賜環以作其感
奮陳乞者慨然俞允以全其進退明主持蕩平於上
羣臣承休德於下萬派委輸百脉流暢無復有邪氣
奸其間者於以消泯戾而集禎祥千載太平之效可
立而奏矣臣勉摭芻蕘千瀆宸衷仰惟聖慈俯賜
採擇施行

國家危亂已兆朝政墜敝猶仍疏

李光輝

浙江道監察御史萬曆三十六年七月

臣聞天下之安危係朝政之得失惟朝政有得失而治亂隨之如水之在孟如谷之應響其機至不爽也然自人主之一念勤惰始我皇上臨御初年勵精圖治兢業萬幾一切章奏批答不停惟時自宰臣而下靡不精白一心以承休德是以在朝蹒蹒在野熙熙廷無闕政國無橫征人人勵素絲羔羊之節而鮮頑鈍無耻之風在在歌太平有道之常而罕流離轉

徙之狀

臣

猶及記蒙

皇上拔置臺班樂觀盛事撫

今追往于時曾有曠稅剝民骨髓者乎曾有一人而
兼數官一官而兼數事者乎曾有披素摠款以希一
當而竟爾停閣者乎曾有頻經指摘而日食大官而
揮之不去者乎曾有畢力窮氓苦心邊計而反罹幽
囚莫必其命者乎曾有折檻匡時批鱗悟主而不一
賜環者乎是 皇上十五年以前真可比烈堯舜而
於二祖有光 臣何幸而覩此綦隆之景象也何至今
日迺大謬不然耶豈淑始者不必有終抑行百里之

半者容有倦心乎。曷廢前修。怠棄克念。日移月易。一
至於此。嗟嗟。方今海內自礦稅之使。煽虐以來。居者
不能保其生徙者不能保其骨。黔黎。黠條。生靈。磔裂。
皇上何忍民命之草芥。若此。自大小臣工。停補以來。
內少寅亮之風。外鮮貞肅之度。事主模稜。人從長厚。
皇上何忍吏治之蕝情。若此。自內帑充積。累百萬億。
以來。閭閻竭有額之供。商民多呻吟之苦。朝野共征。
人無固志。皇上何忍邦本之携。若此。自章奏壅。
滯。百不答。一以來。聲不及聞。而尊若隔九天。皇上

何忍臣僚之濶絕若此自宰執重臣相延于澳忍以
來故庶隅不必飾名節若可損 皇上何忍股肱之
委靡若此自滿朝薦王那本等之相繼被逮以來輸
忠者喪氣申救者無門 皇上何忍忠良之摧折若
此往年建言諸臣皆效忠於 皇上者乃立杖之馬
一斥而俾其老死於牖下間有三三棲遲於巖穴者
屢推不用 皇上何忍賢人之禁錮若此夫以 皇
上金甌之天下卽久接初政不輟尙虞平陂往復益
宜恐懼修省處置務欽得其宜綢繆務及其未雨何

乃勢隔九關置人言謂不足畏玩愒機宜視天下爲
不足理言者焦唇敝舌聽者採納杳然臣何人斯敢
望回天緣臣從山右迢迢而來京師目擊耳聞寒心
酸鼻欲復有所陳而南牋臺省之極陳利病不啻臚
列欲纖旦姑待而公切害國禍家之政未減秋毫况
近年畿輔大水邇者南浙吳楚之水患尤慘酷異常
道路誼傳建酋狡虜未忘啓殲之思而邊餉又且匱
乏之甚京師自晝大都公行劫掠無所顧忌此等形
境皇上以爲亂乎不亂乎危乎不危乎且皇上

萬壽伊邇中外耳目甚衆所繫觀聽不淺倘于此時
不毅然一反初政則長此厲階誰實醞釀之哉故臣
區區芹曝之惓願皇上奮然思維翻然圖理先發
內帑以拯災民卽補臺省大僚以備股肱耳目凡諸
臣所當切蠹政悉行罷革一切良法悉見施行轉
亂爲治易危爲安端有望乎今日者臣又遐觀于開
元天寶亂后惟居玄宗一君也有姚宋張韓則爲開
元有林甫則爲天寶臣皇上試于靜中體察十五年
前猶何以興亡十年後猶何以替臣圖維而天下不

難于理矣。目不勝悚息激切待命之至。

邊腹多艱見聞有槩謹陳利弊仰裨采察以圖
安攘疏

張濤

戶部郎中宣府督餉
萬曆三十八年七月

臣釋褐爲令凡七年放棄一十四年又錄爲令凡二
年邊豆之事九載未遑移入版部甫閱數月又岐往
者紫荆之轍迤邐居庸出餉宣鎮斗筭之人實隸戎
馬臣不善爲吏而能視已成事故有慨於內治而欲
言有司之事臣書生不知邊事而千聞不如一見故
有慨於外攘而欲言邊疆之事臣卽言之而臣愧無

當也然臣起自堪巖感激有悃附於芻蕘靖獻有私
臣試妄言而

陛下試垂聽焉臣請先言有司之事臣惟我

朝加意邦本爲民張官期於拊摩不翅具矣閭閻彫
敝日甚一日其故維何臣不得而盡言也姑言劇困
所自來其半由里甲半由罰贖非耶夫里甲盡放歸
農不有

明旨乎試問今天下有司不用里甲者誰也一切徵
解酌量則僉收頭矣管押則差官吏矣而郡邑里排

又未見不在糧櫃也水陸轉輸賠補羨耗未見不累里排也下程鋪陳延賓賞餼做夫走馬填衙搭廠未見不役里排也然且旁立名色本一里排也又改而爲坊長廂長矣又遴爲殷實大戶矣又挖而爲役空抽閒矣又併而爲朋黨幫貼矣日生之名色有故田野之歸寧無期殊不知條鞭法行各項徵銀在官矣而何乃紛營如此甚也里排之門戶疊出官吏之道路寬饒其中有一等有司卑而又暗仁而又柔知不能及斷不能捐卽未必人人谿壑而谿壑卒自赴也

諸如此蠹司府有盡求之令宰者乎撫按有盡求之司府者乎罰贖盡用憲票又不有

明禁乎試問今天下有司盡行憲票者又誰也縣府司道以至撫按凡有贖鍰盡請憲票法禁詳矣然而縣猶以爲礙於府也府猶以爲礙於道也卽撫按亦猶自以爲礙而恐不能無間言於令守司道若曰夫子未出於正也間有請行憲票之名却無的行憲票之實其有一二力行者上下耽耽目爲怪物而力行者岌岌乎殆矣今欲實行憲票須先從司道始次郡

守次邑令刻石通衢示諭民庶凡有徵贖不用憲票者卽政比龔黃亦以賊論平人皆得首告從重給賞犯者自告得實亦得免罪不究夫如此而後憲票可行也雖然不恤其隱亦不可行也有司俸入有限貉道乖於人倫實欲憲票必行臣爲之計令尹准支用憲票內贖錢類三百兩府准支合府贖銀共四百兩司道得支合屬贖銀共五百兩庶日用交際有所資藉至於撫按公費再不許以動支無礙銀兩爲名亦卽斟酌取於憲票之內此猶不行是謂真貪川不可

坊謗不能監一有執私票而詰者各官何辭之迫也
臣聞近行會御史之言類准積穀恂稱良法然積穀
必須用憲票以塞蹠岐憲票必須估費穀以別貉道
苟不如此上下之勢立窮而交徵之弊仍舊矣此非
積穀之難而難於不善積穀也蓋非憲票不能積穀
而非處官司公用之穀明開於憲票循環之中必不
能善行憲票也吁嗟閭閻之苦豈惟苛里甲豈惟濫
贖鍰哉有如一表文也此公差也府道夫馬郵票自
是通行有等營差官員欲索長馬長夫長隨皂快夫

馬皂快工食幾何走遶二三千里計程論費將去各役工食疆半差官却又不用真天馬不用真皂快只索折乾耳各役計無所之聚爲軟擡軟擡云者夫夫馬馬分分錢錢頭箕歛而涕泣贈也若以爲酬恤差官之勞苦而公費備用獨不可區處也何至抽刮窮役之步須工食也卽一表文而他差又可知也又如一解金花銀兩也請有勘合矣有脚價矣有幫貼鞘扛等費矣仍索軟擡夫馬皂快如表文事例而差官者類曲徇之鍼頭削鐵役人者亦太甚矣一金花解

官而他又可知也一解京邊銀米課程等物也止赴
應收衙門交納可也府不收而解府何也道不收而
又解道何也且徧掛號於無干之各衙門又何也不
解到不掛號則各不相干衙門之書吏無進入矣必
解到必掛號而才難阻滯解戶之囊橐欲空身家半
破矣又不但辛苦萬狀已也一衝疲之夫馬繁費何
不明派正加却令外幫暗補牽扯無休歇也一農桑
絹疋硃漆茶蠟等物何不產處徵物不產處徵價却
以責有於無而呈樣賣良矣然其納也論南土糧食

也何未徑輸水次却為先回僻倉再費舟車再費
價也又如憲綱所載上下官司有應參見者止於一
次餘俱不許煩數荒廢政事勞擾車馬今府縣司道
有在同城之內者日中相見或五日一見已非憲綱
矣乃六朔望也府行香府學縣行香縣學制也縣官
行香猶未成禮忽又奔見府官於府學此何禮數也
上司初任一見有事商量再見無妨矣乃年節一見
端午一見中秋重陽辭年又數數往見生日一見考
滿一見上司凡有家慶自己欲效懇懃又常常時見

近者猶可頻來頻往尚有遠在一二千里外者往往或三月或一月或月半計一歲之內定費半歲工夫在舟車水陸之間不惟勞夫勞馬勞挑送下程之人而自已且耽勞過苦也寧復更有精神在民瘼乎其見時之饋送又不可問也且迎接上司也巡方總約各有定限上司間亦申飭却不信從遠者或百里或四五十里其接止一二十里外者天下府州縣官恐不能得十餘人也上司一到有飯食矣有日廩矣又辦下程備極水陸亦程不收是矣而又折價六七兩

多或十餘兩此何題目也往來交際銀兩發縣發府
收貯皆原封也及其解去交納不用原封却要收貯
縣府補足輕少之數有收受千金以外補至百兩以
上者出何名義也至於薦剡原是薦才薦守而真才
真守何能污已而厚贈人近來謝薦多至百金而四
十五十者無聞也進士百金內外而舉人一百有半
貢生倍之監吏又不可知矣故一官有十薦二十薦
少亦有四五薦者通以百金計算一官已謝薦一千
以上而少亦四百五百也加人如此處已可知此一

薦也可得人乎否也此皆虐用其民侈靡爲訓尊倨
傲貴諂佞成風士習日卑民生日蹙端出於此臣又
請言邊疆之事臣典庫出納凡夫時支給清平兌防
侵牟寬解委前此分司具有成法臣謹依樣遵循無
庸輕議卽小涉職掌可得絃更柱易者如路站折支
園頭占役衙署供需先支寓賑臣謹次第剖割無庸
漫瀆臣第惟

二祖初續肇定宣鎮額設官軍一十二萬六千三百
九十員名不爲不多矣其時餉且常盈也迨正統

泥塞去歲省金繒不可數計臣估筭邊牆姑以長一丈言之基廣一丈四尺頂廣一丈高一丈七尺石土灰水等項不過費銀三兩一百八十丈爲一里一里費五百四十兩一千里該銀五十四萬餘兩如是則寬使寬用萬無不足矣

國家豈少此等切費而坐失長策乎臣知城邊易而城邊之人難如今日督撫撫道公忠清慎理國如家加銜久任特賜

聖書寵爲勞慰城成延賞斯其簡在又在

廟謨耳重撫道猶不可不重府廳等官而府廳尤在
選擢之優異臣查宣鎮在城各路同知通判共九員
俱稱賢良上下賴之唯其中科甲常少卽奇才潔守
卓然粹然非不足重而超擢塗嗇以故將領習見其
人每亦以資格玩之多恐兵馬虛實未易稽覈墻堡
修守未易責成執之則礙將領之面分徇之則成保
障之虛文撫道而上耳目幾何委任如斯邊情戎務
其能有興也臣竊惟重地重人吏部權衡宜加殊隲
一遇城路缺出務將試有成效甲科推官藉名繁難

付也臣想逋在京倉者堂官當有心血或不忍以臣啖餒戍早暮督濟應有至計其逋在省直者秋成仍負姑容凡爲分司者徑籲彼處撫按取一的數酌量豐歉揭呈堂官設法叅催蓋糧有內外用有緩急緩者急之民瘼安在急者緩之軍法難稽一槩支吾口實撫字臣不敢知也臣知逋內額者不妨保障逋外額者宜礙擢取分司狀陳銓地唾去并干吏議如是而官必自爲民運亦必競赴矣夫有解運則必當議解運之人解運之法委官得人防侵盡制有何他慮

頃者山東之印糊樣銀山西之竝封法馬不煩歛推
亦旣清楚外此則臣不無過計也臣知委官營差者
十七侵鞘者十九以致庫役平鍼秤兌不足則訴卽
令伊自秤兌不足又訴夫收卽所以爲放收不足而
放將奚取雖甚平恕而急遠嫌者全不計較低昂不
得也每每解官見銀不足其乞哀卑鄙之狀臣若齷
齷在躬恨不能剜肉代補也無已寧從其減不忍全
拂其在得之情又恐求全如額彼還巧訴非牽吏污
官則拖里歛甲也然此皆人法不慎故也設使上而

官府一切解發遇有營差者堅執不聽其所遴用非
薦獎符實卽正塗向上者而人得矣至其銀錠須如
山東之印花錠錠糊完填以故紙敗絮十錠一束緊
縛牢拴飽塞鞘腹不令動移致有挨損鞘身之內四
面印花稠漿錮糊覆以油紙護以敗絮用防破鞘換
鞘之姦鞘身之外又糊合縫層層印識光油塗飾不
令受雨密加鐵箍十分堅完度非斧鋌不得鞘破仍
編字號銀錠印花單與鞘同釘封投驗此謂有法人
法兩得幸矣萬一失之人亦可得之法失之法亦可

得之人如是而解運之弊不革官民之累不除臣不信也解運一入不免關支而關支要在畫一臣查錢糧扣領分司旣叨專差當有專務法該宣府都司籍其額設官員軍馬原數呈詳總督巡撫守巡兵道核實移文分司奉爲成數每月各路將領細查見在者逃亡者及告乞預支者條爲三項報明該道移文分司奉爲扣數卽可據爲給數放扣之後分司俱將扣者放者回報該道該道據報巡撫只此一篇文書存給清楚法至簡至明亦易查身守也今操防守備月

通關領片赴都司取領矣此號矣驗銀矣諸凡瑣屑
文移分司明者敏者亦爲迷悶而況非明敏者凡此
不過史書作姦因仍陋例多方覆謬以便售欺索錢
耳有如一盂水以傾第二盂不免粘滴若三傾四傾
至五六七傾而盂水可無損乎如各路站折支銀兩
應領者卽赴庫自領月領月散可也何爲又領到府
廳收貯待其往返而後給出也取領狀於都司豈不
費錢乞領銀於府廳豈不費力又有庫給印封銀兩
濡滯歇家等候驗封然後領回委領人員其精神命
流少

脉不知無困損否如使果爾開銀兌查以防不肖則此等套驗未始爲煩如止看封一過而套驗又何用也節來分司多自賢科最其不肖亦未有甘爲鼠竊歛怨軍兵者況軍兵有口鍼歆一髮稟乞無忌豈肯隱忍持去徐徐伸告也從來未聞撥轉兌銀一封則套驗斷乎可已也只須免得委領人員候費一番卽便宜矣又如訴米訴豆訴本訴折訴預支訴抵扣宜從分司專理而他衙門不得干與一或干與徑批不知分司有無行事而姦者具售錢糧不及追追之又

多一事也。關支明則員役確而員役又忌投充之虛冒。臣所謂虛冒云者，非軍兵實無人數也。有人數而多非軍兵也。蓋凡刺繡、凡裁縫、凡書辦、凡表背及畫匠、凡厨役、銀匠、染匠、鋸匠、鞍匠、席匠、木匠、鐵匠、篾匠、皮匠、泥水匠、百工九流遊閒花蕩等衆，俱在兵籍。以若所籍充足額兵，豈無全數第彎弓蹶弩、執戟舞劍臨陣衝鋒，或非其能耳。此等姓非軍、姓名非軍、名頂認餉籍，却是本軍祖來姓名。無事則聚，有事則逃，孰能稽之？且投充之故，爲藉餉者十之六，爲避役就庇

者十之四竊餉者餉不必全避就者投不必餉而餉之所歸可知也儻使閱操者人分各隊以驗其數隊析各伎以表其長又於閱操之先確註年貌花名冊籍懸帶腰牌責令符合一至教場按冊抽點驗對牌冊因藝考真此時軍兵有無真假炯如觀火軍兵逼真想不必驅之黃鼠也卽捉鼠不足而亦不必補鼠價也想不必驅之補狐狸也卽補狐不足而亦不必納狐價也想不必驅之私採青也卽採青不足而亦不必上青價也想不必驅之朋買貂也卽朋貂不

足而亦不必加貂價也將領加恩軍兵感動將人有
吞胡之氣而虜有必烹之運且宣虜二大部落其在
獨石住牧則爲哈喇慎白洪大台吉及馬五素等酋
耳其在張家口住牧則爲打喇名安七慶把都等酋
耳其在殺胡堡住牧則爲永邵卜合羅氣等酋耳昔
人謂匈奴雖衆不過漢一大縣今卽以三部落當漢
三大縣得乎

國家山河萬國兵馬億兆而尤無筭謀臣策士如雨
如雲旌旗一指星霄掩映聲響相傳雷霆震驚萬物猶

向老虜婦鼻息間伺喜怒爲安危將置鬚眉何地哉
但得納家令之言使驃騎之將漠南當無王庭今日
之封不封貢不貢又何足掛齒煩勞樞筦憂

君父也卽封貢難停邊口宜嚴而邊口又思互市之
多岐臣查

穆廟初年議允欵貢酌定市期歲准八月或九月市
開一次後因市馬太濫費價太多閔科裁請歲定宣
府市馬三萬有奇馬價一十八萬五千外定撫賞銀
五萬二千共二十三萬七千此題允成期額數也乃

者邊牆頽頽市路紛紜卽稱張家口獨石等處不及市期時有交易及至市期虜馬將竭故有馬之價已多無馬之價不少何謂無馬之價首執歲許市馬成數而馬不及半價必求全司市者不得不應以牌爲馬照牌折價卽折價匹馬不過布十疋銀六錢要之賣空買空屈弱太甚向使路路口口皆如期而啓閉又皆如期而互市將會馬群集安致坐費無馬之價也且當其市期豪有力者又有明市一說盡將會馬挑選奪買甫買到手拉給各軍立索朋合厚償馬價

本五利十向使明市不開安致互市盡鮮良馬而窮
軍復遭刮削也市馬入口固多老瘠間有童駒發賣
定價上等三錢五分中等三錢下等二錢此等價錢
僅足易老瘠皮肉耳況馬未必皆倒死乎又有童駒
之價似當另酌然恤兵從予價仍舊貫未爲不可所
可核者馬值一兩二兩以上百中有十價馬二弁一
曰牧馬一曰變馬彼或別有故焉而未必具納之府
廳乃致全虧市本也凡此皆臣謬爲不然之慮而市
價明市朋合等項要在一一清妥毋或日滋釁

際而終爲邊市患也臣觀無償諸物心目爲眩人逕
世全雜珮贈賓珍筭裕後匡匡玄黃備極方錯未有
腴公此者有赤金有白銀有珍珠有貂鼠有蟒段有
獸段有金段有剪絨有通綵段有白綾有金女衣有
皮段有遠段有太中潞絀有青布有梭布有乾線布
有紫絨有赤毛褐有豹皮有虎皮有獺皮有狐皮
有真紅波有綠斜波有花紅氍毹有花毯有紅氍衫有
黃段機塗有藍絨有棕帽有皮靴有大小紅漆櫃有
琵琶有箏有阮有銅鍋有鐵鍋有香有絲線有數

珠有經摺有涼鍼有女剪有洋皮金有青絲汗巾有
白綾汗巾有雜綾汗巾有銀絲有胭脂粉有銅鏡有
扣具有烙鐵有金箔有銅鎖有冰銀有銅綠有紫漆
鞍有鍍金鍍銀鞋帶有鍍銀鑲金事件捏子有高茶
次茶茶壺等項關民利漢財節金絮彩繒而外能備
此乎臣恐京民通欠用甚支持不繼而市賞終未可
常恃也然不如亟葺邊城能爲可守也而邊牆又形
影之可駭也臣嘗躬歷邊口親窺邊勝據所目擊近
口處所車馬常劉其牆或以圓石或以亂石堆累數

尺壓以木板仍累石塊高廣可睹此謂有形之牆雨
雪積久木料自爛卽木不爛虜抽爲薪每致石傾反
助虜會梯礮其有無石無木僅僅覆土數簣插以木
枝網以繩索微如菜園護鷄離落此謂有影之牆華
夷有界戎馬難防夫邊牆最重修築爲緊不意往時
恃款弛備一至此極臣觀中人家下及窰戶竹籬
茨塹亦以爲急堂堂

中國守在四夷累

朝三牆僅存其一而其一又把廢如此匪今撫道銳
紀少

意隄防其謂桑土綢繆何矣臣查宣鎮邊牆東自四海冶火焰山起接下上北路中踰上下西路底平遠堡延袤一千二百四十二里其間低殘者居多而上北路爲甚儻一剏修屹然金湯校酋窺伺何從著足不此爲務僅靠金繒臣雖至愚亦欲借著說者謬謂邊牆難修動艱土石不知何山無石何山無土有石石砂有土土築舊時壓木陋規遷就細石必不可用本處且有一種黃土堅凝如脂參以沙土石灰三合灌填銅牆鐵壁不翅牢固說者謬艱石灰夫石可燒

灰十山之內六處可煉柴取本山又最易說者認
謂艱水夫秦人水窖當春積雨終年不涸試依山凹
堤爲大池漫以三和灰土打成底壁先種肇工來春
來夏盈泓蕩池水可勝用乎十里一池一池工費或
五六十金多或百金通計一千二百里內有近水者
不池不近水者爲池然亦不過七八十池一
七八十百金有何難辦但版築之役非臣
可任臣竊籌之城工千二百里其總督
百里一督者參遊十里一督者守備操防

一年辦石辦灰辦池水三五月成新墻矣役有殊寵
成有殊勲勞來鼓舞豈患乏人其撫道領協時省騶
從如先年郭琥城大同故事輕裘一騎或肩輿躬出
勸相犒用牛酒軍民和會當誦靈城說者謬難錢糧
夫馬市所省歲浮十萬以餉不給係前分司借去得
有餉到便可抵還見今太倉暨各省直又共欠宣餉
一百二十五萬七千一百餘兩只煩題追半那湊餉
半那築墻勾當有餘其銀卽以厚膳八萬軍丘月糧
如故而此增益之卽工爲守比及城完張家口一九

景泰間額數寢耗尚有九萬三百四十六員名而餉故無恙也迨弘治正德暨嘉靖年間由六萬六千九百七十九員名新增二萬四千一百七十二員名共九萬一千有奇而餉亦無恙也其時鎮城各路馬額猶多牧養有地草料併充胡至今日而兵馬餉料獨憂匱也臣得其故矣臣查餉冊官軍糧俸馬騾草料布花撫賞馬市等銀歲出之數該一百三十萬五千八百七十三兩有奇及查歲入京運民運鹽屯止銀一百二十六萬三千五百七十八兩有奇是出浮於

入多至四萬二千二百九十五兩矣卽歲入秋毫無
逋亦不償其所出今京倉節欠銀共四十二萬七百
九十餘矣北直山東河南山西等處節欠銀八十三
萬三千八百三十餘矣本鎮屯折又欠銀二千四百
七十餘矣入之數原窄而逋之數復寬需之人最哀
而應之人殊苦此時此地其爲分司者難之難矣臣
不得已首以逋餉爲請蓋今倉粟竭矣馬價借矣哨
銀借矣八九月間正當撫賞正開馬市分司不能丹
砂以相還巡撫不能黃葉以成款此豈臣堂官所不

調移填補比及行取視腹內府廳尤加寵渥卽不然亦當優叙見在科貢循良置之清華由是除授聿新武弁改觀繁難名高鍊材益奮徵召特殊流品樂趣厥後共道之見聞益真振作愈妙三年之內邊地邊軍苟且搪塞猶然故事豈有是處至於衛學教官本是邊庠模範尤切徃徃師儒止選邊貢何裨文教今須揀取中士名科庠選一人至於陞遷覈查士業報以六館三年之外士必兩化材必林選吳越鄒魯季扎開先江漢化行文考作極未聞用夏不可以變夷

也凡此邊政具關餉需故利則餉爲實用弊則餉爲
虛擲臣縷縷漫言總爲清餉耳至若將略兵機張弛
變化臣未有知而亦安敢聒聒訟也餉邊衛文學中
有一二頗習邊情所著論說不可枚舉其大要有云
守貢夷人四饒通丁今作清平之嚮導終爲釀醢之
應兵又云查閱祗屬文章巡勘已飽掾隸又云貼月
納錢

國帑徒費殘弓敝韃操練虛揚又云追思窘軍夷馬
之包何如金繒竟予之便又云侵月餉代稻田納拋

荒折路產移軍屯養將廉有識同悲含靈共憤又云
虜亦可以賄驅勇亦可以巧攝民作俘囚官猶燕捷
又云糧卒醉高眠菜傭夜擊柝又云操驛暨飛檄何
時問是非又云選將爲憂邊何知將所欲又云胡虜
無常衰之運邊徼正孔棘之秋臣攬斯文味有餘美
固誠遼豕庶幾墊芹而臣又不能伏此攸箴也臣爲
腹吏在蜀在直隸撫按道府皆通名賢臣所言內
治特述所嘗劾臣者耳臣恐終負於縣邑而又三
復於斯言也臣爲邊吏所見文臣武臣壽幄韜鈴皆

邁時輩故臣所言外治特稱彼所欲上方略耳臣無諱於道聽而又掠爲臆說也如蒙

皇上採菲發下部院曲賜擬議擇其一二施行中外則順治威嚴未必無小補矣臣不勝屏息待

命之至